

**NATIONAL ASSEMBLY OF
SEYCHELLES**

Wednesday 16th June, 2021

The Assembly met at 9am

National Anthem

Moment of Reflection

Mr Speaker in the Chair

MR SPEAKER

Bonzour tou Manm Onorab. Bonzour nou piblik ki pe swiv nou. Byenveni pou en nouvo sesyon travay. Mon a zis komans avek en pti lanons e sa se lo eleksyon Onorab Waven William lo *Sustainable Development Committee, Inter-Parliamentary Union*. Onorab William in ganny elekte lo sa komite pou reprezant rezyon Lafrik. I enn bann 4 komite permanan *IPU* e zot zenn 2 fwa par an dan bann *General Assembly IPU*. Alors i en apwentman ase enportan e signifikan pou nou Lasanble.

Onorab William in bezwen konteste pou sa pozisyon kont lezot kandida, dan rezyon Lafrik. Son apwentman i pou 2an. Alors dan son labsans felisitasyon pou Onorab William. Mersi

(APPLAUSE)

MR SPEAKER

Nou ti mank en *Bill* lo *First Reading* yer, e mon a envit Madanm Clerk pou ratrap sa *First Reading*.

MADAM CLERK

Mersi Mr Speaker. Bonzour Mr Speaker. Bonzour tou bann Manm e tou dimoun ki a lekout. *This Act may be cited as the Central Bank of Seychelles (Amendment) Act, 2021*. Mersi Mr Speaker.

MR SPEAKER

Mersi Madanm Clerk. E nou pou avanse lo nou *Oder Paper* avek travay lo nou bann Mosyon. E komanse par Mosyon pou apwentman en Komisyoner Lapolis. E mon envit Onorab Georges pou komanse.

HON BERNARD GEORGES

Mersi Mr Speaker. Bonzour Mr Speaker. Bonzour tou bann Manm Lasanble e bonzour tou bann Manm ki pe swiv nou lo televizyon ek lo radyo. Mr Speaker, depi ki ou'n koze bomaten, Onorab Waven William in re zwenn nou dan Lasanble e avek ou permisyon permet mwan felisit li lo non

non selman nou *Caucus*, me lo non Lasanble annan tye pou son eleksyon, i fer nou Lasanble fyer. *Congratulations* Onorab William!

Mr Speaker, premye Mosyon ki devan nou lo *Order Paper* ozordi, i parey ou'n dir, Mosyon pou aprouv lapwentman propoze par Prezidan pou en Komisyoner Lapolis. E Mosyon i lir koumsa';

In accordance with Articles 63(1) and 160(1) of the Constitution, this Assembly approves the proposed appointment by the President of the Republic of Mr Ted Michael Barbe as Commissioner of Police.

Mr Speaker, tou bann Manm i annan devan zot *Curriculum Vitae Deputy Commissioner* Barbe e zot in ganny sans vwar. Mon pe propoze Mr Speaker avek ou permisyon, ki lafason ki nou pou *proceed* avek sa Mosyon ozordi, se ki mon a rezerv okenn keksoz ki mon bezwen dir pou pli tar.

E ki a sa moman kot nou ete la, mon pe propoze ki Mosyon i ganny segonde e apre mon ava fer en Mosyon pou ki nou al dan *Committee Stage, Committee of the Whole Assembly*, pou nou envit Mr

Barbe pou vin eksplik en pe son parkour e reponn okenn kestyon ki Manm i annan.

E apre sa, ler sa in fini nou a kapab retourn dan Lasanble, kontinyen deba lo Mosyon, epi pran en vot. Eski nou kapab prosed dan sa fason?

MR SPEAKER

Tre byen, tre byen *LGB*. Wi nou a prosed koumsa.

HON BERNARD GEORGES

Mersi Mr Speaker. Alors mon pa a al pli lwen ozordi e mon a envit en dimoun pou segonn sa Mosyon. Mersi.

MR SPEAKER

Mon a gannyen en...? wi Onorab Arissol.

HON SANDY ARISSOL

Mr Speaker bonzour. Bonzour tou bann Manm, tou dimoun ki a lekout. Koman en Manm Komite Defans, mon ti a kontan segonn Mosyon anmennen par Onorab Georges. Mersi bokou.

MR SPEAKER

Mersi Onorab Arissol. Nou pran Mosyon pou Komite avan oubyen nou envit Mr Barbe pou antre? Nou a pran

Mosyon pou Komite. Silvouple, Onorab Georges.

HON BERNARD GEORGES

Mersi Mr Speaker. Mr Speaker, an akor avek *Standing Order* 84 nou *Standing Orders*, mon *move* en *Motion Without Notice* ki Lasanble i *resolve* pou antre dan Staz Komite pou konsider lapwentman Mr Barbe. Mersi.

MR SPEAKER

Mersi Onorab. Nou ava apel Mr Barbe silvouple. Segonde. Wi Onorab Arissol.

HON SANDY ARISSOL

Mr Speaker, pou nou kapab enterakte Mr Barbe, mon segonde ki nou bouz dan Staz Komite.

MR SPEAKER

Wi, nou a pas dan Staz Komite nou ava apel Mr Barbe silvouple.

Wi Onorab Georges? Nou vote lo sa Mosyon? Eskiz mwan.

Wi, Manm a pran en vot. Annou klarifye sa. Mon ti krwar wi, nou pa pran en vot. Ok. Tre byen. Nou pa vote. Nou a pas dan staz Komite e nou ava avek Mr Barbe.

Bon. Bonzour Mr Ted, Michael Barbe. Mon swet ou

byenveni dan Lasanble. Ou avek nou pou nou konsider *approval appointment* propoze par Prezidan pou ou vin dan post *Commissioner of Police*. Avek sa Mr Barbe, mon ava envit ou pou ou prezant ou lekor ek ou nominasyon avek Lasanble.

AG COMMISSIONER OF POLICE TED BARBE

Mersi Mr Speaker. Bonzour Mr Speaker. Bonzour *Leader of Government Business*. Bonzour *Leader of the Opposition*. Bonzour bann Manm Onorab e tou lezot ki a lekout.

Mon en dimoun ki sorti Praslin, dan en fanmir 5 nou kote Manman e mon katriyenm dimoun ladan. Mon'n lekol Praslin parey lo mon CV i dir, *all along* ziska dan segonder. Kot apre mon'n swiv letid 2an NYS sa letan.

Ler mon'n fini NYS mon'n al *School of Art and Design, Polytechnic* kot mon'n fer 3an ankor letid lar ek desen. Epi mon'n anvi *teach*. Mon'n fer *Educational Studies*, apre mon'n fer 2an Liniversite *Sussex*. Annefe premye group Seselwa ki ti al sa program *teaching Sussex*.

Ler mon'n fini, mon'n *teach* NYS, Plaisance Segonder

osi. Epi mon'n devlop en lentera pou *join* Lapolis. Sa ti fer mwan mazin bann letan kot defen Mr Legras, avek Mr Bibi ki ankor vivan zisteman, zot ti kontan vin dan lekol Segonder Grand Anse Praslin mon rappel, kot zot ti koz ek nou en pti pe lo konportman lo semen, trafik, eksepera. Sa ti bouz mwan en pti pe pou mwan *join* Lapolis.

E an Zen, 1997 mon ti kite Lekol Plaisance e zwenn Lafors Lapolis koman en *cadette*. Mon ti atase kot *CID* pou en pe letan avan mon komans mon letid ki ti ale pou 16mwan Lakademi.

Mon'n *successfully* konplet mon letid e apre mon ti vin en sou lenspekter dan Lapolis e mon ti tourn kot *CID*. Mon'n *spend* parey mon *CV* i dir, en bon pe letan dan *CID*, mon a koup li en pe kourt. Apre mon'n osi retourn lakademi koman en enstriker. Mon *teaching background* ti ed mwan en pe pou fer sa. E mon'n etidye en bon pe lakademi, pas en pe dan bann programm.

Apre ler mon'n fini mon'n retourn ankor kot *CID*. *Spend* ankor en pe letan kot *CID*. Apre mon'n fini kot *CID*, mon'n osi grandi dan ran, kot mon'n vin Lenspekter, apre mon'n

retourn ankor lakademi koman Depite Komandan, kot mon ti Asistan Sirentandan sa lepok. Mon'n travay avek Mr Hermitte ki ti Sirentandan, ki ti Komandan.

Mon'n *spend* en pe letan laba, apre mon'n retourn kot *CID*. Apre zot trouve, mon parkour in for dan *CID*. Epi mon'n al fer mon *masters* dan *Criminology and Criminal Justice*, ankor en fwa Langleter, *Portsmouth* sa enn voyaz.

E laba mon'n aprann en kantite keksoz zisteman e in ed mwan en pe dan mon *policing career*, si oule. E an retournen ti travay dan *Criminal Intelligence*. Mon ti komans form en group *Criminal Intelligence*. Ler mon'n fini dan *Criminal Intelligence* mon'n al osi *Head of Visible Policing*.

Epi mon'n transfer Praslin, mon'n fer en pti pe kot nou ti al ansarz rezyon Praslin, La Digue. Mon'n fer en pe letan laba. Apre ki mon'n arete mon'n al zenn *Guy Morel Institute* koman en *Lecturer* laba.

Mon pa'n fer bokou letan laba, zisteman mon'n re ganny apele kot *NDEA* sa letan. Kot mon ti zwenn Mr Labonte, Komisyoner ki'n sorti avek lot

DCP, ki ankor dan Lapolis e mon ti Depite *Chief Officer*, responsab pou bann lanket.

Aprè ti annan sa *merge* Lapolis, ANB avek Lapolis kot zisteman mon'n koman Depite Komisyoner Lapolis, responsab pou *Policing and Personal Development* dan Lapolis, kot mon'n tenir ziska avan mon vin *Acting Commissioner of Police*. E se sa en pti pe.

Dan mon parkour mon'n fer en bon pe - mon'n *attend* en bon pe kour aletranze. Diferan pei, lo diferan kontinan si ou le, Lazi, Lanmerik, Lafrik. Mon'n ale partou, lo tou bann zil Losean Endyen mon'n ale.

Mon'n osi, mon ti ansarz negosyasyon pou nou 2 bato Seselwa ki ti ganny *kidnap* par bann Somalyen e *successfully* mon ti fer tou le 2 group retourn Sesel. San *training* dan negosyasyon, me selman mon ti fer li. Mon'n nobou fer li. enn ti fer 3 mwan, enn ti fer 6 mwan. *I did it*.

Sa en pti pe lo mon parkour. Mon'n fer osi diferan *unit*. Kantmenm mon'n *spend* bokou letan dan *CID*. Dan *CID* i annan *various small units* parey zot konnen.

Mon'n fer bokou dan *Child Protection*. Mon'n fer dan frod. Mon'n osi travay dan envestigasyon bann *serious*

crime. En pti pe dan tou. Mon'n fer osi *general duties*, sa ti mon bann premye letan ler mon ti sorti lakademi. Mon'n travay Beau Vallon en pe, aprè Santral.

Se la kot mon ete ozordi avek tou sa *background*, avek tou sa leksperyans pou mon deservi Lapolis. Mersi.

MR SPEAKER

Mersi Mr Barbe. Nou a komans avek kestyon bann Manm e mon a komans avek Onorab Sandy Arissol.

HON SANDY ARISSOL

Bonzour Mr Speaker. Bonzour tou bann Manm. Bonzour Mr Ted Michael Barbe.

Mr Speaker, mon ti a kontan demann Mr Barbe, ou konnen mon kontan letan in donn nou tou son parkour kot in ale, son letid. Mon kestyon ki mon ti a kontan demann Mr Barbe, ki pe espere pou li vin Komisyoner Lapolis, ou konnen avek tou sa remaniman ki'n annan dan Lapolis, koripsyon, drog, nou'n tande poudir i annan zofisye ki'n ganny rimann pou serten lofans ki zot menm zot in fer.

E ou konnen tou sa letan Mr Barbe ou'n la dan Lapolis ou. Ou'n vwar tousala e

tousala in troun obor ou, otour ou.

Prezan kwa ki pour fer mwan ganny konfyans pou mon lev mon lanmen taler, pou mwan vot pou Mr Ted Michael Barbe pou vin nou Komisyoner Lapolis? Mon premye kestyon.

Mon dezyenm kestyon mon ti a kontan demann ou, i annan en lager kont drog ki pe arive dan nou pei ki nou'n tande bann gard pe ganny atrape, i annan *NDEA* in donn nou en lalis kantite lakour zot in antre, kantite pye drog zot in atrape.

Kwa ki mwan koman *MNA* Bel Ombre mon pe ekspekte e mon bann zabitan enkli lepep Seselwa, sa lager kont drog? Konmsi kwa ki ou [pou anmennen diferaman en pe pli for pou nou kapab konbat drog dan nou pei? Mersi bokou Mr Speaker.

MR SPEAKER

Mersi Onorab. Mr Barbe, ou ava adres son kestyon.

AG COMMISSIONER OF POLICE TED BARBE

Mersi Mr Speaker. Mersi Onorab. Mon'n zis avan mon reponn sa kestyon si zot permet mwan, mon ti annan en plan pour *policing* osi ki kekfwa zot ava trouv serten

keksoz ki pou ganny adrese ladan.

Me selman mon a zis komans sa pti bout koripsyon dan Lapolis apre, *ok? Anyway*, koripsyon i la dan Lapolis, i annan mon pa pou dir poudir napa zofisye ki pe si oule ki ganny tante, ouswa ki fer serten keksoz ki an deor son etiket *policing*, zon louvraz ki i devret fer.

Me *rest assured* ki nou annan mekanizm ki nou dil avek sa bann sityasyon parey. E nou pou *come out* pli *strong* la, ler nou vini la nou pou pli for ankor. Nou annan zofisye zisteman ki'n ganny terminen, nou annan ki'n ganny terminen, nou annan ki ankor *pending*, nou annan ki ankor *interdicted* la *right now*.

E nou pa soutire sa, nou pa tolere, e *rest assured* ki tou sa bann keksoz ki i *come to light* - nou annan *Internal Affairs*. Dimoun i devret vin devan, *whoever* i annan sa lenformasyon ouswa ki krwar poudir in ganny afekte par serten *behaviour* ou serten aksyon serten zofisye Lapolis.

I annan pou li vin devan e fer nou konnen, nou a *channel* li kot *Internal Affairs*. E sa keksoz i a ganny *investigate*. E si en keksoz ki ou krwar i sansib, ki bezwen ganny

prolonze i annan serten lanket ki bezwen ganny fer, serten obzervasyon, lentelizans ki annan.

Fer nou konnen tousala nou a fer egzakteman parey nou fer avek nenport ki dimoun ki *involve* dan bann sityasyon ilegal. Nou fer parey pou Zofisyè Lapolis si zanmen i annan.

Bon prezan mon a tous en pti pe lo mon plan pou *policing*. Napa naryen ki mon pe re evante, tou keksoz i la. Ki mon pe vin avek selman, se en *proactive policing approach* ki opoze avek *reactive*. *Reactive* se sa problem ki arive la ouswa in fini arive gard i dil avek.

Proactive i annan 4 eleman ladan, nou annan sa ki nou dir *Location place-based*;

Kot sa i konsernen avek bann *areas* kot krim pe ganny komet ouswa *likely* krim i kapab ganny komet. Se bann *hot spot policing ok?* Nou fer *crime mapping* nou gete kote ki nou bann, kote krim i ganny konsantre ankòr enn fwa. Nou analize e nou *predict for the future* sa landrwa ouswa kot krim i kapab ganny komet, sa i lokasyon, sa i *Place-based*.

Dezyenm konponan se *Person-focused*;

Person focused li i konsernen avek petet en pri

group dimoun dan popilasyon. Sa bann dimoun ki pa kapab ouswa ki toultan pare pou kas Lalwa, ouswa ki pa obeir ouswa in zis ne avek en latitud.

In grandi dan en *social background* in toultan annan *issues* ki i pa pou kapab an konformite avek Lalwa ouswa bann prosedir ki an plas. E nou, nou fer nou *focus* lo *deterrence*, se sa bann dimoun, ouswa sa endividi i bezwen ganny aprozè.

Si i dan nou kominote si i dan nou *policing area*, i bezwen ganny aprozè, i bezwen ganny dil avek, i bezwen ganny en konpran poudir sa aksyon ki ou pe fer i mal, e si ou kontinyen aksyon pou bezwen pran ek ou.

Toultan pe tous li, toultan ou bezwen pe tous li, sa ki pa pe fer naryen i viv son lavi normal, me sa ki *likely to commit crime* ouswa i pa pe obeir, i pa pe *comply*, li i bezwen ganny pouse de tanzaot. *Person-focused* nou apele sa en.

Trwazyenm se *Problem-oriented policing*;

Li i konsernen avek lakoz, lakoz krim, lakoz sa bann serten lofans si ganny komet, akòz ki i pe ganny komet. Prezan ki Lapolis i fer li, avek son bann lezot *partner* ki

katriyenm eleman ki mon pe vin lo la en pti kou.

Nou pou bezwen *devise* bann stratezi pou nou dil avek sa sityasyon pou anpes krim ganny *reoccur* ouswa kontinyelman fer. Se sa nou apel li *Problem-oriented*, nou rode kote sa rasin, *the root cause* pou nou dil avek.

Be sa i pa zis Lapolis tousel, i anmenn mon lo sa lot pwen ki nou apel ki nou servi li sa *worldwide* i ganny servi, se *community policing ok*.

Kot i oryant ver la kominote. Lapolis pa kapab debout li tousel, zot a dakor ek mwan tou bann *MNAs* ki la, zot pou siport sa, Lapolis pa pou zanmen kapab *solve* en problenm li tousel. Nou annan serten landrwa la ki problenm pe persiste tou le wikenn, anefe i toulezour e i pli for dan wikenn.

I konsern *Housing*, i konsern Lanvironnman, i konsern Lapolis sirman, Lapolis i vini i fer son bout i ale, be ler i ale li, sa i *reoccur* li. Akoz sa bann dimoun i reste la li sa bann dimoun i kontinyen, i kontinyen *disturb*.

Ou pa kapab annan en landrwa en konparezon kot ou annan 3 dimoun dan son landrwa kot i pe reste i *disturb* en santenn lezot lakaz ouswa

lezot vwazinaz. Sa i inakseptab sa, nou pa kapab tolere sa.

E sa ler nou bann gard pou *involve* dan sa *real community policing* ki nou pe mazin fer, ki nou pou entegre ladan. I bezwen zwenn bann lezot *partner* i bezwen zwenn ban lezot *stakeholders* i bezwen zwenn bann prive, i bezwen zwenn bann group, i bezwen zwenn *DA*, si i posib *MNA* i annan nou'n deza fini komans zwenn.

Nou bezwen en *consented effort* i dir sa, tou dimoun i bezwen zwe son par ladan. Lapolis i vini i fer sa bout e sa bout i bezwen ganny *maintain*. Ler nou dir *community policing* nou bezwen *scan*, nou bezwen *identify, identify* apre *scan* apre *analyze* sa problenm an group an en tim.

Parey nou ti annan *district team* lontan, zis mazin en pti pe, mon ti lo la mon osi, nou pou bezwen reviv sa. Mon pa konnen nou pou bezwen reviv *district team* ankor, se *district team* ki pou anmenn nou ver sa ki mon pe koz lo la, la *community policing*.

Dan *district team* i annan bann diferan *stakeholders* ki asize. E ler nou'n *scan* sa problenm dan sa distrik, nou'n idantifye nou'n *scan* li gete ki, kote ki i vini, kwa ki pe fer sa,

then i en zefor total pou nou dil avek.

Aprè ki nou'n *scan* nou'n bezwen, nou *assess* nou analize aprè nou bezwen *provide* en *response*.

Sa *response* Lapolis i fer en bout ladan. Me i ganny kolabore avek *the team, the district team* i kolabore. Lapolis si i annan serten keksoz poi li fer i pou fer, me selman i en *joint venture*. Ler nou'n fini fer sa *response*, nou bezwen *assess, go back to the table* re *assess the team*.

Assess kwa ki'n pase. Nou bezwen minite sa bann keksoz la. Ler nou minite i ed nou pou nou konnen ki aksyon ki'n ganny pran e si in marse si i pa'n marse e ki *the next avenue, ki next step, way forward* ki nou pou pran.

E sa i en pti pe dan Lapolis kominoter ki mon pe koz lo la. E angiz ki nou annan sa *district team* ki ganny met an plas e i serye e dimoun i bezwen vin ek plan travay ladan.

Si nou fer sa, mon garanti nou ki nou pou annan en pe lord, plis lord, nou pou kapab konnen kwa ki pe *cause* problem dan nou distrik an partikilye.

Mon konnen sak distrik i annan en *particular problem*.

Me preski tou distrik i annan en sel kalite problem drog, preski tou distrik i annan drog ladan. Be nou kapab dil avek sa sityasyon drog, e nou pou dil avek sa sityasyon drog.

L'Amerique zot ti fer sa ki nou apel *pressure point operation*. I zisteman parey serten landrwa kot dimoun ki pa dan sa distrik i vin groupe dan sa distrik li.

Akoz i en *hub* konmsi, i bezwen pas la. Tou dimoun i bezwen vin la, i bezwen vin pran son doz, i bezwen vin organiz li avan ler i al travay ouswa *whatever* i *spend the whole day*, ouswa trwa kar lazournen ouswa en kar dan sa lazournen la dan sa landrwa.

Ler gard i ale i al atak sa sityasyon, i al fer lopeyasyon ou realize ki sa bann dimoun pa sitwayen sa landrwa sa. Be ler nou annan sa kominote, sa *police* kominoter.

Nou *DA* i konnen li, mon konn serten *DA* ki mon'n travay avek *very close* ki konn tou dimoun ki dan son rezyon. E si ou bezwen en dimoun ou ale ou dir ek sa *DA* mon pe rod tel dimoun, eski mon konpran i dan tel landrwa;- i pou dir ou *yes*, wi i vizit la li i annan tel landrwa ki i frekante.

Very resourceful en? Mwan mon'n travay avek

mon'n vwar. I pou dir ou li, poudir sa dimoun i la, e sa *DA* i kapab ed Lapolis e i devret pe ed Lapolis pou fer konnen poudir nou annan dimoun napa dan nou distrik ki la.

Nou pa pe fer segregasyon, nou pa pe pous dimoun nou, be selman si ou la *without* en keksoz pozitiv, ou pa devret la dan sa distrik ou. Pa ou distrik, ki ou vin fer la, ou vin sali en distrik, serten distrik i ganny sali avek sa bann prezans koumsa.

E si nou tou nou met lanmen ansanm, met latet ansanm, fer en aksyon nou pou tir sa dimoun nou. Nou annan detrwa landrwa ki pe ganny afekte avek dimoun ki zis vini pou tranzaksyon drog. Be i tro bokou sa. Nou'n kas bann vye batiman, koumsanmenm ti fer dan *pressure point operation L'Amerique Manhattan*.

Ler ou pous zot la, ler ou reziste zot, zot a anmenn ou zot landrwa. E si tou lezot landrwa i annan sa Lapolis kominoter sa rezyon sa distrik ki annan son *policing* plan avek son kominoter *DA*, bann lezot *stakeholders, private business*, lot tousala i zwenn ansanm, *NGO* osi i zwenn ansanm.

Then napa landrwa pou li taye li, i annan de keksoz, i arete ouswa nou dil ek li ek Lalwa. Be la i annan, i zis parey ou bar delo i rod en lot landrwa pou li desann, koumsa i ete la, si ou atak en distrik, sa bann dimoun i al dan en lot distrik fasilman. Si ou met prezans la *24 hours, well* annou dir li prezans la letan dimoun i *alive* i kite i al en lot landrwa.

Be si tou lezot landrwa i parey mon pe dir, nou zwenn dan sa program Lapolis kominoter *then* napa landrwa pou en dimoun taye. Nou'n koz en kantite mon pa konnen si mon'n fer kler selman, selman mon ti a kontan nou siport sa program *community policing*.

Annou siport sa program *proactive policing approach*, akoz i pa *reactive* i plito nou *practice* i toultan nou pe mars par devan sa bann dimoun ki *would be criminal* ouswa ki *would be committing an offence* ouswa bann dimoun ki abitye komet lofans nou par devan, *well* nou pou bezwen *attempt* pou nou vin par devan zot.

Nou bezwen *predict* kote sa bann krim i *likely to be committed* ler nou fer sa bann analis ki mon'n dir oparavan dan *Location-based, Person-*

focused, Problem-oriented then definitivman nou come up avek sa labaz se sa Lapolis kominoter.

Si nou solid dan *community policing* nou pou *eradicate* ouswa *curb* ouswa *do away* avek serten keksoz ki pe *scourge* lasosyete ki nou pe pas ladan. Mon ava bouze lo sa bout. ti annan en keksoz ki *MNA* ti'n dir ...

MR SPEAKER

Mon ava dir ou mersi Mr Barbe pou ou repons. Annou rapel pou sey gard tou bann repons en pe *concise* e kourt aköz nou annan bokou kestonner.

Nou ava envit Onorab Aglae pou son keston.

HON EGBERT AGLAE

Bonzour Mr Speaker. Bonzour Mr Barbe. E mon a felisit ou nominasyon menm si pa ankor aprouve.

Mr Barbe en eleman mon krwar ki enportan ki pep Seselwa pe demande avek Lapolis, se pour re etabli sa konfyans, kot i konsern zesyon *law and order*. Ki mannyer ou war ou dan en fason pou kapab anmenn sa plis motivasyon dan ou lafors Lapolis li menm, pou zot os zot standar? E anmenn ki a en, omwen kot Seselwa i kapab re

etabli sa konfyans dan nou sistenm Lapolis?

Dezyenman i konsern en pe resours, ki Lapolis i bezwen, eski ou pe anmenn dan ou lespri la ou pare pou anmenn bann diskisyon nesese avek L'Egzekitiv, sirtou avek *Cabinet* li menm li?

Pour ki Lapolis i kapab ganny bann resours adekwat ki modern, efikas, e osi avek son laspe teknolozi, pour ki i a rann travay nou bann zofisy Lapolis pli fasil li menm.

E osi redwir bann dele letan ki koze parfwa par bokou bann keksoz *manual* ki ankor egziste dan Lapolis pour nou kapab ganny rezilta a en pti pe pli vit? Mersi.

MR SPEAKER

Mersi Onorab. Mr Barbe.

AG COMMISSIONER OF POLICE TED BARBE

Mersi Mr Speaker. Mersi Onorab Aglae. Wi sa eleman *trust* i en keksoz ki nou pou bezwen travay lo la serye. Zisteman ler nou pou fer Lapolis Kominoter i ede pou *build up* sa *trust*, aköz nou pou *bridge the gap* avek piblik.

Nou pou annan bokou *engagement*. An partikilye en lot keksoz ki pou ed nou en pe se nou bezwen kontinyelman

train nou bann zofisye Lapolis dan lapros, dan zot bann lapros ler zot pe *handle* bann sityasyon.

I bezwen varye akoz sa i dan nou *training* sa en, ou bezwen kapab servi *tact* e ou bezwen *good humour as well* kot fodre. Ou bezwen *good humoured*.

E nou pou *build-up* lo la zisteman, nou pou re donn sa, re fer ankor sa bann *training* pou nou *refresh* bann zofisye lo la. Lo kote *resources* ek *equipment* wi ek bann *policing tools* eksetera.

Wi i annan, i pa neserman bann keksoz ki bon marse si oule, ler nou pe koz lo teknolozi i zis parey en bon sistenm *camera* ki parey *Maurice* pe servi, *Comores* pe servi, *Kenya* pe servi se *Huawei* ki pe fer, ki pe donn zot sa fasilite.

E *of course* i pa pou naryen i *provide* zot, me zot in peye sirman e sa fasilite i ed Lapolis en kantite.

E mwan personnelman si ou get dan mon *CV* mon'n al vwar sa ki mannyer i marse laba *Shanghai China*. I ed Lapolis en kantite e i *vehicle registration number* e i *facial recognition, traffic management, VIP* eksetera, tousala zot *provide*.

Sa sistenm *camera* si nou ganny li Sesel en konparezon ki koute mon pe dir zot, mon pe dir si nou ganny li Sesel i pou ed nou *be there on time* akoursi, en pti pe nou letan si oule. Akoz nou kapab *spot* kote ou gard i ete kote problemm i *likely to be*, pou ganny komet, bann sityasyon bann krim eksetera.

Akoz i servi lentelizans en (*AI*) *Artificial intelligence*, ki vedir zot servi bann *camera* ki *zoom lens* e zot annan tou sort kalite. Si nou ti kapab, i annan en programm mon'n ekri *by the way* lo la, i zis i annan keksoz mon bezwen met devan pou Lotorite vwar ki nou anvi fer en pti git dan Lapolis *in the very near future*, ler keksoz i ava en pti pe pli zoli.

Se sa en pti pe, apre dan Lapolis parey pou konnen nou annan sa sistenm *GPS* ki ganny *monitored* par en zofisye Lapolis e sa i lo bann transpor Lapolis. I ede pou ou konnen lekel transpor ki pli pre avek en sityasyon, i annan enn dan sant komann tou.

I ede osi pou nou konnen si i annan zofisye ki pe sorti dan son *zone* ki pe al dan en lot *zone* ki i pa sipoze *unless* i annan en sityasyon, en sipor ki i pe donner.

I bezwen zistifye si in depase e lanfaz pou ganny mete lo la ki i ganny servi korekteman e donn lasistans parey Onorab ou pe *request*.

Kot en pti pe pli vit lo bann *scene of crime* eksetera. *Of course* nou annan nou defayans, nou osi kot nou napa la kantite. Ler ou pe *attend* en, de sityasyon dan ou rezyon kot ou annan 3 transpor, ouswa 3 sityasyon en lot dimoun i *call* definitivman ou bezwen *prioritize* kote ki ou pou al avan, lekel ki pli serye eksetera.

Me i pa tonm dan bon fason pou sa dimoun ki li osi i vwar son problemm kantmenm si mon pe dir *petty* pou li i pa *petty* ditou. *Therefore* nou annan defayans nou osi lo sa size, kot nou bezwen relev en pti pe nou sa. Mersi Mr Speaker.

MR SPEAKER

Mersi Mr Barbe. Onorab Naidu e apre sa mon ava apel Onorab Adelaide, si ou ti pou kapab prepare.

HON SATHYA NAIDU

Bonzour Mr Speaker. Bonzour Mr Barbe ek tou koleg Onorab. Mr Barbe mon apresye tou lede larepons ki ou'n rann pou mon bann koleg Onorab.

Me selman mon oule konnen dele letan ki pou pran pou ou enplimant tou sa ki ou'n dir ki Lapolis pou enplimante. Enn.

Dezyenmman mon'n war ki ou lo 2 komite, tou lede i konsern zanfana. Ozordi ki nou konnen ki labi zanfana in vin o kler e i en problemm mazer.

Alor kwa ki lafors Lapolis pou fer diferaman anba ou gidans pou kapab adres sa? Mersi.

MR SPEAKER

Mersi Onorab. Mr Barbe.

MR TED BARBE

Mersi Mr Speaker. Mersi Onorab. Sanzman dan Lapolis in deza fini komans ganny fer. I annan serten keksoz ki nou'n fer *recently*, nou'n fer en pe rotasyon si oule, en pe transfer i *ongoing*.

E sa ti plito en pti pe *middle* avek *lower rank*, *very soon* i pou annan pou bann *senior* osi. Sa nou'n fini komans travay lo la. I annan nou *Commanders Conference* ki nou fer *monthly*.

Kantmenm ek *COVID* nou'n sey fer nou *social distancing*, sak fwa nou'n fer nou *Commanders Conference* en 2 ou 3 nou'n fer. Sa *Commanders Conference*

zisteman i *very important*, mon a eksplik zot brefman.

I en landrwa kot bann *commanders regional* avek *station commanders* i zwenn ansanm avek zot *head of visible policing* e kot mon kapab mon'n la, mon krwar ant 2 fwa ki mon'n la.

Kot ou ekout en pti pe zot bann problem ki zot pas ladan *policing problem* dan zot *region* e bann krim si oule, e osi zot *come up* avek bann solisyon bann serten keksoz.

E zot ed en lot rezyon ou en lot distrik ki pe pas dan serten sityasyon, akoz zot akonte kwa ki zot on fer eksetera, bann mekanizm ki'n ganny servi. I en-. Apre i en-AG osi in deza vini *onboard* i en *platform* kot nou kapab diskite lo krim e bann sikse e osi bann *way forward* pou serten keksoz.

Bon kot i konsern zanfan, nou'n vwar wi ki i annan serten *issues*, mon pa konnen si mon pe reponn kekyon byen *regarding*. Wi mon'n fer *Child Protection* en bon pe letan mon'n osi en *trainer* dan *Child Protection*.

Zisteman nou annan en bon pe lofans kont manrmay, kont bann miner ki'n *increase*. I annan bann group ki zwenn ansanm zisteman, nou annan

nou *Child Protection team* ki travay etrwatman avek ledikasyon. Mon krwar zot in pas en kou lo televizyon si oule pe esey sansibiliz en pti pe lo bann *recent incidents* ki'n arive.

Avek *Social, social worker* ki i annan son bout *Child Protection*. E mon krwar i annan serten keksoz ki nou pou bezwen fer zisteman *taking from here*, pou nou kapab sansibiliz en pti pe bann paran parey sa *press conference* ti annan ladan.

Pou zot get en pti pe kote zot zanfan i ete, konnen kote zot zanfan i ete e even ler zot kot lakour zot menm zot zanfan i sipoze *around* zot, gete kote zot zanfan i ete.

Apre zis pou met okouran Lasanble i se ki mon osi en *member* dan sa *Child Law Preview, Child Law Reform* ki nou pe fer ki *Judge Justice Twomey* i *head*. E byento nou ava ganny Lalwa ki pli server si oule. I ava annan sa aplikasyon bann santans pli sever.

E sa i a *across the board*, akoz lanket osi i ava en pri pe pli organize. In get en pri pe i kouver en pri pe bann laspe krim kont zanfan e bann Lalwa. Si oule i annan keksoz ki pe ganny fer i annan bon

keksoz ki pe ganny fer. Soon nou ava ganny rezilta. Mersi *MNA*.

MR SPEAKER

Mersi Mr Barbe. Onorab Adelaide a swiv par Onorab Bistoquet.

HON FRANCOIS ADELAIDE

Mersi Mr Speaker. Bonzour Mr Speaker e tou Manm an zeneral. Bonzour *Ag Compol* Barbe, mon annan 2 pti kestyon pou ou.

Acting Compol pou ou annan en Lapolis efikas kantmenm dan en lot travay, me selman lo kote *welfare* mon konnen i en keksoz ki vreman enportan.

E dan lepase nou ti vwar poudir ti annan bokou bann zofisye Lapolis ti ganny ankouraze, akoz petet ti annan par egzanp barak ki zot ti pe reste ladan. E sa ti en keksoz ki ti pous zot en pe akoz i ti en *incentive*.

E ler mon'n al fer resers, mon konpran poudir Lapolis ti ankor annan bann bout later dan bann distrik. Petet i anba *MLUH*. E ki petet ou pe panse dan sa kote pou petet pou ou koman Komisyoner pouse lo *welfare* ou *staff* pour ki sa i ava en *incentive* pou zot?

E mon dezyenm pwen, sa i sorti dan mon kominote. Lo ou nouvo lapros ki pe vini, mon krwar i enportan ki zofisye Lapolis letan ou war li dan kominote i paret en *deterrent* ki petet i anpes ou fer, komet bann keksoz.

Me nou remarke ki sirtou lo kote trafik ki annan sa laspe ki zot kasyet dan kontour pou aret dimoun, e sa mon remarke ki poudir i pe vin en pe an tro, e petet i kre en pe fristrasyon.

So ki ou lapros pour, mon pa *mind* ki zot fer *spot check* i enportan. Me pour fer li dan en fason ki byen e efikas e kot Lapolis i trouv li zanmi avek piblik?

E epi dernyen pti pwen, *Compol*, *Acting Compol* ou annan en manda ki zis ou ki donn permisyon si en dimoun pou met en vit nwanr lo en transpor, i vin kot ou sa.

E la dernyen-r-er nou remarke i annan bokou bann dimoun ki pe gannyen, mon pa konnen si zot pe ganny permisyon ouswa si i annan koripsyon dan Lapolis ki zot annan papye e sa i pe fer ki lezot piblik i fristre. E la mon pou demann ou, e mon pou vot pou ou isi kot Lasanble nou annan.

So ki ou pou fer dan, o pli vit posib pour ki nou koman bann lezislater nou respekte Lalwa e si nou pa merit annan en papye pou vit nwanr nou pa gannyen, ou pa donner. E ou anvoy Lapolis isi pou vin gete akoz i annan isi nou pe fer Lalwa nou deza pe kas Lalwa.

So mon anvi trouve poudir ou en boug ki serye, ou pou reakte vitman e ou pou fer sir ki tou dimoun i anba Lalwa. Mersi.

MR SPEAKER

Mersi Onorab. Mr Barbe.

AG COMMISSIONER OF POLICE TED BARBE

Mersi Mr Speaker. Mersi Onorab. Wi, barak avek lakaz, lakaz pou bann *married couples* sirtou, ti en form *incentive* pou Lapolis dan lepase e mon garanti ou poudir si ti annan la i ti pou *still* en *incentive* pou bann zofisyé.

Akoz ler ou pe transfer en zofisyé ou pou bezwen donn li en akomodasyon, ou pou bezwen donn li en landrwa pou li reste eksetera. Me malerezman parey nou tou la nou konnen nou bann *premises* kot ti annan lakaz Lapolis i nepli, tou in ganny konsonmen.

Glacis par deryer ti annan, napa konmela, Beau Vallon i ankor reste 2 mon krwar en zafer koumsa, Port Glaud menm zafer, Baie Lazare in avarye mon mazine Onorab ou konn byen, Praslin nou napa, La Digue nou napa.

Anyway preski partou si ou gete i napa. Nou'n perdi, e si ou demann mwan mon krwar i en *big issue* e ti menm annan en letan mon krwar mon ti en pe pli zenn dan Lapolis mon ti *Personal Assistant* en Komisyoner, kot nou ti pe dir *why not* ler lakaz i ganny donner *Housing Estate* i ganny fer.

Why not nou pa donn 5 lakaz ouswa 4 lakaz pou zofisyé Lapolis, zot *blend* ansanm dan sa kominote. Zot a vin parey en, nou pe dir en *deterrent*, pou serten bann aktivite ilegal ouswa kriminel ki kapab ganny ouswa *likely* pou ganny komet.

Mon krwar i ne bon nide nou kapab take sa en pei pe *further*. Parey mon pe dir ou, si ou get Mont Fleuri dan nou, kot nou ti dir kan gard, i nepli kan gard akoz i annan lezot piblik ki pe reste la, e si ou demann mon apard en *incentive*.

Gard ti benefisyé ler ti annan sa Kangard, akoz pa

dan mon letan mon pa'n le mwan, selman mon tann rakonte avek ban Zofisye pli vye ki mwan.

Mon konpran Mont Fleuri ti annan en sa, si i annan en *issue* i mank gard, nenk ou pez enn sa, laklos i sonn partou dan sa bann lakaz gard, ou pa pou konnen pou napa transpor pou met gard ladan pou al donn koudmen lo, pou al asiste lo en *scene*.

Akoz zot ti la *on site next door* zot ti kapab fer sa, mon konnen evolasyon tou keksoz in evolye, me selman mon krwar nou devret, Lapolis i devret ganny en pri par dan sa bann housing estate ki ganny fer. Mon ganny pa mal gard ki vin kot mwan ki dir mon gete ki ou kapab fer pou mwan *in terms of housing* eksetera.

Mon santi be selman i en diskisyon ki nou bezwen anmenn li dan en lot platform dan en lot oter. *Ok* sa i enn.

Lo size trafik mon krwar nou'n koz lo la en bon pe the *previous Commissioner* in koz lo la aköz si nou pe fer *spot check* me nou *spot check* i vin en katastrof *as to* trafik i fer blokaz trafik. *Then* i pa neserman anmenn, dimoun pa kontan, dimoun pa pou kontan e ler fer li osi, landrwa e ler fer li osi i enportan.

Midi, si ou fer en spot check midi, be sa bann dimoun kekfwä zot pe al manze. Me si, i pa dir ou pa fer li, mwan pa dir ou pa fer mwan me selman si nou annan, nou konnen ki poudir i annan en aktivite midi ki ganny deroule, nou pou fer *spot check* kot i fodre pour nou tyonbo sa dimoun en konparezon.

E ti annan konplent ankor kot nou ganny dimoun i dir mon ganny 3 fwa, 4 fwa bann dimoun i pe aret mwan. Tousala i bann pti *issues* ki pa neserman piblik i kontan. Me selman *bear* ek Lapolis en pti pe aköz dimoun i tranzakt dan tou sort fason. I kapab fas sa premye *spot* la aköz i konnen, i al anmas son zafer dan dezyenm ouswa dan trwazyenm soz, eski mon pa pou aret li.

Zot konpran mwan i bann ou kapab *single out* bann keksoz, pa neserman i ideal. Me selman si ou pe fer, pou *intelligence* e ou konnen ou sityasyon i koumsa, me mon pa a ganny ou kantmenm mon aret ou 3 ou 4 fwa. Me selman si mon ganny ou pe fer serten keksoz en zour ou a bezwen gannyen.

Aprè dernyen se *tint*. *Tint* i en *issue*. *tint* mon'n koz ek

ASP Desnousse ki nou pou bezwen fer en travay avek *Road Transport*, nou pou bezwen get ne pti pe akoz mon garanti ou, mon tir en pe *tint* mwan, mon'n tir detrwa *tint*.

Mon garanti ou i annan plis *tint* ki pa'n sinyen pe sirkile, mon pou donn en sa, mon demann leskiz *previous Commissioner*. *Previous Commissioner* nou ti sorti ansanm kot ANB, i ti sorti Oktob nou de lot nou ti sorti Novanm.

Dimoun ti pe ganny arete dan transpor zot pe prodwir en let ki nou, ki *Commissioner* in sinyen depi an Zen ti ankor kot ANB. Oktob ki i ti bouz kot Lapolis. Ou vwar, sa ki ou'n dir i byen Onorab, akoz i annan dimoun ki permisyon i permisyon. Me i annan dimoun ki pe met *tint* malapropo.

E mon'n dir avek, mon'n donn otan lenformasyon mwan, e mon'n fer konnen zofisyè Trafik. Annou zwenn ansanm, annou fer avek *Road Transport* bann *warden*, annou fer en tim annou lev en lager lo zafer *tint*. Met sa bann *road block*. *Road block* pe marse, mon ti ganny demande bann zafer sanzman, *road block* pe mars en pe la li.

Nou pe anmenn en pti pe sa *strategic roadblock* ki parey

ki *Botswana* in mete. *Botswana* in anmenn depi son latant, i anmenn depi son zenerater, i kapab dormi la pou en wikenn li. Ou pou bezwen pas la. I pa met zis la li i pou met dan bann debousman tou. Ou pa kapab pas dan lapay.

Be mon pou fer mansyonn pou dan Sid Anse Royale, Anse Royale mon felisit zot, zot pe fer en zoli travay e mon vremen apresye. Zot pe fer sa *strategic road block*. E i byen sa, i pou *deter* bann dimoun. Akoz keksoz i ganny anmenn dan loto, ou war en boug ek son bal mang i pase ban lezot keksoz pli serye pli grav i pas dan transpor.

Nou bezwen met *road block*, e selman nou bezwen fer li byen. E tou bann keksoz sa zafer *tint* la imedyatman mon mazine ASP si i pe travay i pa pou tann mwan, me mon pou fer li konnen ler mon sorti poudir imedyatman nou pou bezwen lev sa lager avek lezot *stakeholders* konsernen *regarding tint*.

Si ou napa en papyè enn itil en dimoun i al *forge*, anmennen mon pa konnen si mon nobou *forge* mon sinyatir me anmennen mon a gete si mwan ki ti sinyen. Mersi Mr Speaker.

MR SPEAKER

Mersi. Mon a *remind* bann Manm pou gard zot kestyon *focus* e bref *please*. Onorab Bistoquet.

HON ROSIE BISTOQUET

Mersi Mr Speaker. Bonzour Mr Speaker. Bonzour tou Onorab, bonzour Mr Ted Barbe.

Vi ki ou'n dan lafors pou plis ki 24an, eski ou santi ki i annan ase resours imen ki kalifye pou delivre servis ki rekomande par lafors Lapolis? Si non, ki ou plan pou anmenn en lafors de ot kalite, spesyalize pou donn en servis ki lo bon standar sirtou ki lo standar enternasyonal e nasyonal?

Mon dezyenm kestyon, vi ki ou ti en enstriker kot lakademi Lapolis ki lapros ou program ou pou anmennen, pou ankouraz bann zenn fanm ek zonn pou zwenn lafors Lapolis? Mersi.

MR SPEAKER

Mersi Onorab. Mr Barbe.

AG COMMISSIONER OF POLICE TED BARBE

Mersi Mr Speaker. Mersi Onorab. *Human Resources* quality eksetera, anyway quality pa zanmen ase ler ou annan kalite i enportan dan

okenn biznes okenn keksoz ki ou pe antreprann.

Lapolis *very recently*, nou'n atrakte en bon pe dimoun bann spesyalis si oule, bann dimoun avek *University Degree* e zot dan zisteman zot dan bann *unit* spesyalize. Parey kot *SSNCRD*, e sa mon get sa kot *forensic*, kot bout *forensic* kot bout *fingerprint* la, kot i annan laboratwar eksetera.

Apré nou pou annan, nou annan dimoun spesyalize kot *CID*, nou annan dimoun avek *Law Degree*, apré nou annan dimoun kot *FCIU Financial Crime Intelligence Unit*, e zot osi zot spesyalize, zot annan bann *Law Degree* e zot bann analis. E bann lanket finansyel ki spesifik, nou annan sa. *I mean* nou pa'n tro mal fer lo la, tou dernyerman nou *package* i ase *attractive*.

Zot ganny zot *allowance* pou zot *Degree* ki zot annan *on top of* zot lapey, e bann lezot *perks* ki Lapolis i donnen ki anliny avek *Scheme of Service*. Lankourazman ki mon ti a kontan donn bann lezot zenn ki anvi vin zwenn, Lapolis i osi mon *welcome* zot.

Akoz Lapolis i osi ede *groom* ou. I ede fer ou vin, i ed ou pou ou akonpli ou rev tou, si ou determinen, ou *focus*, ou

swiv kwa ki byen, ou fournen, ou osi *meet halfway, meet the management halfway*, ou anvi fer serten keksoz.

Nou'n fasilite en bon pe keksoz pou bann gard. Nou annan gard *overseas* ki a pe *train* la dan diferan nivo. E zisteman Lapolis in ed zot kot nou kapab ed zot, nou'n fasilite zot dan fason ki nou'n kapab fasilite.

E sa bann dimoun in *come forward* zisteman pou zot bouz devan. Zot in montre en lentera pou zot *pursue further studies* dan en *field* ki konsern Lapolis si oule. Nou *grateful* pou sa.

Neanmwenn i annan ki, Lapolis i annan tou sa *amalgamation*. I annan ki pa neserman in i doue akademikman. Me selman i annan sa fason fer keksoz avek li, i annan ki eksperyans *for so many years*.

E zot konnen mannyer pou fer sa keksoz. E nou *welcome* - nou travay ansanm pou sa. Nou pa fer okenn segregasyon nou pa pous en dimoun mal apropo, ouswa pou dir ou pa edike eksetera, nou pa fer sa ditou.

Zisteman parey mon'n dir sakenn i byen, i bon dan son fason. E ler nou met ansanm *it*

makes a whole, i konplet sa *jigsaw*. Mersi Mr Speaker.

MR SPEAKER

Mersi Mr Barbe. Onorab Cosgrow.

HON WALLACE COSGROW

Mersi Mr Speaker. Bonzour Mr Speaker. Bonzour Mr Barbe. Mr Barbe ou a dakor avek mwan ki poudir mazorite lapopilasyon Seselwa i *law abiding citizens* e zot pa kre okenn problem pou lasosyete. Parkont i annan nen pri group ki kontinyen kre problem e kontinyen kre difikilte pou pei e lafors Lapolis.

E Seselwa i anvi war en lafors Lapolis ki profesyonnel, ki travay pour li e ki la *at any time* ki petet in bezwen sa lafors Lapolis. An dizon sa nou konnen zofisye i ganny *train*. Me ki ou plan *or* ki plan lafors Lapolis pou ekip sa bann zofisye avek keksoz modern, teknolozi modern pou kapab detekte krim?

Akoz souvandfwa parfwa i dir ou ler *forensic* in ariv kot laport en dimoun, i dir ou si i pa ganny en *fingerprint* i difisil *solve* sa *case*. So ki mannyer zot pou ankadre sa bann zofisye ek teknolozi modern?

Dezyenn parey mon'n dir pep Seselwa i anvi ki Lapolis i

profesyonnel i travay pou li. Me parkont nou'n tande dan lepase ki dan politik dam lafors Lapolis. In ganny dir dan bann *rally* politik 70poursan. Ki ou bi pou fer sir ki lafors Lapolis i pa politize, nenport ki kote politik, me ki i travay profesyonnelman pou pep Seselwa?

E trwazyenm i pa en kestyon, zis en pti rapor, en dimoun in dir mwan poudir taler nou'n koz lo bann Zofisyé Lapolis dan bann *housing estates* ki zot pe kapab deter crime, me i annan landrwa ki menm Zofisyé Lapolis i kre serten problem, dan bann *housing estates*.

So sa mon met devan ou zis pou konsiderasyon. Mersi.

MR SPEAKER

Mersi Onorab. Mr Barbe.

AG COMMISSIONER OF POLICE TED BARBE

Mersi Mr Speaker. Mersi Onorab. Wi, parey ou'n dir toultan i pou annan *non-compliance* avek serten Lalwa ouswa prosedir e dimoun i dezobeir eksetera.

E zis parey dan letan *COVID* la kot ou vwar poudir olye mazine poudir sa viris i touye, nou prefere bes lebra, nou prefere pou nou pa swiv

bann *advice* ek bann *abide to* bann restriksyon eksetera.

Anyway, teknoloji dan Lapolis parey mon'n komans avek taler, *regarding* parey *camera* bann *sophisticated* sa, i ti pou *do the job* en kantite pour nou osi annan sa ki nou apel, i lo mon program i la devan mwan la, *bodycam*.

Bodycam i ti pou ed nou, pa pou detekte krim dan sa fason ki nou pe koz lo la. Me selman i ti pou, si oule bann *complaint against police*, ti pou osi ganny, i ti pou en fason pou nou konnen si vre in ariv en keksoz ouswa pa'n arive eksetera en? Bann keksoz koumsa.

Nou annan, apre nou ava la lo kote *forensic*, nou annan 3 zofisyé Lapolis la ki sertifye pilot *drones*. Nou'n byen kontan nou'n ganny en drone menm si nou pa ankor fer sa louvertir, akoz zis pran 2 wikenn pase, kot militer, e rezon militer i annan kot sa garson ti tonm dan en *ravine* laba dan en kolin, e *drone* ki ti fer vwar li en konparezon.

I ed ou pou al dan bann zistans ouswa dan bann landrwa, kot dizon ou pa pou kapab ale ouswa ou pou bezwen pran serten risk pou ale, me li i a ede pou ou war ki mannyer sityasyon i ete.

Kot *forensic* nou annan en, *well* i annan kapasite pour ede pour detekte krim. Nou annan serten keksoz ki nou fer, nou annan dimoun ki *train* osi, nou annan dimoun ki'n *train*.

Parey dizon *cybercrime*, nou annan en bon pe dimoun ki'n *train*, me parey nou konnen Lalwa pa ankor neserman vin an mars. Mon a profite pou mon dir Lanbasad Sinwan pe fer nou, pe donn nou en kado, en *digital lab* en *forensic lab*.

E nou deza annan dimoun ki *train* pou travay dan sa lab. Nou deza annan en *mini one*, me avek *the latest software* Sinwan pou fer nou kado *soon*. E nou, nou zis bezwen i pa pou build okenn batiman, nou, nou zis bezwen donn lespas, donn sa *space* kot pou met sa.

E *at any point in time*, zot pou vini pou komans enstalasyon ouswa pou donn *training*, serten *training* ankor. Nou toultan an faver, apre i annan bann lezot *training* ankor ki konmela ki *virtual*. *Virtual* i bon aköz sityasyon ki nou ladan, nou pa kapab zis reste deryer.

Me selman ou kapab mazine poudir i annan en pei pe, ler ou pa fizikman dan en

landrwa ouswa ou pa, i pa neserman ki ou pe *feel it*, pa *feel it* sa kantite ou konnen.

Me selman nou toultan provide *training*, ouswa kot i annan *training* kot nou ganny ofer aletranze. Nou annan nou ban *partners* zisteman ki zot ofer nou serten led, nou pa zanmen dir non, nou *try* nou *best* pou nou, zis la letan *COVID*.

La in menm annan pei ki pe envit nou la, nou pa pe ale zisteman aköz sityasyon *COVID*. Ou pa pran risk pou tir en dimoun, se li pou al kontrakte sa viris en zistans. Me selman pou ou lenformasyon Onorab, nou toultan an faver teknolozi, parey mon pe dir ou nou annan sa *GPS* ki ed nou en pti pe.

Nou an faver pou nou fer Lapolis *train* dan sa teknolozi pou ed nou pou nou kapab dekouver bann krim. Nou annan dimoun ki *train* pou, ki servi bann *celebrite*, masin, li osi i ed nou en kantite avek bann zafer telefonn.

Nou annan dimoun ki *train* e eksper i donn levidans Ankour pour *GPS*, pour lo bato la bann radar *you name it*. Nou annan bann *you name it* nou annan bann dimoun ki *well trained*. Mersi bokou.

MR SPEAKER

Mersi Komisyoner. Onorab Cosgrow nou bezwen avanse silvouple, si ou annan en pti klarifikasyon.

HON WALLACE COSGROW

Mr Speaker i annan en pri kestyon i pa'n reponn. Ale Mr Barbe ou annan? *Please carry on.*

AG COMMISSIONER OF POLICE TED BARBE

Wi, *sorry* Onorab. Politik dan lafors. Personnelman mon pa war, mon pou koz manti si mon dir poudir nou otoriz sa. Nou pa zanmen, nou pa zanmen otoriz politik dan travay. E mwan mon enn sa dimoun ki pa tolere sa bann zafer.

Mon konpran i annan dimoun ki'n, i annan dimoun ki'n ganny fer transfer dan sa rotasyon. Transfer ou transfer en dimoun pou rezon stratezik, ou tir li dan en landrwa ou met li dan en lot landrwa.

Ou transfer en dimoun osi i kapab ba lo en *emergency* ki ou bezwen. Pou transfer en dimoun osi aköz parey dan konteks Lapolis i annan serten keksoz *behaviourwise* ouswa serten konportman ki pa byen

kot i ete ou pou bezwen tir li, nou pou bezwen fer sa.

Nou pa transfer en dimoun pou politik. *No way* nou pa fer sa. E mwan mon war transfer aköz ekspre nou annan en *Board* ki fer transfer. E sa *Board* mon pa ni pou kapab dir ou lekel sa bann dimoun ki zot siporte lo la, me selman mon konn zot, se bann dimoun ki mon'n travay avek.

Mwan mon pou war zisteman ler zot in transfer, si i annan *query* mwan mon pou *query* mon, si i annan. Mon ganny demande pou *reverse* serten transfer e sa mon pou ganny avek sa dimoun ki'n ganny transfer.

E si en dimoun an deor i dir mwan, mon pou eksplik li aköz nou'n transfer sa dimoun. E mon pou eksplik sa dimoun osi poudir si mon *reverse* aksyon transfer sa dimoun, mon pou bezwen *reverse*, aköz i napa en *ground* la.

Aköz son *ground* i parey si i annan en senkantenn mon pou bezwen li senkanteen tyenm, mon pou bezwen *reverse* pou sa senkantenn, aköz i *more or less* dan menm rezyon. Ouswa rezon pli serye.

Mon tant pou mwan eksplike, poudir *there's nothing to do* avek politik e okenn problem endividi ek en lot

eksetera. E sa bann transfer ki'n ganny fer la, mon garanti ou, se stratezik.

Si ou'n perform byen dan dizon Anse Boileau, ou'n met Anse Boileau lo en oter, e mon ti a kontan Anse Aux Pins osi i monte osi, e ou en *quality* ki mon'n fini mark ou poudir ou annan sa potansyel.

Mon pa pou tir ou pou fer Anse Boileau tonbe, me selman mon pou tir ou pou ou al donn sa sipor, fer en *proper handing over* laba Anse Boileau e al donn sa sipor Anse Aux Pins.

I bann stratezi ki nou servi. Mwan mon pou dir ou fran *there's nothing to do* avek politik dan transfer ki'n pas kot mwan. E si mon konnen i annan nou pou kriy sa dimoun nou pou dil avek. I annan en lot ankor? Mersi Mr Speaker.

MR SPEAKER

Mersi Mr Barbe. Mon a pran Onorab Bastienne e apre i a swiv par Onorab Philip Arissol.

HON DESHEILA BASTIENNE

Mersi Mr Speaker. Bonzour Mr Speaker. Bonzour Mr Barbe e bonzour tou koleg Onorab. Mr Barbe pli boner ou'n mansyonn *GPS* lo transpor Lapolis, mon ti a kontan fer sorti ki labi dan travay e lo

transpor Lapolis i ankor pe arrive.

I annan zofisye Lapolis ki ankor pe servi transpor Lapolis pou al fer zot tranzaksyon personnel, zot al fer lot kalite aktivite pandan letan ki zot sipoze pe fer patrol. Ennler serten Lapolis patrol i plis kot son lakour ki lo semen piblik kot i sipoze etc.

Eski Mr Barbe, eski ou kapab dir sa Lasanble, ki aksyon diferan e pli sever ki ou a pe vin avek pou met en *stop* avek sa bann zofisye ki pe kontinyen abiz lo transpor Lapolis?

Mon dezyenm keston, mon'n tann ou osi dir pli boner ki ou pou lager kont drog, ki mon byen apresye e nou tou nou pe esper sanmenm. Malerezman i annan serten Zofisye ki travay dan *ANB* ki annan kontak avek bann trafiker drog, e ki pe met en retar total pou nou kapab lager kont drog.

Akoz bann trafiker drog zot menm zot in koze zot dir, si nou pa ti pe travay avek Lapolis nou fouti, fini pou nou. I annan menm i dir, zot ganny *call* i dir zot evakye. Pa servi sa moter, sanz semen. Mon pe dir ou sa, trafiker drog ki'n repete i annan temwen.

E mwan mon pe demann ou koman Mr Barbe, eski ou kapab donn sa Lasanble ou garanti ki anba ou komann Konmisyoner Lapolis, en travay entans pe al ganny fer lo sa zofisyè ANB, pou zot konpran ki savedir travay avek senserite dan en pei? Osi donn lespwar sa bann fanmir ki pe soufer letan zot pe get zot zanfan pe ganny detri par bann trafiker drog? Mersi.

MR SPEAKER

Mersi Onorab. Mr Barbe.

AG COMMISSIONER OF POLICE TED BARBE

Mersi Mr Speaker. Mersi Onorab. Bon, sa labi mon'n koz lo GPS wi, nou annan en bon pe case la Onorab ki pe ganny dil avek la kot *Internal Affairs* zisteman, akòz bann dimoun ki sorti dan zot zone, i annan ki sorti dan zot zone i al fer aksidan dan en lot zone. E tou bann lezot keksoz ankòr.

Sa zafer tranzaksyon personel ouswa baze kot lakour, olye dan patrol sa nou pe fer en lobzervasyon lo la Onorab e aksyon pou ganny pran. Mon garanti ou aksyon pou ganny pran *very soon*.

Dezyenman konsernan ANB, Lapolis an kontak avek bann trafiker. Mon pe zis fer

Lasanble konnen poudir, sa aksyon sever pou ganny pran, i annan serten travay pe ganny fer zisteman wi, i byen ou'n lev sa.

Very soon ankòr enn fwa mon pe dir sa *very soon* i *anytime* nou pou pran aksyon sever avek sa bann dimoun.

E nou annan lenformasyon lekel ki pe fer li. Nou pou pran aksyon avek zot. Sa mon garanti ou. Zot pe tann mon la, zot pou bezwen pran en desizyon, akòz nou pou dil ek zot. I serye sa. Mersi Mr Speaker.

MR SPEAKER

Mersi Mr Barbe. Onorab Arissol e i a swiv par Onorab Labrosse.

HON PHILLIP ARISSOL

Mersi Mr Chair. Bonzour tou dimoun. Mr Barbe koman komisyoner Lapolis pou sa Depite Komisyoner Lapolis pandan sa dernyen apepre 4 an.

Ki bann defi ki ou'n obzerve dan lafòrs Lapolis? E koman nouvo komisyoner ki ou pou fer pou fer ki ou adres sa bann defi? E kwa ki ou pe vwar koman eou pli gro challenge koman nouvo komisyoner? Mersi.

MR SPEAKER

Mersi Onorab. Mr Barbe.

AG COMMISSIONER OF POLICE TED BARBE

Mersi Mr Speaker. Mersi Onorab. I annan plizyer keksoz nou'n pas atraver dan sa bann, dan sa 4an ki'n pase. I annan bann bon keksoz i annan bann keksoz ki pa neserman bon ouswa ki ti devret pli bon.

Nou'n vwar en mankman en pti pe *in terms of* disiplin, bann gard ki pe ekoute zot konnen ki mon pe refer lo la, i pa lafors an antye, me nou annan en pti group ki apre ki en bon travay i ganny fer, ki piblik i *praise* Lapolis en kou.

En lepok mon dir, mon dir zot nou fek fer monte Lapolis n pti pe paviyon in mont anler apre ou war en keksoz lo *social media* Lapolis i desann "*voup*". Be sa bann keksoz koumsa nou pe dil avek sa.

Parey konsernan drog i en defi pou nou, nou annan en Polisi, en Polisi ki'n deza la.

E nou'n travay en pti pe ankor lo la i kot AG pou nou fre sir ki i pa *contradict* okenn lezot Lalwa, i napa naryen pou fer avek *Human Rights*. E nou pou servi sa *zero tolerance*.

Akoz i annan dimoun la si i pe antre gard i pe teste

pozitiv pou serten sibstans, i pa pou kapab ganny aksepté dan Lapolis.

Me prezan, nou pa kapab osi i annan dan Lapolis i annan sibstans dan son sistenm. Nou bezwen dil avek sa, e nou pe dil avek nou'n deza fini dil avek. Nou pe zis esper AG anvoy serten keksoz, konfirm serten keksoz apre nou fer marse nou *zero tolerance* pour drog.

COVID osi in met nou dan en bon pe dilenm. I annan en kantite keksoz ki nou ti'n kapab ariv en pti pe pli lwen, be i annan en rezon pou tou keksoz *COVID* in pas dan milye tou in met en *stop*.

Fer ou reflexir en pti pe, i pe pran lavi wi i pe pran en bon pe lavi i pe kontinyen pran, me selman an menm tan i fer ou kalkil en pti pe;- *reflect* lo kwa ki ou kapab fer dan letan *COVID* e dan sa *new normal* parey nou apel sa.

Zis parey *training*, nou pe fer sir ki *training* ki nou bann *partners* i abitye donn nou bann gro konferans Lapolis enternasyonal ki'n abitye *attend*. *La right now* i annan enn ki pe *go on* ki mon sipoze ladan.

Nou fer li *virtual la*, nou konnen i pa *the real*, me selman nou kapab partaz nou

ban dilenn Lapolis *across the world*.

Lo kote Lapolis nou'n komanse Lapolis ti pe fer menm dan letan COVID pe travay, travay, travay. Me en sel kou la lo dernyenrer. I pa vedir Lapolis in bes lebra, me Lapolis i epwize en kantite.

Lapolis nou osi nou'n *fall victim* en, nou osi nou annan Zofisye nou annan apepre en senkantenn la ki dan izolasyon. Ki vedir nou osi nou dan menm bato. En lot *challenge* apard drog ki nou annan zisteman se akomodasyon, akomodasyon i en problem pou Lapolis.

Akomodasyon le ou pe transfer en dimoun Praslin ouswa La Digue *it's a big*, i en *big issue* e egalman ler si ou pe pran en dimoun Praslin pou ou fer li vin travay isi Mahe dan en landrwa ou pou bezwen rod akomodasyon pou li.

E akomodasyon i ser, e ou bezwen lwe e i pa kout naryen i kout en kantite larzan. Mon [pa konnen si mon'n reponn en pe kestyon.

MR SPEAKER

Nou ava bezwen pran sa.

AG COMMISSIONER OF POLICE TED BARBE

Mon a dir mersi.

MR SPEAKER

Si ou annan keksoz pou azoute pli tar ou ava azoute. Onorab Labrosse, wi?

HON RICHARD LABROSSE

Bonzour Mr Speaker. Mersi pou donn mon laparol. Bonzour asistan Komisyoner Lapolis Sir Ted Barbe Mr Speaker i ti enn mon bann *teacher* kot lekol Plaisance Segonder, e mon byen fyer ozordi pou mwan vin lev mon lanmen pou li ozordi.

Mr Barbe mon koman Manm Elekte pou Plaisance mon'n pas bokou letan dan mon kominote ek mon bann dimoun. E mon distrik i enn ki'n annan bann zofisye Lapolis sirtou bann *retirement*.

La mon mazin enn ki'n fer son *retirement* Laurent Sef Sirentandan e mon'n koz ek osi plizyer lezot ankor, me dan mon konversasyon avek zot, sa ki mon'n ganny en konpran se ki avan '77 nou ti annan en lafors vremen efikas dan pei.

Me apre ler keksoz in arive mon'n tann en Onorab taler in koz lo politik dan Lapolis, mon mazin en i ti pe fer referans lo sa osi, ki kekfw in fer Lapolis vin lo sa dilenn ki i ete ozordi. So koman nouvo Komisyoner Lapolis mon

ti a kontan konnen ki lenerzi ou pe vin anmennen la?

Ou'n koz en epe lo la taler me selman en pti pe brefman ki lenerzi ou pe anmennen, ki ou pe anmennen pou fer sir ki nou lafors i pa vin 100poursan parey ti ete avan? Me selman ki Seselwa i ava war en pe sanzman parey nou dir ladan.

E mon dezyenm kestyon parey mon'n koz lo bann *retirement* dan kominote ler nou pe koz lo *policing*, dan la kominote, eski la ou annan en plan kekfwa pou ou zwenn sa bann dimoun ki'n *retire* parey mon pe dir ou Plaisance, par egzantp i en distrik ki vreman entelizan ek bann dimoun en pti pe pli o.

Kekfwa la ou ti kapab ganny sa bann dimoun pou ou travay avek zot kekfwa dan plas nou depan plis lo Lapolis, pou fer *community policing* kekfwa la osi piblik dan en sans i a kapab war zot pe partisipe. Mersi Mr Speaker.

MR SPEAKER

Mersi pou ou kestyon Onorab. Mr Barbe.

AG COMMISSIONER OF POLICE TED BARBE

Mersi Mr Speaker. Mersi Onorab. Wi nou annan bann *very skilful retired officers* en,

nou annan detrwa zot zisteman. Vre Plaisance i annan zot.

Be zisteman dan nou program nou, nou annan en zafer pou nou regroup sa bann *retired officers* ansanm e gete kwa ki nou kapab zisteman gannyen par egzantp kot lakademi nou konnen *ex-CSP* Cecile in dan *CID* e i annan en bon skill pou fer enterogasyon lot, lot, lot.

Be nou'n fini note sa poudir even David *Belle ex-Inspector* David Belle. Be nou kapab servi zot en pti pe. Zot in *retire* wi, be selman nou kapab *pull zot in* pou kapab donn serten konsey, ouswa serten pass on serten *skill* ki zot ti annan.

Aprè nou osi dan sa laliny koz pour nou, zot la nou anvi ler nou fer serten fonksyon *pull zot in*, akoz zot in fer en kantite pour nou. Alor mwan mon'n grandi avek zot annefe, *CSP* Cecile i konn byen.

Pull zot in, fer zot rezouir en pti pe. Akoz ler zot in *retire*, mon mazine si ou pa pe fer naryen, me nou anvi retourn zot en pti pe, pou zot partisip dan serten aktivite ki nou fer. E an menm tan *pass on zot experience* avek manrmay ki pe grandi dan lafors.

Zisteman mon krwar mon'n melanz tou lede kestyon ansanm. Nou pa pou zet zot zisteman, nou pa pou zet zot. Mersi bokou.

MR SPEAKER

Mersi Mr Barbe. Onorab Gill.. Onorab Gill ou pa ti'n lev lanmen ou, Onorab Vidot ki ton lev lanmen. *Sorry*. Onorab Gill.

HON CHURCHILL GILL

Mersi Mr Speaker. Mersi Mr Speaker. Bonzour Mr Barbe. Bonzour tou Manm.

Mr Barbe mon annan 2 kestyon. Mon premye kestyon se pour Praslin toultan in annan en fason fer, pou ou letan dan Lapolis ou'n kapab *witness* sa fason fer. Me selman toultan nou war nou, nou *end-up* kot napa ase zofisy e an menm tan i annan bann *social ills* ki Praslin pa'n ganny eparnye avek.

Eski apre ou lapwentman ou pou kapab pran en lapros diferan ek sa fason fer, pour ki Praslin i a kapab ganny ase zofisy kalifye an menm tan lenfrastruktir ki ankor kapab fini konplete lo zil, pou asire ki Praslin i ava annan en lafors ki byen adekwat.

Pran konsiderasyon ki Praslin i dominan avek biznes

touristik. E nou annan en kantite etranze ki frekant zil.

Mon dezyenm kestyon i lo *Seychelles Police Act*. Sa *Act* parey nou konnen i annan en pe letan, e i annan en bon pe keksoz ladan ki pa relevan ozordi, omwen i devret ganny amelyor lo la pou reflekte realite ozordi.

Eski sa i en keksoz ki i form par dan ou bann plan, pou ganny revize, pou met li azour pou ou kapab desarz pou nouvo fonksyon? Mersi.

MR SPEAKER

Mersi Onorab. Mr Barbe.

AG COMMISSIONER OF POLICE TED BARBE

Mersi Mr Speaker. Onorab mersi bokou nou sorti Praslin. Mazin Praslin. Wi *manpower* Praslin zisteman mon konnen i mank en pe mon konnen nou pe travay lo la zisteman, pou amelyor en pti pe nou *manpower* Praslin.

Annefe Praslin mon rapel ler mwan mon ti ganny transfer, mon a fer li kourt selman. Ler mon ti ganny transfer Praslin 2016 mon krwar, 2016 mon ti ansarz Praslin, La Digue, La Digue *Region* e ler mon ti ariv Praslin ti annan en dife ki ti pran, *somewhere* dan Amitie.

E ti dan bann letan vandswet *if my memory serves me right*, kot ti annan *issues* ek avyon pou *fingerprint officers* desann Praslin.

Alors ki nou ti fer, dan mon letan sa. *From* la mon ti dir annou fer en *fingerprint officer* baze lo Praslin *quarterly* e zot ava sanze de tanzantan e sa i *on*. *Until now* i ankor *on*. Ti annan en lot zafer ankor dan mon letan menm - mon ti dir nou bezwen en prezans *marine police* lo Praslin.

Ou konnen i annan *issue* bato ennler i kase e lot, lot, me selman nou konnen i annan sa prezans Praslin. *Dog Unit* osi mon krwar i annan prezans Praslin e zisteman nou bezwen fer en pti pe reparasyon laba kot bann *kennel* i ete.

Konmsi i annan enn de bann sanzman ki'n deza komans ganny fer, e petet nou bezwen re *build* lo la, fer li vin en pti pe pli konkret, zisteman *qualified personnel* mon'n tous en pti pe lo la.

Nou'n fer sir nou annan *fingerprint officers* ek lezot dimoun ki i sa. E si i annan kot *forensic*, kot *forensic site*, me si i annan keksoz *to do with CCTV extraction* e lot, lot sa nou *pull in somebody from* Mahe. Malerezman nou pa kapab met en dimoun Praslin.

Me lenfrastriktir kordgard Baie Ste Anne i an progre *ok* pou *very soon* i annan plan ki'n ganny fer, mon osi mon pe *look forward* zisteman. Apre *Police Force Act* in fini ganny travay lo la, *rightly said* nou'n fini travay lo la i kot AG.

Zot osi zot annan en bon pe keksoz dan zot lanmen, me *very soon* i ava sorti i ava annan bann keksoz ki i pou adrese zisteman. Sanmenm i en pe modern parey ou'n dir. Nou'n vwar sa depi ler *Compol* Labonte ti la in fer en travay lo la. *Ok* Mersi bokou Mr Speaker.

MR SPEAKER

Mersi Mr Barbe. Nou a pran Onorab Mondon.

HON TERENCE MONDON

Mersi Mr Speaker. Mon kestyon Mr Barbe parey ou konnen sa size *tint* i enn bann provizyon dan Lalwa ki permet Komisyoner fer eksepsyon. Eski ou krwar ki Komisyoner i devret pe enplimant bann seksyon parey? Oubyen i devret pe travay dan en lanvironnman kot Lalwa i aplik pour tou dimoun san eksepsyon?

E dezyenmman mon anvi, mon vwar ki ou pe koz avek bokou konfidans. Kwa ki fer ou

konfidan ki ou pou kapab fer sa diferans, ki sa nouvo ladministrasyon e lepep an zeneral pe ekspekte avek ou?

E zis an pasan, mon konnen ki ou dir ou pou regroup bann dimoun ki'n demisyonnen, ki'n *retire*, i annan bann zofisye osi ki'n ganny met a laport dan lafors dan en lafason malapropo.

Eski ou pe mazine pou ou kapab dan fason pou, petet akoz ou'n travay dan en fason drwat e zis, eski ou pe mazine pou kapab rebran sa bann dimoun ki'n pas atraver sa bann sityasyon? Mersi.

MR SPEAKER

Mersi Onorab. Mr Barbe.

AG COMMISSIONER OF POLICE TED BARBE

Mersi Mr Speaker. Mersi Onorab. Mwan si ou demann mwan *tint* Lalwa i aplik pou tou dimoun, definitivman en Lalwa i aplik pou tou dimoun. *Simple as that* en?

Lo kote konfidan, mon bezwen konfidan. *Anyway* mon'n la pandan plizyer letan. Mon'n la avek bann *previous Commissioners* ki mon'n travay avek zot, e zot in montre mon en bon pe keksoz. Mon'n vwar nou defayans en bon pe ki

mon'n koz lo la, zot in fer sorti zot osi.

E mon annan en vizyon, en bon vizyon zisteman pour kontinyen e rebran mon bann ki pa'n tro, tro neserman lo la e kontinyen lo bann bon keksoz in ganny fer e fer vin pli byen ankor. Se sa.

Aprè mon vwar i annan en tim dan Lapolis la ki pe *look forward* pou travay. E mon pa kapab pa konfidan. Mon pa kapab trennen mon bezwen al ek zot.

Lo size bann gard ki zafer malapropo, ganny demisyonnen malapropo, be sa mon annan en lalis devan mwan ki mon pe pas lo la. Me selman mon pou bezwen gete kwa ki'n arive eksetera. Ou bezwen *study* sa lalis en pti pe.

Sa bann gard zot eksperyanse. I annan bann dimoun ki'n ale ki' eksperyanse me selman ou pou selman kapab pran bann baze lo ki mannyer zot sityasyon ti ete akoz ou bezwen balans sa.

Akoz *otherwise* ou pou anmenn en pe presedans dan lafors e i kapab andomaze plis ki ou annan sa leksperyans i retournen. Mersi Mr Speaker.

MR SPEAKER

Mersi Mr Barbe. Mersi bann Onorab. Nou a pran en poz la,

nou a retournen. Nou bezwen kontinyen avek kestyon nou ankor annan Manm lo lalis. E bann Manm i a eskiz mwan mon pa'n pran lord lekel ki'n lev lanmen dan ki lord.

Akoz dan komansman tou dimoun in lev lanmen ansanm mon'n mark enn apre lot. Me selman les mon a, wi zot oule mon dir zot lekel ki annan lo lalis la pou zot, *ok?* Mon a dir zot.

Mon annan Onorab Uranie, Gabriel, Vidot, Labonte, Letourdie, William, Loizeau, Woodcock, Porice, Monthy. I annan ki mon – Wi Onorab Roucou i la. Onorab Romain ou ti'n lev lanmen? E Onorab Hoareau, *ok.* Me, Onorab Samynadin.

Bon avek sa kantite Manm ki nou annan lo lalis mon pou relans lapel pou bann Manm bref e spesifik dan zot kestyon.

E mon osi lans lapel avek Mr Barbe pour pli bref e spesifik lo larepons koumsa nou kapab fer en pri pe lavans lo letan. Mersi bokou nou a pran poz la e nou a retournen ller. Mersi.

(BREAK)

MR DEPUTY SPEAKER

Bonzour tou Manm Onorab e piblik ki a lekout. Donk nou pou kontinyen avek nou sesyon demann kestyon pour Depite Komisyoner ouswa *Acting Commissioner* Mr Ted Barbe.

E nou annan nou 15 *MNA* ki reste pour demann kestyon, donk mon pe demann korperasyon bann Manm pou benefis *time management* ki nou kit nou kestyon kourt e nou ti ava osi apresye ki larepons i *to the point*. Donk mon ava envit Onorab Woodcock.

HON WAVEL WOODCOCK

Mersi Mr Deputy Speaker. Bonzour Mr Barbe. Byenveni dan Lasanble en zanfan Praslin. Mon kestyon i *comme* swivan:

I annan bokou krentif deor, menm lafreyer parmi manm piblik, sirtou kot i konsern ler zot fer rapor parey zot pe raport bann aksyon kriminel ilegal dan distrik, parey bann *drug dealers*, ouswa okenn lezot aktivite kriminalite.

Le problem se ki bokou fwa ki arive ler zot donn sa bann lenformasyon, ouswa zot raport sa bann aksyon, sa bann lenformasyon i sorti ouswa sa bann, i annan bann

zofisyè dan lafors Lapolis ki *leak* sa bann lenformasyon.

Ouswa zot enform sa bann *dealers* prezan sa bann *dealers*, sa bann dimoun i *threaten* sa bann dimoun ki donn sa bann lenformasyon.

I malere ki annan zofisyè dan Lapolis ki pe toler sa bann, sirtou sa bann *drug dealers*. E malerezman menm i annan politisyen osi ki fer sa.

Alor ki en pe ki ou pou fer pou ou sey remedye sa, pour fer sir ki sa bann lenformasyon, i reste sekre ki i pa *leak* ki nou war nou frer deor pe ganny *threatened*? Mersi.

MR DEPUTY SPEAKER

Mersi Onorab. Mr Barbe.

AG COMMISSIONER OF POLICE TED BARBE

Mersi Deputy Speaker. Mersi Onorab. Problemn konfidansyalite mon pa pou kapab dir i pa egziste.

Wi i annan sa *issue* avek serten manm Lapolis kot si *informant* in donn lenformasyon e apre non i ganny *reveal*. I zisteman sa, ou met lavi sa dimoun ki'n donn ou sa lenformasyon an danze.

E sa bann sityasyon koumsa *once* ki nou konnen lekel, zot pou ganny dil avek

severman. Aksyon pou ganny pran. E an plis ki sa, sa i form parti *training* kot nou toultan repete sa bann keksoz kot ou toultan annan konfidansyalite.

E i pou vin en pti pe dan *training* ler nou fer sa, kot nou pou *build* sa *trust* avek piblik dan sa *community policing*. Mersi Mr Speaker.

MR DEPUTY SPEAKER

Mersi Mr Barbe. Onorab John Hoareau.

HON JOHN HOAREAU

Mersi Mr Speaker. Bonzour Mr Speaker. Bonzour Mr Barbe. Bonzour tou dimoun a lekout.

Mon kestyon i al en pti pe lo menm laliny ki Onorab Labrosse ti koz lo la, dan letan kolonyal nou'n erit nou en Lapolis ki ti profesyonnel ki ou kapab dir ti baze lo *training*, *ethics* ek disiplin.

Me mwan mon ti oule konnen Mr Barbe, ki ou pwennvi oubyen ki ou fason ou pou lev moral Lapolis, e ou pou anmenn plis *training* lo nivo formasyon dan bann lezot pei? Si ou annan okenn Lakor ki ou anvizaze sinyen oubyen en keksoz koumsa, fer nou konpran en pti pe lo sa laliny.

Apre osi i annan en pti keksoz Mr Barbe ki antan ki en Manm Lasanble antan ki osi

mon ekout bokou keksoz ki pase deor ki dimoun i dir. Nou kot Lasanble nou travay, sirtou FPAC i travay bokou avek bann case kot i annan serten alegasyon, mon pou met li koman alegasyon koripsyon.

E i annan 2 lenstitisyon ki kapab *take up* sa bann issues se ACCS avek zot Lapolis ki kapab fer bann investigasyon. Me ziska prezan Lapolis pa'n zanmen antreprann okenn lenvestigasyon, baze lo bann formasyon ki ganny si oule sorti kot Lasanble.

Eski ou koman Komisyoner ou pou etabli en relasyon, en pe pli pres avek FPAC e fer sir ki serten keksoz i ganny *taken up*? Mersi.

MR DEPUTY SPEAKER

Mersi Onorab Hoareau. Mr Barbe.

AG COMMISSIONER OF POLICE TED BARBE

Mersi Mr Speaker. Mersi Onorab. Pou lantrennman ki Lapolis bann zofisye i vin pli profesyonnel. Zisteman nou pou *ensure* ki sa i ganny fasilite i dorm parti nou annan program la, avek mwan mon annan en program ki *speak* en kantite lo kwa ki pou annan *in terms of training*.

Me selman avek sityasyon COVID, *training* i fizikman pou bann dimoun, ou konnen lakademi ou bezwen rezidansyel sirtou, sirtou dan sa premye mwan. Me aktyelman nou lakademi i pa ideal pou fer sa bann *training* koumsa ladan.

Me nou'n fer en lot zafer avek nou zanmi militer kot i annan en lespas, pa militer ki pou *train by the way*, se Lapolis ki pou *train*. Se nou anvi ki *training* lapolis i komanse. Nou'n deza fini *venture* dan sa bann lagreman.

Sa nou pou fer sir ki bann manm pa bliye, i annan en zafer mon ti'n ekrir la. Ki bann manm pa bliye poudir ler nou pe koz lo etik e zot bezwen mazin lentegrite, respe pour bann diferan diversite, *obedience to the law*, ou bezwen lobeisans. Konfidansyalite nou fek pe koz lo la, la depi bomaten.

Polisy e bezwen annan sa li, i bliye be i bezwen annan. Lekselans dan servis ki nou donnen, nou bezwen *excel as much as possible*. E pli gro problem ankore se disiplin. Nou bezwen fer sir ki nou annan disiplin e sa i bezwen vibran partou kot nou pase sa.

Nou bezwen *spick and span*, tou dimoun i bezwen war

e tou dimoun i bezwen konnen ki en zofisyè Lapolis ki pe pase la, i bezwen santi en keksoz. Mersi Mr Speaker.

MR DEPUTY SPEAKER

Mersi Mr Barbe. An korperasyon avek FPAC.

AG COMMISSIONER OF POLICE TED BARBE

Sa, nou voudre etabli sa definitivman. Si ler i vin kote *corruption* i plito ACCS ki pran me selman Lapolis si i annan bann *issues* kot Lapolis i entervenir. Nou pa pou dir non, nou pou voudre pou nou donn en koudmen.

Nou voudre travay an *partnership* definitivman, e *tackle* sa bann sityasyon ki konsern koripsyon dan pei. Lo tou nivo dan tou dimansyon, lekel ki pe fer li? Tou i bezwen ganny dil avek. Mersi Mr Speaker.

MR DEPUTY SPEAKER

Mersi Mr Barbe. Mon a donn laparol Onorab Uranie.

HON ROCKY URANIE

Mersi Mr Deputy. Byenveni Mr Ted Barbe. *Headquarters* Lapolis isi Mahe ou'n koz en pti pe an zeneral lo ou plan.

Vi ki La Digue i lwen avek Mahe, ki ou vizyon oubyen ki

ou fason fer pou la Digue enkli bann lezot zil pros parey Silhouette kot Lapolis i konsernen? Mersi.

MR DEPUTY SPEAKER

Mersi Onorab. Mr Barbe.

AG COMMISSIONER OF POLICE TED BARBE

Mersi Mr Speaker. Mersi Onorab. Praslin, la Digue ek bann lezot zil, lezot zil anefe nou an kontak sirtou ler i annan bann *issues*. Malerezman kot napa en prezans Lapolis.

Me Praslin, La Digue nou an kontak. Zisteman ler nou fer sa *Commanders Conference* ki ganny fer Mahe, zofisyè Praslin i ganny reprezante e La Digue. La nou annan en *Inspector* ki fek bouz La Digue e nou pou fer sir ki sa *Inspector* i lo sa, akòz i en *station commander* laba La Digue, i pou bezwen lo sa *Conference*.

Okenn keksoz ki annan ki konsern *policing* pour bann zil i a ganny adrese. E nou fer si ki La Digue ek Praslin i *onboard* dan tou keksoz ki nou, dan tou desizyon ki nou fer. Mersi Mr Speaker.

MR DEPUTY SPEAKER

Mersi Mr Barbe. Mon ava donn laparol Onorab Porice e ape sa Onorab Samynadin ou a met pare.

HON DOYACE PORICE

Mersi Deputy. Bonzour Mr Barbe, tou ban Onorab e tou a lekout. Mr Barbe ou annan bokou bagaz ek leksperyans dan Lapolis e mon asire ou pou vin sa *Commissioner of Police* pou Sesel.

Eski ou krwar ou pou kapab desarz sa responsabilite ek *fairness* san lenfliyans politik? Mersi.

MR DEPUTY SPEAKER

Mersi Onorab. Mr Barbe.

AG COMMISSIONER OF POLICE TED BARBE

Mersi Mr Speaker. Mersi Onorab. Si mon'n ariv la definitivman i annan en rezon pour sa. Wi mon pou desarz sa responsabilite avek *fairness*, egalite, enparsyalite pour tou. Se sa ki mon pe travay pour Sesel. Mersi.

MR DEPUTY SPEAKER

Mersi. Onorab Samynadin.

HON KELLY SAMYNADIN

Mersi Mr Deputy. Bonzour Mr Barbe e mon bann koleg Onorab. Mr Barbe avek nouvo

lapros ki ou pe mazin antreprann dan *community policing*, ou'n nonm *hot spots*, langazman *district teams*.

Mon ti a kontan konnen, mon ti a kontan ganny plis leksplikasyon lo ki mannyer ou pe mazin angaz la kominote dan sa demars? Sirtou dan bann distrik parey Au Cap, kot nou konnen napa en Stasyon Lapolis, e ki mannyer nou komen Lotorite Distrik nou kapab ed Lapolis dan sa demars?

Dezyenmman mon ti a kontan konnen ki frekans pli rezonnab ki patrol i ekspekte ganny afektye dan nou kominote, eski i pou lo en baz kotidyen, par semenn? Afen ki sekirite popilasyon i kapab ganny byen asire. En leksplikasyon lo la silvouple. Mersi.

MR DEPUTY SPEAKER

Mersi Onorab. Mr Barbe.

AG COMMISSIONER OF POLICE TED BARBE

Mersi Mr Speaker. Mersi Onorab. Bon, Lapolis kominoter parey mon'n eksplike avan, i pou *engage partnership* lakominote.

Kot parey mon'n dir sa bann problem i ganny idantifye, i ganny analize epi

ou *devise en response* pou dil avek sa problem. Apre ou bezwen retoun lo labab pou sa *assessment*, evalyasyon pou ou gete *how did it go*, apre pou ou *plan the next course of action*.

Me mon konnen poudir Au Cap i napa en Kordgard, Anse Royale i *partly* apre Anse Aux Pins i bordaz li osi. Ki nou'n fer zisteman, i byen ou'n demann mon sa keston Onorab mon a ganny sans lev sa bout la.

Nou bann *commanders, regional commanders* dan zot rezyon zot nou pou desantraliz en pti pe la, lontan ou vin *Headquarter* Santral pou ou ganny *sort of spoon-feed* ouwa ganny dir kote problem i ete eksetera, eksetera. pa konfiz sa ek *Commanders Conference* en?

Me nou, nou'n pran, nou'n fini konmanse fer sa, nou'n pran en stil kot ou desantraliz li en pti gin dan sa fason. Sa *commanders*, sa bann *commanders* zot bezwen idantifye zot bann *blackspots* dan zot distrik, dan zot kot zot fer zot *policing*.

Zot bezwen idantifye sa zot, zot ki konnen ki mannyer i ete laba kot zot. E zot ki bezwen fer zot *plan of action* dan sa konteks Lapolis

kominoter. Zot ki bezwen *chip in accordingly to the need* ki zot bezwen laba dan zot *policing area*.

Me zot kit sa platform *community policing* i on li. Me selman zot ki bezwen idantifye zot problem e rod fason ansanm ek DA sa *district team*, annou dir li koumsa.

District team i annan tou sa bann *stakeholders* lo la. Avek *district team members* zot ki bezwen fer sa akronim (SARA) ki nou dir la, kot ou pou *scan*, kot ou pou *analyse*, kot ou pou *corresponds* apre pou ou *assess*.

Zot pou bezwen fer sa. *All along* zot pou bezwen fer sa. Tou distrik, tou rezyon i bezwen pe fer sa e Au Cap sa *Commander* Anse Aux Pins avek Anse Royale zot pou bezwen partaz keksoz pou Au Cap. Zot bezwen zwenn lekel ki pou lo Komite Distrik pou Au Cap, si tou lede ki mon mazin tou lede akoz zot bordaz, ou dan milye ou. Ou ki dan milye zot bezwen fer sa. Mon krwar se sa Mr Speaker. Mersi.

MR DEPUTY SPEAKER

Mersi Mr Barbe. I annan en pwen ki ...

AG COMMISSIONER OF POLICE TED BARBE

Mersi Mr Speaker. *Sorry* mon ti'n omit sa morso. Patrol son frekans ankor enn fwa i bezwen baze lo *need* avek *assessment* ki zot in fer dan zot distrik.

I ler ou fer *intelligence led policing* ou bezwen konnen kote ki problem i ete, kote ki annan problem, kote ki annan groupman, ou bezwen *predict* pou ou vin avan dimoun i vini, avan dimoun i komans groupe ou bezwen la ou.

Be sa frekans patrol i pou baze lo sa *Commander* avek son *deployment*, avek son *deployment team*. Li ki pou bezwen desid lo la. Zot bezwen met sa landrwa *blackspot* dan zot patrol, dan zot *deployment*.

I bezwen ladan. Ki vedit i bezwen *ongoing*. Napa sa zafer i pou pas en fwa Lendi, Mardi i pou pas 2 fwa Merkrede. Non. Baze lo zot kwa ki zot in idantifye kwa ki zot in analize lo zot problem, zot pou bezwen pase.

Zot bezwen enkli sa problem dan zot *daily* patrol, i bezwen dan zot *deployment*. Mersi Mr Speaker.

MR DEPUTY SPEAKER

Mersi Mr Barbe. Mon pou pas laparol avek Onorab Gabriel e Onorab Roucou met ou pare apre.

HON CONRAD GABRIEL

Mersi Mr Chair. Bonzour tou dimoun a lekout. *Welcome* Mr Barbe. Dabor atraver ou Mr Chair koman nou lo Lapolis la.

Mon ti a zis kontan pas en mesaz, nou annan en *ex-Police Sergeant* Mrs Sarah Wong ki en zabitan Pointe Larue ki'n fer en bon pe lannen dan Lapolis. Atraver lafanmir zot pe dir mon koman nou lo Lapolis la, petet ti a bon fer konnen, sa madanm in dedye en bon pe son letan Lapolis.

So ti a bon nou obzerv en Minit silans sa i ou diskresyon Mr Speaker. Ou a deliber lo la. Pou mwan kestyon pou Mr Barbe, petet ou'n fer bon parkour dan Lapolis. Zis dir nou briyevman petet ki ou pli gro lakonplisman pandan sa 24an ki ou'n pase dan Lapolis? Mersi.

MR DEPUTY SPEAKER

Mr Barbe.

AG COMMISSIONER OF POLICE TED BARBE

Mersi Mr Speaker. Pli gro lakonplisman pour mwan si ou demann mon, se ler mon ti sov

lavi sa 10 dimoun. Zot ti Somali mon ti negosye zot ti ganny *release eventually*, mon'n al liniversite apre sa.

E mon ti fer mon *MSC in Criminology and Criminal Justice* e zisteman mon tit mon *Dissertation* sete "*Negotiating with no training in Somalia.*"

E mon *Dissertation* ti ganny rekonnet e in ganny mete dan *library* lo *shelf* parmi *the rest* ki zot konsider bann bon *Dissertation*. Savedir sa i en akonplisman ki'n kontinyen e kantmenm mon'n *spend* sa ta letan mars ek telefonn dan mon pos *wherever*. Be selman *finally* mon'n fer byen. Mersi Mr Speaker.

MR DEPUTY SPEAKER

Mersi Mr Barbe. Mon not demann ki Onorab Gabriel in fer, e mon pa anvi ki dimoun a lekout i santi poudir nou pa sansib vizavi bann lensidan tris, parey ki'n arive dan ou distrik.

So lo non Lasanble Nasyonal nou ava prezant nou kondoleans avek la fanmir. Me mon pa santi ki i pou apropiye dan milye nou sesyon pou nou fer en minit silans. Touzour nou mazin nou tou, nou mazin defen e la fanmir dan nou lapriyer. Onorab Roucou.

HON MICHEL ROUCOU

Mersi Mr Deputy. Mr Barbe bonzour. Bonzour tou zabitan Mont Fleuri ki a lekout. Mr Barbe ou'n koz en pti pe lo term lo bann Zofisye Lapolis ki ganny reste dan bann kominote.

E mon oule zis enform ou poudir sa souvandfwa i pa marse, akoz *PMC* li menm li dan lepase, i war plizyer fwa kot i bezwen kriy bann zofisye Lapolis ki sipoze pe ed zot pou fer sa kominote vin pli meyer akoz zot menm zot, zot pe fer bann nwizans dan *estate*. Mersi.

Mon lot pwen se ki mon anvi koz en pti pe lo disiplin, ki ou anmennen dan Lapolis pou lev en pti pe sa nivo disiplin? Ler mon pe dir disiplin, mon pe koz an term ki mannyer gard i prezant li, li menm li.

Akoz si mon pa tronpe Lapolis i annan en *Code of Conduct* ki mannyer gard i sipoze sanze, ki mannyer son seve, son *uniform*, ki kalite soulye i sipoze dan son lipye, i pa sipoze dan en savat.

Aprè dezyenmman an term promosyon, mon anvi konnen ki mannyer ou pou vwar bann promosyon dan Lapolis? Pour vi ki ou predeser ti annan en fason fer, e ou ki mannyer ou pou fer

li si bann zenn ki la zot pou gannyen loportinite zot osi pou zot monte?

Osi mon'n aprann lo kote promosyon i annan bann *station commander* ...

MR DEPUTY SPEAKER

I lo ou katriyenm pwen la en. So, mon ti ava apresye nou kit li lo 3. Akoz deza mon ti pe swete ki tou dimoun i kit li 2, akoz kontrent letan, so annou fer li zis 3. *Ok*, nou ava envit Mr Barbe pou reponn.

HON MICHEL ROUCOU

Sorry, wi, wi zis an term lo kote bann *station commander* dapre mon'n ganny an konpran zot size lo en ran ki sa pa ditou si ou kapab vwar sa. E osi Mr Barbe zis vwar pou...

MR DEPUTY SPEAKER

La ou pe al senkyenm prezan. So nou pou fer li zis 3 Mr Barbe.

AG COMMISSIONER OF POLICE TED BARBE

Mersi Mr Speaker. Onorab wi, to some *extent* dan lepase Lapolis kominoter lafason ki nou'n fer pa neserman ki in *the ideal way of doing it* en.

Me sa i pou diferan la en, i diferan mon'n striktir li byen, mon'n striktir li byen e nou

pou bezwen fer li parey in ganny striktire. Nou pou bezwen rann kont. Parey mon'n dir dan distrik, sa *district team* Lapolis pou bezwen ansanm ek zot.

E nou pou bezwen pas lo, nou bezwen minite sa ki nou'n fer, pou nou kapab bouz devan gete kwa ki pa'n fer, apre kwa ki'n fer ki'n fer byen, ouswa kwa ki'n fer ki'n mal fer pou nou travay lo la. Sa i enn.

Nivo disiplin dan Lapolis wi, i annan, nou annan nou *Code of Conduct* ki souvandfwa sa bann gard pa swiv. Zot pa'n swiv, e i annan i kontinyen pa swiv. Be nou pran aksyon disiplinier avek bann ki pa swiv, sa mon pe fer ou konnen poudir Onorab nou pran aksyon disiplin.

E dezyenmman nou dan prose pou etabli, nou ti dir 5, me *thinking of* Praslin and La Digue, i kapab annan plis, kekfwa nou a met enn ankor an plis. *Disciplinary officer* bann dimoun ki pou, *usually* nou tou nou devret pe etabli disiplin, nou tou nou bezwen pe obzerve ki nou gard pe fer, ki nou, nou pe fer ki nou gard pe fer.

Me selman pli spesifik avek sa problem ki dimoun i kontinyen dir, nou pou etabli dimoun spesifik pou donn

koudmen, pou fer sir ki disiplin i ganny *enforce* dan Lapolis.

Promosyon: promosyon i la li. Promosyon i la, ou pa kapab tro si oule, sanz fason fer li, *as* akoz promosyon ou pe *upgrade* en dimoun. Me petet nou get en pti pe bann *merit* ki nou pa neserman tro al lo la.

Nou a get en pti pe *who deserve it* e nou bezwen annan osi sa stasyon *performance appraisal* ki ganny fer. E nou fer sir ki sa i ganny fer *quarterly* or ki mannyer nou mazine, mon mazine *quarterly* nou pou fer li e tousala i a vin bann pwen pou promosyon.

Rank dan stasyon, *station commander* mon konnen ki ou pe sey *mean*.

I annan en letan kot Sirentandan ki ti ansarz stasyon, i annan en letan kot Asistan Sirentandan ki'n ansarz stasyon, i annan en letan kot nou'n dir *Inspector*, serzan ti *way back*.

Nou pou, nou annan sa ran *Assistant Superintendent* ki sipoze ansarz stasyon e nou pe al fer tou keksoz *level soon*. *Ok? Thank you* Mr Speaker.

MR DEPUTY SPEAKER

Mersi Mr Barbe. Mon pou pas laparol avek Onorab Norbert Loizeau.

HON NORBERT LOIZEAU

Mersi Mr Speaker. Bonzour tou dimoun. Bonzour *Compol*. Mon pou dir ou *Compol* akoz dapre lenterogasyon ou'n fini vin *Compol. Compol*.

MR DEPUTY SPEAKER

Ou a pe kas nou lareg.

HON NORBERT LOIZEAU

I annan bokou dimoun pe dir ki Mr Barbe i tro *soft*, i tro *cool* pou vin Komisyoner. Mon pa anvi ou reponn sa mwan, zis mon pou dir ou en keksoz.

Selman mwan mon krwar ki en Komisyoner Lapolis i pa sipoze en boug pa konpran, brit ki zis bat dimoun parey ti arive avan. I sipoze en dimoun entelizan, *well trained* pou li kapab diriz sa lafors byen. Pa reponn sa enn. Me reponn larestan ki vini.

Compol nou napa zis en problemn drog, nou annan en gro problemn lalkol dan pei, kot i annan bann laboutik ki pa pe obzerv lareg, louvertir.

6er bomaten lalkol pe ganny bann e sanmenm sa ki pe kre bann pti group partou. Dan mon distrik Bel Air i annan enn obor lekol Belonie

ki pe fer sa. Mon mansyonnen la.

Ki ou pou fer koman *Compol* ansanm petet avek bann lot Departman parey *Licensing* pou nou kapab dil avek sa bann marsan dan nou kominote ki pe kontinyen kas Lalwa? E sa i pe kre en dezord total.

E mon dezyenm pwen *Compol*, ti annan sa ...

MR DEPUTY SPEAKER

Ou pe al lo trwazyenm la.

HON NORBERT LOIZEAU

Ti annan sa, non premye ti en komanter. Ti annan sa bann Lapolis Lanvironnman mon krwar ki ti vey lans, ou pa'n koz lo la, vi ki i annan bokou vol, lo bann touris lo lans e lo bann *trail*.

Ki ou anvizaze antreprann koman *Compol* pou ede minimiz en pe sa bann aksyon vandalizm, vol lo bann touris an se moman? Mersi.

MR DEPUTY SPEAKER

Mersi Onorab. Mr Barbe.

AG COMMISSIONER OF POLICE TED BARBE

Mersi Mr Speaker. Mersi Onorab. Mon pa pou al fer komanter lo sa enn premye.

MR DEPUTY SPEAKER

Wi, i dir i pa en kestyon, so ou kapab les pase.

AG COMMISSIONER OF POLICE TED BARBE

Wi, wi. Me selman piblik i a war. Lo size drog avek lalkol. *Anyway*, lalkol plizoumwen. I annan en travay ki ti ganny fer, nou pou *extend* sa prezan, mon kontan ou'n dir sa, i annan en travay ki ti ganny fer pou pa'n neseserman *please* tou dimoun.

Lari Bazar, ti fer Lapolis avek *Licensing*. Be nou pou *extend* sa, mon kontan ou'n dir sa nou'n tande sa bann *vibes* i annan i vann labwason pli granmaten ouswa i ferm, i annan en serten landrwa. Ankor ki nou pou, mon'n fini fer lentelizans lo la ki nou pou pran aksyon *very soon*.

Mon pe servi sa *very soon* akoz *anytime*. Kot li i fermen li, me selman son bout kote ki bor ek lans dimoun i pase i aste e ou pa pou zanmen war. I tann mwan li sa dimoun si i pe ekoute la. *Ok?* Be sa nou pou pran aksyon ek li, *anytime* nou pou pran aksyon.

Fransman aktyelman pa tou lans ki annan sa *tourism squad* la, *beach, tourism police* i pa neseserman tro an egzistans. I pa'n marse akoz in

mal ganny zere petet nou ti devret, ler ti dir pou fer sa nou ti devret pran nou letan plan *everything around* annan en *squad* koumsa.

Be si nou pa'n fer sa, i pou kapot dan semen. I plito la, dizon Anse Royale, mon pe pran en legzanp. Anse Royale i konnen poudir kot *Kempinski* laba dimoun i kontan al vey lanbeli, al atak touris ouswa zot fer ban lezot ensinifyan lo lans.

E Anse Royale i *field* gard laba i bezwen met sa dan son *deployment*. Nou'n fer li koumsa la. Akoz si nou pou refer *tourism police* nou pe remet nou dan en sityasyon more *manpower* avek bann lozistik.

Akoz prenon kont ki napa okenn letablisman dan bor. Napa okenn fason ki si lapli i tonbe pou sa bann dimoun sa e pou fer bann bezwen neseler osi i en lot *issue*.

I annan en ta zafer ki vin avek. Ki nou pou fer, nou pou bezwen depanse e fer keksoz ki byen ki dire tou.

Lo *trail* osi nou ti met gard sirtou la anler Copolia, nou ti met gard. Be selman nou vwar poudir i louvraz osi pou lezot Departman konsernen pou fer en tim sekirite pour vey lo bann *trail* e

gard i a donn sa sipor, en gard i ava donn sa *backup* kot i neseler.

Nou konnen tou i mor lo gard, be selman nou pou bezwen get en pti pe, nou bezwen en pti pe. Mersi Mr Speaker.

MR DEPUTY SPEAKER

Mersi Mr Barbe. Mon pas laparol avek Onorab Vidot, Onorab Letourdie ou ava met ou pare pou apre.

HON AUDREY VIDOT

Mersi Mr Speaker. Mon kestyon pour Mr Barbe. Avek ou bann lannen leksperyans e sa lanvi pou adres sa problemn drog Sesel, eski i pou realis pou dir dan 100 zour i posib pou fer li?

Kan ki bann *MNA* avek bann *DA* pou ganny sans pou nou vwar e konpran detay sa program *community policing*, ki ou'n koz lo la depi bomaten? Akoz i avek bi pou nou kapab zwenn ou pou met plis lord avek lape dan nou bann distrik.

E eski *harassment* lo bann madanm dan lafors Lapolis, i osi priyorite dan ou bann diskisyon ki ou'n dir bomaten, dan plis met lord dan travay Lapolis? Mersi.

MR DEPUTY SPEAKER

Mersi Onorab. Mr Barbe. I annan 3 pwen la.

AG COMMISSIONER OF POLICE TED BARBE

Mersi Mr Speaker. Si ou dir mwan dan 100 zour lord pou drog, pou met lord ek drog mon a komet mon lekor pou dir nou pou pran aksyon sever kot sityasyon drog i konsernen.

Me i kapab nou fer li par anba 100 zour, nou kapab fer en serten keksoz remarkab ki lepep i a war. Me i kapab osi avek along the way i annan bann defayans ki i *extend beyond*.

Me selman *rest assured* ki sa ki mon'n dir bomaten ki aksyon neseler pou ganny pran, in komans ganny pran. nou pou tous kot i fermal menm e nou pou kontinyen fer li. Sa pou drog.

Zwenn avek bann *DA* program i la nou'n fini fer nou, *in the coming week* nou mazin en akoz nou bezwen, zwenn, rezwenn bann *commanders*. Si tou i al byen ler mon sorti la *sometime early next week* nou bezwen zwenn bann *commanders*.

Aprè *thereafter* nou a plan lo, nou ava anvoy bann mesaz pou bann *DA* ek bann lezot konsernen. Aprè

harassment bann madanm gard, be si i annan fodre bann dimoun i raporte, si i annan en ka partikilye mon ti a kontan konnen.

E si i annan mon pe anvoy en mesaz raporte nou a pran aksyon neseler. E si sa dimoun pa'n kontan in bezwen, si in dir i pa'n kontan *then* i bezwen in fer konnen. Mersi Mr Speaker.

MR DEPUTY SPEAKER

Mersi Mr Barbe. Onorab Letourdie.

HON JANY LETOURDIE

Mersi Mr Speaker. Bonzour tou dimoun. Mr Barbe bonzour. *From* sa zenn ti *juke* avek sa *afro* ki ti pe *cross border* kot lekol Plaisance, apre met bann bass gitar dan bann sanson Jany Deletourdie, ozordi ou la dan Lasanble Nasyonal.

Selon mwan ou annan en lentelizans e kapasite ki ou ti a kapab swazir nenport ki lezot metye ki mwen *demanding*, mannyer ou dir *demanding*, ki mwen egzizan. E par egzantp louvraz 8er - 4er oubyen reste avek ou lar.

Akoz ou'n ensiste pou ou zwenn lafors Lapolis?

E selon ou leksperyans, kwa ki lakle pou devlope e prodwir en bon lekip?

E dernyen. Ki bann kalite ki ou krwar pou fer en bon Komisyoner? Mersi.

MR DEPUTY SPEAKER

Mersi Onorab. I annan 3 pwen la, Mr Barbe.

AG COMMISSIONER OF POLICE TED BARBE

Mersi Mr Speaker. Mersi Onorab. Sa lentere pou zwenn Lapolis i ler mon ti Plaisance Segonder zisteman. Ler mon'n Plaisance Segonder kot, mon pa konnen in annan bann *flash back* si oule kot mon mazin en pti pe.

Akoz sa lepok Plaisance, mwan mon zwenn Plaisance ler i ti lo son dezyenm lannen legzistans. Ti'n fek fer sa lekol konmsi, sa nouvo lekol la.

Savedir ler bann lakaz Roche Caiman pe fer, mwan mon pa ankore ni fer zis in trase ater, mwan mon pe *cross border* parey ou'n dir Onorab pou mwan al travay.

Sak fwa ti ariv bann pti issue lager bann zafer, mon ti *House Master* pou kouler *Capricorn* kouler ver, be mon ti bezwen la, mon ti la pou mon tir sa bann lager eksetera. Manrmay ti en pe *rough* ou konnen. Sorti dan diferan distrik zwenn ansanm pa ti fasil diferan karakter.

Aprè parey mon pe dir ler mon'n la, mon'n toultan mazin en pti pe lo ler mon ti dan lekol, parey mon'n dir avan, kot Mr Bibi avek defen Mr Lagras ti vini ti donn bann *talk*. Mon ti kontan sa *uniform by the way*. Mon ti kontan zot dan sa *uniform* e ti fer ou per tou sa *uniform*.

E mon rapel, permet mwan pou mon dir 2 pti keksoz. Mon ti ankore pe lekol Segonder Grand Anse Praslin, mon anmas en bwat bis, stenn bis ti par deryer Kordgard. Mon anmas en bwat sigaret avek R200 i annan 10 sigaret ladan ek R200.

Be ti pou fasil kekfwa pran, ou konnen bann pti manrmay en pe soz *whatever*, pran al avek. Mon pran pou mwan al anmenn kot Kordgard, ler mon mazin pou mwan al antre dan Kordgard ti en ta problem.

Akoz mon konn *style* sa lepok gard ti met bann gran soset, konsonn kaki, gran soset la anler. Be mon ti per, fransman en? I dir mwan dan 14 zour vin serse, mwan, 14 zour menm *ya*, mon pa ti zanmen ale mon aköz mon ti per gard.

Be selman parey mon'n dir ou mon'n toultan war, pran gard koman en metye solid ou

konnen, ou *spick and span* dan ou *uniform*, i deza en *deterrent* kot ou pase si ou byen dimoun i respe ou, ou annan sa dyalog, langazman eksetera.

Se sa ki'n fer mwan en pti pe pou mwan zwenn Lapolis. Mon pa pou mazin lot.

MR DEPUTY SPEAKER

Lot in demann ou lo kalite.

AG COMMISSIONER OF POLICE TED BARBE

Ah yes. Mon gitar i laba. Gitar i dan kwen laba selman tanzantan mon pas, pas lanmen lo la. Kalite, be pou ou vin en zofisyè Lapolis ouswa, i annan en keksoz ki vin dan ou sa, akoz i annan dimoun i vini i pa pou tarde i pou ale.

I en keksoz ki bezwen mon pa konnen mwan i bezwen en keksoz ki ou kiltive ou menm ou dan ou. Wi ou annan bann *external factor* ki *influence* ou parey mon dir ou mon'n ganny enfliyanse.

Me selman apre ou bezwen annan en keksoz *from deep within* ki *drive* ou pou ou. I pou difisil pou mon dir *quality* akoz ou kapab devlop serten keksoz, *as you go along* ki pa tenir.

Me ou kapab annan en keksoz *within you* ki *lasting for until* ou sa. Me selman si ou

demann mon an gro ou bezwen annan sa lapros, ou bezwen *portrait* ou byen devan *wherever* ou ete. Ou bezwen toultan annan sa disiplin ki ek ou ki dimoun i get ou.

Even out of uniform ou dimoun i santi poudir but it's a, en somebody ki pa neseserman parey en nenport ki dimoun. Be ou annan en keksoz avek ou ki ou prezans i fer ou prezans konte.

Apre respe, *respect* e ler ou gard ou bezwen respe e parey mon'n dir taler dan bann etiket ou bezwen annan sa lentegrite ou pou bezwen respe lezot *and everything*. Ou pou bezwen toultan en gard ler ou en gard, ou bezwen toultan. Mersi Mr Speaker.

MR DEPUTY SPEAKER

Mersi Mr Barbe. Nou pou pas laparol aprezan avek Onorab William.

HON WAVEN WILLIAM

Mersi Mr Speaker. Bonzour tou dimoun ki a lekout. Mr Barbe mon pou bezwen baz mon kestyon. Baze lo leksperyans Lasanble mon'n apwent, mon'n vot pou plizyer bann Komisyoner.

E prenon kont legzisans ki'n vin avek lekspektasyon sanzman Gouvernman le 25

Oktob. Lekspektasyon pep Seselwa avek direksyon lafors ki Seselwa i ava reganny konfyans dan lafors avek respe, kot nou a kontinyen dir ti vo lapenn fer sanzman.

Mon anvi demann avek ou ki e kwa ki ti anpes lafors Lapolis progrese dan lepase? Lefe ki ou'n la pou en bon pe letan. Eski ou santi ki avek sa nouvo Gouvernman i annan en nouvo souf? Sa i mon premye kestyon.

Mon dezyenm kestyon se ki ou anvizaze fer an term kolaborasyon, avek bann lezot Lazans Gouvernman e antite prive atraver sinerzi pou ed zot akonpli zot lobzektif? Sa i mon dezyenm.

E finalman Mr Barbe par lefe ki nou koz avek diferan kous zofisye Lapolis. Mon anvi konnen ki lapros spesyal ou pou pran vizavi konsiltasyon avek tou manm ou lafors, pou fer sir ki ou ganny konfyans e respe e annan en bon tim pou travay avek? Mersi.

MR DEPUTY SPEAKER

Mersi Onorab. Mr Barbe i annan 3 pwen la.

AG COMMISSIONER OF POLICE TED BARBE

Mersi Mr Speaker. Mersi Onorab. Mersi Mr Speaker.

Mersi Onorab. Lapolis, lorganizasyon Lapolis in egziste en ta letan pase. Angle in koloniz nou, nou *policing style* i baze lo Angle. Mannyer Angle i fer pou li.

Angle in kit nou, Angle in *move on* avek son *policing*, in anmenn en ta teknolozi ladan en ta keksoz, ki nou pa neserman nou'n swiv sa ki Angle in fer *eventually*. Nou'n *go* nou *way*.

Nou'n fer nou *policing* dan nou pti zil. An dizon sa mon pe mazine poudir nou ti bezwen garde poudir si nou anvi met *flesh* lo *existing skeleton* ki nou annan, nou mete selman ou pa sanz, ou pa kapab sanz sa *skeleton*. *Policing* i la li, *I mean* Lapolis i la li.

Selman si ou anvi fer en keksoz ek Lapolis *add-on*, tire *add-on*, tire *add-on*, eksetera. Me Komisyoner i sanze, Komisyoner i vini, Komisyoner i ale, lot i vini. I pou sanz son stil fer li, me *policing* i reste *policing*. *The core, the very basic of policing*. Ki ou fer dan *policing* i bezwen reste.

Si ou *add technology to it, it's ok*. Si ou pa *add technology to it* ou bezwen annan en lot mannyer ki ou pe, parey nou'n dir bomaten ou fer ou deteksyon. Ki souvandfwa i vin

difisil akoz lemonn in evolye, e dimoun i sanz fason fer keksoz.

Ou bezwen les sa Komisyoner fer son travay. Sa Komisyoner i bezwen ganny, ek son bann gard i bezwen ganny sipor nesese pou li travay.

I bezwen anmenn keksoz ver ou Lotorite pou fer ou konnen poudir i anvi fer sa e si i pa fezab, ouswa nou napa ouswa, mon a donn ou en kar ouswa mon a donn ou lanmwatye, i pou afekte ou Komisyoner ou stil ki ou ti pe vin avek.

Me selman ou a fer, parey mon'n dir *policing* i reste *policing*, ou a fer avek sa ki ou annan *the maximum* ki ou kapab.

Aprè *it's all about talking initiative as well*, ou, ou ki bezwen *kree*, ou ki bezwen *kree*, ou bezwen rod fason parey mon'n dir taler, mon retourn ankor lo mon zafer ou bezwen pe *scan, identify, scan, analize* ou bezwen pe fer tousala.

Ki *eventually* i pa marse ou bezwen *go back* refer. Toultan i devret koumsa i sanble si dimoun pe ekoute i sanble *that's a lot, but it's not a lot*. Akoz si ou abitye fer li, zis ou fer li, ou pou toultan fer li e ou pou fer li byen tou. Mon pa

konnen si mon'n reponn selman mon'n sey anmenn dan sa konteks.

Kolaborasyon Lapolis i bezwen annan avek lezot *stakeholders*, tou lezot inite, prive, gouvènmantal, lot, lot, lot. I annan ki pa konpran antyerman fonksyon Lapolis ki nou rol ek nou fonksyon.

Me selman sirtou dan en diskisyon ou bezwen eksplike poudir mon limit i la, mon pou partisipe. Mon limit i la, mon pou fer sa mon kapab fer sa dan perimeter Lalwa la.

Me kolaborasyon fodre i egziste, akoz Lapolis li tousel pa pou kapab fer lanket. Lapolis i tousel pa pou kapab met *case* Ankour. Lapolis li tousel pa pou kapab ganny levidans pour travay lo en *case* san lezot. *No man is an island* i pa pou kapab depan li tousel li. Sa i enn.

Lapros ki mon pou pran *if all goes well*, sa en keksoz ki nou'n fini ekrir annefe. Nou pou bezwen, mon pou bezwen donn sipor bann gard, e bann gard i bezwen konpran poudir mon dan menm soulye avek zot.

Mon'n note ki en vizit i ganny fer de tanzantan dan bann rezyon. E mon *spend* letan mon ti pe mazin fer sa Vandredi, mon'n deza fer li

Beau Vallon, mon ti fer en zour Sanmdi. Me mon anvi ki sa i ganny, konmsi annan en *touch base* avek zot.

Apre osi mon annan en laport ouver ki mon war gard Merkrede, nou pa'n sanz sa ek *Compol* ki ti annan avan ek larestan. Mon war gard Merkrede ek piblik.

Me si en gard i annan en *issue* ki *pressing* ki mon kapab war li, mon pou *try* mon *best* pou mon war li. Me si i vin 3 fwa, tou le 3 fwa mon pa *around*, mon pa kapab i pou al dir mon pa anvi war li. Non, non, mon pa, pa anvi war li mon, i keksoz i ganny dikte par lezot aktivite.

Me *usually* mon ouver laport le en gard i tape. Mersi Mr Speaker.

MR DEPUTY SPEAKER

Mersi Mr Barbe. Mon a pas laparol avek Onorab Labonte.

HON ANDY LABONTE

Mersi Mr Deputy Speaker. Bonzour Mr Deputy. Bonzour Mr Ted Barbe. Bonzour tou Manm koleg Onorab e tou manm ki a lekout. Bon mon pou komans par dir bonn fet tou bann papa aköz ozordi i lazournen bann papa e Mr Barbe i osi en papa.

So mon kestyon i en pe an zeneral, aköz mon pou dir a, i annan en keksoz Mr Barbe in dir plizyer keksoz. Ou CV i kler poudir ou annan kalifikasyon pou pran sa pozisyon.

Me selman i annan en keksoz ki mwan mon santi ki ou pa ankor vreman *convince* mwan poudir parey Onorab Loizeau in dir, ou pa vin reponn sa kestyon, me mwan mon plito dir ou mwan mon anvi ou reponn sa kestyon.

Aköz mon pou dir sa Mr Barbe? Aköz mon kestyon i lir koumsa, se ki ou'n koz lo bokou *etiquette* me *in term of* valer, ki valer ki ou personnelman koman sa Mr Ted Barbe, ki ou annan, ki ou posede ki pou kapab *lead* Lapolis pou sanz direktiv si oule?

Aköz nou pa bezwen en Komisyoner ki *soft*. Nou bezwen en Komisyoner ki kapab pran desizyon. En Komisyoner ki parey in ganny dir ki pa pou viktimiz popilasyon, e menm son travayer aköz tousala i pe deroule.

Travayer i santi i pe ganny viktimize, popilasyon i santi poudir napa la transparans. So kwa ki ou

kapab dir ki finalman i pou dir ki i sorti dan fon ou leker.

Ou koman sa zom ki pe vin pran latet pou nou Lapolis, ki mwan Mr Barbe mwan ki Komisyoner, mwan ki pe vin *rule* Lapolis pou fer sir ki i met nou lo sa semen. Akoz nou konnen drog i en gro problem.

So i sa, plizoumwon mon premye keston. E mon dezyenm keston i vin en pe lo Lapolis li menm li *ok*. Ankor enn fwa i baze en pe lo valer me selman respe. Eski ou koman sa Mr ted Barbe ki ou annan koman ou plan pou refer Lapolis ganny sa respe dan la kominote?

Akoz *right now* dimoun pa vreman annan respe e dimoun pa ni per Lapolis. So kwa vreman ki ou pe vin anmennen diferan pou nou war nou lasosyete i sanze? *So this is it*. Mersi.

MR DEPUTY SPEAKER

Mersi Onorab. So 2 pwen, premye ki valer ou pou anmennen koman Komisyoner? 2em ki plan ou annan pou redonn Lapolis respe dan sosyete?

AG COMMISSIONER OF POLICE TED BARBE

Mersi Mr Speaker. Mersi Onorab. Pa kapab pa retourn lo sa bout ki Onorab in dir oparavan. Onorab Loizeau in *lightly* met dan perspektiv. Lapolis i annan en lepok *way back* dan 1900 Lapolis ti annan, ti adopte en stil si oule dominer, lavwa *you name it and whatnot*. Mon ki la, lot ki la, lot ki la. In sanze *by the way*.

Annou met antet poudir sa zafer, souvandfwa ki ou krwar pour ou pou *dictate* in sanze dan *policing*. *Policing* parey mon'n dir zot, *leadership* ki enportan, sa *leadership* i enportan, ou *still* i enportan.

There are times ki ou bezwen met ou lipye ater, i annan son letan kot ou pou nou tou pou la nou konnen, kot ou bezwen en pti pe *democratic* kot ou kapab anval en pti pe zafer lot, lot. Me Ou pa pou *manage* Lapolis ou pou *lead* Lapolis, nou anvi *lead* Lapolis.

E se sa ki mon anvi fer mwan. Mon anvi *lead* Lapolis, reganny son portre parey i ti annan dan lepase ki nou'n koz lo la. Reganny son en pri pe son valer wi an gro. Mon pe sey rod en mo menm e valer i retour ankor.

Redonn li son valer re fer piblik re ganny sa konfyans

avek nou, kot nou kapab partaz sa lenformasyon;- kot ou kapab vin dir mon en keksoz *at any time* e mon pa pare pou mwan *reveal* sa.

Even Ankour i annan dimoun la ki pli *sharp* ki mwan i konnen ki nou pa *reveal*, nou kapab pa *reveal* nou sours. Ou pa kapab met lavi en dimoun an danze. Me mon a servi bann lenformasyon ki mon'n gannyen, e mon sours mon pa neserman bezwen *reveal to some extent*.

Me pour plan pou fer sa respe vini i komans avek nou menm nou bann endividi. Akoz ler ou respe ou lekor, apre ou *end-up* vwar ki mannyer ou'n fer pou ou menm ou bezwen fer pou lezot parey.

Ou pa *cross* sa ki ou pa anvi personn fer ek ou, ou pa kapab fer ek lezot. Nou bezwen nou menm nou gard, *display*, re *train* en pti pe nou lekor;- pa neserman al lakademi pou nou ganny *train*.

Ou bezwen al regete kote ou *stand in terms of* ou louvraz ki ou fer, ki mannyer ou *portrait* ou lekor, ki mannyer ou *display* ou lekor ek dimoun, pou dimoun kapab ganny sa konfyans swa ekout ou ler ou koze.

Ou ki bezwen ed ou lekor. Apre nou, nou al ek

lantrennman ki nou pou vre nou ban *refresher courses* akoz ou'n deza gard ou. Nou *refresher courses*, nou a re koz ankor lo sa bann pwen sa bann eleman, valer, etiket, ki i ganny dir ladan.

E nou bezwen pe *practice* li remet nou cap ankor on lo nou latet e debout avek fyerte ek dignite annou travay.

Se sa ki mon pou fer, mon bezwen fer bann gard konpran poudir tou *belong to the organization* e *the* organizasyon i bezwen ou. Nou bezwen. I *two way*, nou pa zis bezwen ou servis pou fer keksoz annord, me mon bezwen donn ou sa valer poudir mon enterese ek ou, e ou form parti sa lorganizasyon ki ou pe travay avek.

Viktimize, mon pe sey mazine si mon'n konpran byen.

MR DEPUTY SPEAKER

Non ti napa lo sa pwen viktimize ti annan lo respe apre valer ki ou pou anmennen.

AG COMMISSIONER OF POLICE TED BARBE

Mersi Mr Speaker.

MR DEPUTY SPEAKER

Donk, ou santi i annan keksoz ki in manke Onorab? Fer li vit

akoz nou pe vreman anvi reste *within time limit*.

HON ANDY LABONTE

Bon annefe Mr Barbe ler mon pe koz lo viktimizasyon se ki i annan, i annan zofisye Lapolis ki pe delivre. Ler ki zot pe delivre, akoz zot pe fer zot travay byen. Me selman i annan lenterferans *in term of either* akoz fanmir *or* dan en fason ou en lot ki sa Lapolis, i sa Polisye i santi poudir i pa pe kapab. Son lanmen i anmare si oule. So dan sa sans ki mon pe dir poudir i annan zofisye zot santi zot pe ganny viktimize.

Mon pa konnen si ou konpran mwan byen. So ki ou plan ki ou kapab elimin sa ki ler en zofisye i vini i santi poudir i pe travay lib, anba ou direktiv ki pe swiv Lalwa dapre ki manner i merite? Mersi.

MR DEPUTY SPEAKER

Ok Onorab.

AG COMMISSIONER OF POLICE TED BARBE

Pa ti'n tenny sa.

MR DEPUTY SPEAKER

Mr Barbe.

AG COMMISSIONER OF POLICE TED BARBE

Mersi Mr Speaker. Mersi Onorab. Si i annan ankor en fwa mon, mon kapab fer li senp li mwan. Si i annan okenn zofisye ki santi poudir akoz nou pa tolere viktimizasyon dan sa bann form ki mon pe ekoute. Si i santi poudir i annan en keksoz mal ki i santi pe i pe ganny afronte e ouswa, i pe denigre li en pti gin, ouswa i pe anpes li bouze.

Ouswa i pe ganny viktimize dan nenport ki manner ki i pou dir ki i kapab vin dir. I bezwen pas sa devan, pas devan e ler nou pa fer li ki napa remed souvandfwa.

Annou vin devan, annou dir. E *unless* i Komisyoner, menm ki pe viktimiz li mon pa pou konnen dan ki fason. Me selman si i annan *issues* i bezwen vin devan. Mersi Mr Speaker.

MR DEPUTY SPEAKER

Mersi Mr Barbe. Donk la i fer dezyenm lapel nou tann *Acting Commissioner* dir avek Lapolis fodre zot osi, zot apros zot *management* e raport bann *issues* ki zot pe ganny afekte avek.

Prosen entervenans. Onorab Sebastien Pillay. Onorab Romain ou ava met ou pare, pou ou apre.

HON SEBASTIEN PILLAY

Mersi Mr Speaker. Bonzour Mr Barbe. E bonzour tou koleg Onorab. Mr Speaker mon le, mon le demann Mr Barbe Lapolis i en landrwa kot Sesel sirtou.

Premyerman avan mon konmans demann mon kestyon Mr Speaker. Mon oule remersi Komisyoner Lapolis avan, sortan pou son servis ki'n donn nou. E tou bann lezot dimoun ki'n dan Lapolis e ki pe sorti oubyen ki pe *retire* osi pou servis ki zot in donn nou.

Mon krwar i pa en louvraz fasil i toultan i en louvraz ki kominote i demann bokou, i egziz bokou. E toultan zot ganny demande pou delivre a en, a en o standar ki i pa toultan fasil, prenon kont legzizans ki sosyete i met lo zot.

Koman Komisyoner, ou konnen poudir enn bann konsern ki ou pou toultan gannyen, se ki tou dimoun i konnen lekel ki trafikier drog, tou dimoun i konnen lekel ki pe fer koripsyon dan Lapolis. Tou dimoun i konnen lekel ki pe fer isi, fer laba, ganny viktimize.

Kwa ki ou pou fer, pour ou'n fer bann, bann, bann

lapel. Me kwa koman Komisyoner ou santi ou kapab fer, poudir ek sa bann dimoun ki annan sa bann lenformasyon be vin devan, donn Lapolis sa bann lenformasyon. E ou'n sey reponn sa kestyon taler lo pou ou reasir konfidansyalite, en *confidential informant*.

Enn bann eleman ozordi ki reste, ki reste pertinan menm si Gouvernman in sanze, se ki dimoun pa le vin devan i dir, ou poudir si i pou donn son lenformasyon, lenformasyon pou pase. Pou ou asire ki ler ou ganny sa lenformasyon i ganny trete avek en o nivo konfidansyalite. Tanzibman ki ou pou met an plas. Kalite striktir ou krwar ou santi ou kapab met an plas?

Mon dezyenm kestyon Mr, Mr Deputy Speaker. Mon konn Mr Barbe pou bokou letan. E koman en Komisyoner ou pou fer fas avek dan ou lafors, avek karakter imen. E karakter imen i egzize ki byensir dan ou lafors ozordi *as we speak*, ou annan diferans, diferan lopinyon lo si ou devret vin Komisyoner oubyen non.

Eski ou koman Ted Barbe, ou pou pare pou ou ler ou antre koman Komisyoner si Lasanble i pran sa desizyon,

pour ou kapab travay avek tou sa bann group endividi e reini Lapolis koman en lafors deryer en *leadership* serye, pour ki zot kapab akonplir sa kredo ‘*Service without fear, without favor and without ill will*’? Mersi Mr Speaker.

MR DEPUTY SPEAKER

Mersi Onorab. Mr Barbe.

AG COMMISSIONER OF POLICE TED BARBE

Mersi Mr Speaker. Mersi Onorab. *Leader* Lopozisyon. Wi nou toultan fer sa lapel kot tou gard, e tou dimoun an zeneral *most probably* zot konnen lekel ki pe fer bann keksoz ilegal.

Parey mon dir toultan i fer la devan ou. Ou annan en lobligasyon pou ou raporte, ou rod ou *mechanism*, ou raporte. Ou kite, ou les li parey nou kontan dir sa dimoun i gonfle, finalman i gro, i gra i *expend* son bann rasin partou.

Finalman ondire i *untouchable*. I pa *untouchable* li selman ou a krwar tou spor, tou zafer pou li, tou keksoz pou li.

Pou raporte en ta dimoun pe raporte. En ta dimoun pou raporte. I annan dimoun ki *feel* i kapab vin raport avek *Tom* en konparezon, i raport ek

Tom. Akoz ler i ti raport avek *Harry* in tann son nouvel apre.

I pa fasil me i fasil aköz, *finally* nouvel si fodre i ariv devan i arive li. Nou rod en fason nou fer, nou fer arive sa lenformasyon devan. Mon pa poudir vin raport ek mwan, me mon poudir ou vin raport avek en dimoun ki ou *confide in that person*.

Me an fer sir sa keksoz i ganny raporte. Me Lapolis si demen, apredmen i annan en dimoun ki nou kapab annan levidans poudir in ganny serten lenformasyon. Parey nou annan serten keksoz la nou pe travay lo la, in ganny serten lenformasyon. Nou ganny lenformasyon poudir en dimoun in vin dir li en keksoz apre li in al *reveal* non sa dimoun, nou pou *deal* ek li. Nou pou pran aksyon sever ek li.

Problenm i se ki sa pa ariv devan. Ou tande dimoun i dir ou pa kapab dir ek sa, ou pa kapab dir ek sa. Difisil ek Lapolis aköz, non i annan 900 ekek gard, zofisye Lapolis tir sivilyen. I annan, i annan, i annan dimoun ladan ki ou kapab raport avek.

Way of reporting ki mannyer ou raporte, *it's up to you*. Akoz mwan, si mon met en *mechanism* ou vin raporte.

Dimoun i konnen i annan en *mechanism in place* kot ou vin raporte pou lemoman.

Mon pa anv *reveal* mon bann *informant*. So i annan en fason ki ou kapab raporte, tou dimoun i kapab raporte avek en dimoun, si mon pe sey rod en fason pou mwan met li en.

E sa konfidansyalite i devret annan dan Lapolis e nou bezwen kiltiv li. E nou bezwen rod en fason pou nou met lanfaz lo la, ki sa i ganny retournen dan Lapolis. Akoz ou pa kapab gard ou pe, gard lape ou pe protez, ou pe protez propriyete, an menm tan ou pe met lavi dimoun *at risk*, ou pa kapab fer sa.

Sirman mon pou travay avek tou bann endividi. Mwan tou mon louvraz ki mon'n fer mon'n zwenn *people from all works of life*, diferans politik, pa en *issue* pou mwan. Larelizyon pli *move* akoz mon legliz pli pre ek mwan ki mon al lanmes ladan, i kapab. Mon en Anglikann me ler mon ti pe reste Port Glaud, *St Pierre*, *St Paul* ti mon legliz, akoz mon pa ti pou desann all *the way* pou al anvil.

Akoz mon'n lekol dan Lekol Katolik, dan lekol ki sa, ki sa Katolik i for ladan. E mon'n swiv katesis Katolik, i pa'n fer mwan okenn ditor

ziska prezan, mon'n batiz piti Katolik, Anglikann *likewise* e mon pe swiv zot sa bann dimoun.

I annan ki dokter, ki tou dan lavi la. I pa en *issue* pou mwan Onorab mon pou travay avek tou dimoun, parey mon pe dir la. Si mon vini mon pou vin byen e mon pou *try* mon *very best* pou mwan fer byen. Mersi Mr Speaker.

MR DEPUTY SPEAKER

Mersi Onorab. Ou annan klarifikasyon lo la?

HON SEBASTIEN PILLAY

Mersi, mersi Mr Speaker. *Ce si dit*, ki ou pou, ou santi poudir piblik i kapab vin devan e raporte. Ki mekanizm ou pou pran pou ranforsi konponan *Internal Affairs* dan Lapolis?

Nou'n vwar bann ka Lanmerik kot bann zofisyè Lapolis apre in bezwen al Ankour e bann, bann, bann *trials* in pas lo televizyon piblik in vwar, ou'n koz lo *bodycam*.

So ki ou pou fer pour ou, pour ki annan en servis *Internal Affairs* serye dan Lapolis? E ki Lapolis i kapab osi montre piblik poudir i pe pran aksyon kot i santi poudir *internally* i pe odit bann keksoz ki pe pase, i pe fer sir poudir fon piblik pe ganny byen servi,

bann zofisye pe konport zot byen.

E pou asire osi ki resours i ganny servi kot parey egzant bann Kordgard ki ou'n bezwen frenmen ou kapab reouver zot. Pou ki i ava annan en prezans Lapolis dan sa bann distrik la mon mazin par egzant, mon mazin Glacis, mon mazin Anse Etoile kot nou'n fek ganny lenformasyon ki i pou annan en *posting*.

Me sa bann rezyon i bezwen, akoz Anse Etoile i enn bann distrik ki annan plis dimoun, annefe.

So ki ou pou fer konponan *Internal Affairs* e *internal auditing* dan Lapolis pou kapab *improve* sa ki egziste ozordi? Mersi Mr Deputy Speaker.

MR DEPUTY SPEAKER

Mersi Onorab. Mr Barbe.

AG COMMISSIONER OF POLICE TED BARBE

Mersi Mr Speaker. Pou azoute zis mon a pran lo Anse Etoile. Anse Etoile i annan en *issue* laba avek Kordgard. E serten travay in fini ganny fer. E dokiman in ganny anvoy kot fodre anvoye *regarding* sa Kordgard.

Zisteman ek sa kantite dimoun ki nou annan Anse

Etoile. Nou'n realize poudir Perseverance, pa neserman, Perseverance i en gran distrik li osi. I pa pou kapab zet *24hours* en koudey lo Anse Etoile.

E alors nou'n ouver sa *police post*. Me neanmwon dimoun i kapab al fer zot bann konplent, bann rapor Anse Etoile pou annan gard la zisteman.

E bann lasistans pour sorti Perseverance, Anse Etoile osi i pou annan lasistans e kot i annan *issues* lezot landrwa i ava donn lasistans. Nou annan Beau Vallon, nou annan Santral osi ki nou kapab.

Akoz nou'n realize poudir i, i byen ki nou bezwen reouver li o pli vit posibil. Pandan letan ki diskisyon pe ganny fer si pou refer en lot Kordgard Anse Etoile akoz sityasyon sa enn si mon pou koz ek zot lo la i pou pran en pe letan akoz i in...

MR DEPUTY SPEAKER

Wi sa i ava en kestyon orizinal petet.

AG COMMISSIONER OF POLICE TED BARBE

I vremen varye. *Yes, that's it. Internal Affairs* dan sa bout sans *Internal Affairs* i nou pe al zisteman *enforce* li ankor en pe.

I pe al ase byen, mon annan en *full list of, list of cases* ki *before The Internal Affairs* dan nou *Audley Room*. *There's quite a bit* en. *Quite a bit of cases* ki manrmay pe travay lo la. Ankor enn.

Nou pe, nou pa *advertise* poudir gard in kondannen, Lapolis in pran aksyon disiplin ek li dan le sans *Internal Affairs* akoz sa viktim i la.

I deza la i konnen *what, what* ki *manner case* in ganny *dispose*. Nou pe organize anefe. *Internal Affairs* i lo bon semen. Mersi Mr Speaker.

MR DEPUTY SPEAKER

Mersi Mr Barbe. Onorab, Manm Elekte distrik Anse Etoile Onorab Romain. Mon zis swete ou kestyon pa'n ganny pran. *Go ahead*.

HON GEORGE ROMAIN

Mersi Mr Speaker. Bonzour Mr Barbe. Parkont enn de mon bann kestyon byensir in fini ganny demande. Be selman mon annan en kestyon sorti kot en Manm piblik.

I dir ek mwan koumsa Mr Barbe, i dir i okouran ki i annan bokou bann o zofisye dan Lapolis ki pe abiz bann zenn fiy, (en pti pe dan menm laliny avek Onorab Vidot son

kestyon), pe abiz bann zenn fiy.

Me selman sa enn, ler i pe abiz bann zenn fiy *sexuellement* sa bann zenn fiy pe ganny promosyon. Savedir i vin parey koman en *reward* mon kapab dir.

Alors si sa i vre Mr Barbe, mon ti a kontan ganny - ki *manner* ou pou *deal* ek sa sityasyon. Akoz i en pti pe tris en, sa sityasyon? I pa byen.

E mon dezyenm kestyon vitman Mr Barbe, nou tou nou konnen Lapolis zot bann transpor i pa dan bann bon leta e mon krwar i enn bann landrwa ki bokou transpor i ganny afekte.

Ki ou pou fer koman nouvo Komisyoner Lapolis pou ede, pou enn fwa pou tou, pou Lapolis kapab kontinyen konmsi pou kapab ganny bann pli bon transpor e *maintain* zot transpor dan en bon leta? Akoz fodre nou pa bliye ki sa i kout bokou larzan *taxpayers money*. Mersi Mr Speaker.

MR DEPUTY SPEAKER

Mersi Onorab. Mr Barbe.

AG COMMISSIONER OF POLICE TED BARBE

Mersi Mr Speaker. Mersi Onorab. Ankor en fwa mon, mwan, mwan pa pou tarde lo

la akoz si annan okenn ki pe ganny abize seksyelman, apre i annan en *issue* kot i ganny en promosyon. I pa dan mwan -fransman i pa dan mon konesans aktyelman la, mon pa konnen si in deza arive.

Me selman fransman i pa dan mon konesans. E si sa i leka nou pa pou tolere zisteman, *obviously* nou pa pou tolere.

Transpor Lapolis, i koute, i koute *fleet* Lapolis en i kout, i kout en kantite. I annan *over hundred, hundred something* transpor, 124 or so, transpor Lapolis.

E sa bann transpor i roul en kantite. Si ou demann mwan *fleet* i devret ganny *increase* akoz *usually* zot pou, zot pou dakor ek mwan. Nou pou dakor ansanm ki sa *shift*, ler i fini travay son transpor osi i devret *like as if* i pe al *off-duty*. Pou li demen ler sa *shift* i vini i rebran, e sa lot *shift* i annan en.

Mon konnen nou pa pe dir nou pou annan en dizenn, kenzenn transpor pour en Kordgard.

Me selman se menm transpor ki ganny *pass on to the other shift*. I ale koumsa, i ale koumsa, i ale koumsa. E bann transpor ki nou'n gannyen nou, nou, nou

remersi nou ler nou ganny en pti kado, me selman, ouswa nou ganny serten fasilite.

Me selman si i pa neserman *brand new*, pa neserman ki nou ganny en transpor *brand new*, i bann transpor ki'n ganny *recon*, e son *lifespan* i kourt avek nou. Kantmenm ou'n vwar li i nef ler in ganny premye mete, be ler in mont dan sa bann *secondary road* ouswa-

E *eventually* mannyer gard i *drive* osi. Mon pa poudir, mon bezwen met sa osi an konteks. I fer ki i ganny abimen an plis. I rent en kantite, i rent an plis e in deza pe marse oparavan, pe roule oparavan.

Kalite transpor, i pou kout nou en kantite tou. Akoz i pa neserman ki nou annan *the right* transpor pou nou aktivite *policing*, baze lo nou teren *and so on*.

Nou devret annan bann transpor en pe pli, *brand*, son *brand* en pti pe pli sa, son kalite. Me malerezman nou'n *end-up* avek sa ki nou annan la. E *COVID* osi ler nou ti pe fer dernyen, dernyen zafer avan ek Bidze nou'n *end-up* pran sa ki ti *available at the time*.

E nou ti, e nou *policing* sa ti pe ti *very demanding*, ou konnen. *COVID and everything*,

daily policing pa kapab separ li akoz i annan COVID. In *burden* nou en kantite in en, in en defi pou nou. In byen rent nou en pe.

Mon krwar sa ki nou annan la, nou a pran swen avek me i pa neserman i pou *last* i neserman pou *last long*. Mon krwar mon pe al dan sa laliny si mon'n konpran byen. Mersi Mr Speaker.

MR DEPUTY SPEAKER

Mersi Mr Barbe. Zot apersewar nou'n sot en pti pe apre midi. I reste nou trwa entervenans. Vreman nou ti ava apresye pou nou fini midi edmi, akoz i annan bann *Committees* ki pe zwenn avan 2er. Vitman mon ava pas laparol avek Onorab Monthy.

HON PHILIP MONTHY

Mersi Mr Deputy e bonn apre midi a tous. E felisitasyon Mr Ted Barbe pou ou nominasyon. Pti keston rapidman.

Eski ou satisfè avek travay ki sa bann *regional commander* pe fer? Setadir eski ou santi ki i napa en neserite pou re annan bann pti *substation*, parey distrik Cascade lontan mon konnen ti annan son kordgard ki pandan en pe lannen nepli annan.

Annandler ler *response*, ler ou annan en lensidan dan distrik i pran en pe letan. Ler i annan aksidan lo *highway* i pran en pe letan pou ganny zofisye Lapolis.

So eski dan zot plan a lavenir pou reentrodwir bann pti *substation*, ki swa i ava Cascade oubyen i a Pointe Larue selman *at least* i ava deservi sa de distrik? Mersi.

MR DEPUTY SPEAKER

Mersi Onorab. Mr Barbe.

AG COMMISSIONER OF POLICE TED BARBE

Mersi Mr Speaker. Bon *regional commander* sa bann travay ki zot a pe fer. Mon *commander*, en bon pe zot pou zot devouman. Zot bann linisyativ ki zot pran pou fer marse zot distrik e rezyon avek lekspektasyon *high expectation* nou, nou Manm piblik.

Nou annan en, nou annan en sosyete ki piblik i, zot ekspektasyon lo Lapolis i kantite, i o, i *very high*.

Anyway, nou *try* manrmay i *try* zot *best*. Lo size distrik Cascade ek Pointe Larue. Mon konnen Cascade ti annan son prop kordgard e *eventually* e i napa la. Si nou, i i en - Zot bann Manm ki la, bann Manm ki la zot tou, nou

tou nou ti a kontan annan en Kordgard dan nou, dan nou *area* non.

Se sa ki, e i soz nou en pti pe. Me ler nou dir en Kordgard dan nou *area* nou pe konsern en ta lozistik ki vin avek tou. E, e vin ek *manpower* avek *you name it and* nou bezwen fer li marse e fer si ki i annan sa striktir an plas.

Pou fer *police post*, nou a balans en pti pe, a lavenir nou a gete ki mannyer *policing* i ale la avek sa nouvo lapros ki nou pe pran. Kekfwa i kapab anmas sa bann lezot distrik ki napa Kordgard parey Au Cap ek lezot.

Nou a kapab anmas zot byen *blend zot in*, zot a form parti sa *deployment plan* ki pou annan, ki mon pa dir toultan nou pou la i kapab ler ou *call* zot pa la en kou.

Me selman *at least* zot ava, nou a fer marse byen sa sistenm *GPS*, pou nou konnen *whose around*, lekel ki pli pros eksetera, pou pour donn sa lasistans en pti pe pli *prompt* dan nou bann enterferans. Mersi bokou.

MR DEPUTY SPEAKER

Mersi Mr Barbe nou ava donn laparol *Chairperson* Komite Defans avek Sekirite Onorab Clifford Andre.

HON CLIFFORD ANDRE

Mersi Mr Speaker. Mr Speaker, premye kestyon ki mon ti a kontan demann Komisyoner ki ganny nominen pou pos Komisyoner se, letan i, ganny apwente Komisyoner konfirman par sa Lasanble, eski i pou pran lekspertiz bann zofisye *senior* dan Lapolis, ki egzistan, dan plas al rod bann probableman, parey nou'n vwar dan lepase bann *retired senior officers*?

E eski pou annan menm metod travay dan tou Kordgard dan plas annan serten ki pe travay en fason, dan serten Kordgard parey Anse Boileau e Anse Royale, e diferaman dan lezot?

Dezyenm pwen Mr Speaker se, mon, mon mazine sa kestyon kekfwa in demande oubyen in demann dan en lot perspektiv. Ki li koman nouvo Komisyoner Lapolis, (Onorab Cosgrow apre ou a koze)

Ki li koman nouvo Komisyoner Lapolis, i pou fer pour ki letan en dimoun *attend* en *scene*, letan en zofisye Lapolis i *attend* en *scene* i tret sa *scene* avek respe.

Akoz i annan de ka kot i annan manm lafanmir ki en zofisye Lapolis, me i pe *attend* en *scene*, kot son fanmir

involve prezan olye kalme sa sityasyon i plito agrav sa sityasyon, akoz li osi sa zofisye Lapolis i *get involve* dan sa bann sityasyon lo *scene*? Mersi.

MR DEPUTY SPEAKER

Mr Barbe.

AG COMMISSIONER OF POLICE TED BARBE

Mersi Mr Speaker. Mersi Onorab. Bon, mon a plito i enportan eksplwat sa ki, sa ki ou annan la. En nou annan bann *senior* ki, ki annan pa mal ki zot in la *for years* e zot annan en petet en kantite keksoz pou ofer. I pa vedir enn pti nide *from somewhere* pou ede pa vini, me se, pa, pa *welcome*, nou *welcome*.

Me mon garanti ou Onorab, mwan mon *make use of even* sa ki pli ba ki mwan *in terms of rank*. Lespri bann dimoun i annan, i varye lo ki zot *field*, ki zot domenn. Mon pran, mon koz ek bann gard en kantite. Mon pran en kantite nide *from down there* pour anmenn lo latab.

Avan mon'n vin la mon'n konsilte enn de dimoun, enn de gard. Ou konpran mwan? Zot - ou konpran? Mon anvi annan zot swe osi ou konnen.

Mon anvi zot, zot form parti dan, dan sa zafer la.

Apré bann gard dan diferan Kordgard, ankor enn fwa i ou *policing need*, dan ou distrik, kot ou annan dizon Baie Ste Anne Praslin kot i annan Cote D'Or i annan touris, eksetera i pou annan en lot *deployment*. I pou annan serten aktivite kriminel, kriminel ki kont bann, kont bann viziter. Nou konnen kwa nou menm, i pou annan en *deployment* petet en pe diferan avek santral en konprenezon.

Me tou gard i pe fer *what policing is all about*. Zot bezwen pe fer sa. Apré ler pou *attend scene*. Be gard i gard li, si i swiv son moto, son - i bezwen konpran poudir napa okenn fanmir ler ou pe rann en servis.

Ler pe rann en servis ou kouzen, preski ou kouzen ki pe bwar pe fer devergonde dan bor semen, ou pa pou anmas li. Si i annan *issue* avek ou papa ou pa pou met en lord ek li?

Be in the first place avan mon enterfer avek ou, mon frer ouswa mon ser, ou bezwen konpran poudir mon'n antre gard e ki mon responsabilite ki mon *duty*. E mon pou *deal* ek ou si ou fer en keksoz ki mal, be la ou pa byen ek mwan la,

ou anvi mon perdi mon louvraz.

Be zisteman bann gard ler zot *attend scene* zot bezwen montre *professionalism* ki'n ganny koz lo la depi bomaten *all along*.

Zot bezwen montre poudir zot en gard e zot pa triy pikan. Pa akoz mon fanmir mon pou donn zentere mon fanmir ouswa mon pou al met dife, mon pou al met dan soz petrol dan dife, pou fer alim pli for pou donn poum lezot mon bann lezot koleg gard. Nou pa kapab fer sa. Nou pa tolere annefe. Mersi Mr Speaker.

MR DEPUTY SPEAKER

Mersi Mr Barbe e finalman dernyen entervenans lo nou lalis, *Leader of Government Business*. Onorab Georges.

HON BERNARD GEORGES

Mersi Mr, Chair. Mr Chairman. Mr Barbe mon annan enn de pti kestyon pou ou mon pa pou tarde. Mon premye kestyon ki mon ti ekrir bomaten. Mon krwar ou'n fini reponn par lafason ki ou'n, ou'n reponn sa bann lezot kestyon.

E sa sete pou kestyonn ou, akoz i paret ki dan ou karyer an zeneral e menm dan ou *band* ki ou zwe, ou plito pran en rol siport, *supportive*

role. Ou zwe, ou zwe gitar bas ou *lay down* en *base line* e ou les lezot dimoun fer *the front work*. Ou, ou la dan en, dan en sityasyon sipor.

Eski ou, ou vwar en difikilte pou sorti la, dan sa sityasyon sipor i pou *take on leadership* en lorganizasyon parey lafors? Parey mon dir mon krwar ki nou, nou konn repons me mon ti a kontan ki ou, ki ou konfirman ki wi ou kapab fer sa tranzisyon.

De ou trwa, de ou trwa pti pwen ki mon ti a kontan zis tous lo la, ki deza ganny touse me mon ti a kontan avek ou permisyon si mon kapab Mr Chair *fine tune* sa bann keksoz.

Enn se, lo laspe Lapolis li menm, enn de dimoun in eksprim konsern ki lo nivo bann zofisye endividyel, i annan ki *look the part and acts the parts* e i annan ki pa *fit* dan lespri en dimoun. Par egzanp ou vwar en gard dan liniform avek en, en sak pwason oubyen en keksoz koumsa.

Ki manner ou, ou nou konpran ki dimoun kontrent annan de fwa ou bezwen *bend* en pti pe *rules*, pou ou kapab fer serten keksoz me ki ou lopinyon lo la?

Ou'n koz ou fek koz lo *police post*, mwan mon ti a kontan met devan ou en keksoz ki mon'n vwar resaman. Zapon par egzantp i annan bann pti *police post* ki dan en *container*. Kot i annan en pti biro devan en *shelf* deryer avek en *bunk* pou sa zofisyé.

E mwan personnelman, mon krwar dan bann kominote parey Les Mamelles *district*, Les Mamelles *Centre* ti ava bon, ti ava byen annan en pti *police post* koumsa avek en zofisyé ladan, pou *at least* montre en prezans.

E mon ti ava kontan sizere ki kekfwá si i annan kontrent larzan. Sa bann pti *police post* i kapab ganny *sponsor* par prive, par biznes prive. Parey *Eden Island* in fer pou *Marine Police* o bor pon Eden.

E finalman ou ti koz taler lo sityasyon ranforsi Lalwa kont bann abizer zanfan eksetera, e ou'n koz lo santans sever.

Eski ou konfirman, eski ou pare pou ou aksepte avek mwan, ki santans sever li tousel *is not an answer*. Akoz sa se ou pa *pass the buck* ou pe anvoy tou problem lo Ziz *rather than* prevansyon ki vin en kestryon *policing*. Eski ou,

ou dakor avek mwan ki se prevansyon ki vreman nou devret pe *focus* lo la *rather than* pinisyon? Mersi Mr Chair.

MR DEPUTY SPEAKER

Mersi. Onorab Georges. Mr Barbe.

AG COMMISSIONER OF POLICE TED BARBE

Mersi Mr Speaker. Mersi *Leader of Government Business*. Bann bon kestryon. Mersi bokou. Wi, ler mon'n dan lanmizik, mon'n mon ti osi benn *leader*, ki vedir mon'n ler mon ti dan laklas mon ti, ler mon ti dan Plaisance *Secondary* en konparezon mon ti ansarz laklas.

Mon ti en osi apard *teach* mon bann sa, mon ti annan laklas ki ti anba mon responsabilite, kot ankor en fwa mon ti pe montre en pti pe mon *leadership* dan laklas.

E *all along* mon'n zwe mon rol pou mwan rod mwan fason pou pran en pti pe keksoz anba kontrol. Souvan, enn ler mon dan *background*, me selman mon'n obzerve.

Me la mon an, an deor prezan. Mon pare wi, mon pare definitivman pou mwan *from* sipor sorti *from* sipor pou *lead*. E *quality* pou *lead* mon mazine mon'n *build* en pti pe

lo la *as* partou kot mon'n pase. Mon'n anmas sa bann leksperyans si oule.

Mon'n vwar fason fer keksoz diferan dimoun. E mon annan en fason fer li baze lo sa ki bann dimoun in donn mwan tou. Sa i enn.

Zisteman *regarding* mon'n koz lo la en pti pe boner, gard son *demeanour* i bezwen - En gard i bezwen *spick and span*. I bezwen dan son *uniform* lo son lipye. Gard dan *split* segonn i bezwen pe pran en desizyon.

Ou pa kapab avek *of course* en *rucksack* lo ou ledou. Ouswa, piti dan ou lebra e ou konnen poudir taler i kapab ariv en sityasyon la kot ou pou bezwen - ou pou larg piti ater ou pou tay avek i ariv en sityasyon vreman grav? Ou -

Gard i konnen sa li, ou pa kapab fer sa bann keksoz, mwan si ou demann mwan mon a plito asiste ou. Anmas ou piti ki mon pou les ou, aköz ou pa kapab dan ou *uniform* avek en piti dan ou lebra, ouswa avek *rucksack*, ouswa avek pake pwason *for that matter* dan ou lanmen ou pe sa. I pa kapab korek. Napa leskiz pou sa.

Mon ava ou ava ganny asiste aköz i annan en bon pe *single parent* dan Lapolis. Kot li sa madanm, ouswa mon pa

konnen les zonn i debrouy en lot mannyer, kot li sa madanm i annan, i annan en se li i annan en piti se li. Li ki pe *take care of* son piti pa zis enn de trwa, napa msye. E i annan pake pwason, i annan pwason pou anmennen, i annan piti pou al serse kot.

Be nou tant pou zwenn *half way* ler i koumsa nou, nou pa servi larzan *taxpayers* pou nou *convey here and there*, anmenn dimoun *whatever*. Be selman *welfare* en dimoun i enportan pou li fer sa louvraz *policing* osi.

I zis parey mon tann dimoun dir i anmenn son madanm dan transpor Lapolis i sa, ouswa i anmenn son msye dan transpor Lapolis. Be zot be sorti Anse Aux Pins i pe desann anvil, son madanm i travay anvil. Eski i son madanm i al lo *bus stop* i -? Mon pa dir ou ranpli transpor avek sa.

Me selman ou bezwen servi en pti pe diskresyon kot i pe i pou *drop* son madanm *on the way*. *Somewhere* kot i pe al travay. I pa pou al anmenn li Beau Vallon apre pou retourneren i travay Santral.

Me selman i annan en fason fer li osi. Mon pa pe ouver laport, me selman mon pe eksplike poudir *there are*

ways of doing it e nou bezwen konsyan ler nou pe fer li tou. Kot napa labi, napa nanryen.

Police post mon wi nou'n koz lo la en pe. E mon fransman depi ler Onorab Monthy, in fer sorti mon'n anmase e nou a gete ki mon konnen i pou annan en pe lozistik parey ou'n donn en nide se.

Mon krwar dimoun pou kontan, se sa dan *community policing* kot nou annan *private* dimoun, *private businesses*, bann dimoun i *join in*.

Akoz *private*, bann *businesses* i kapab annan *CCTV camera all around* e i asiste Lapolis ler i annan en krim in ganny komet par son *building* avek bann *fasilite camera*.

I kapab al asiste lapolis. In arive. Kot nou al demann *CCTV footage* pour serten krim ki'n arive e sa dimoun i donn nou. Akoz li i annan kapasite met *or* mon pa konnen mwan *highly*, bann zoli *camera* ki annan *high definition* eksetera.

I ed nou. Be apre mon *agree* avek ou wi. In zis mon'n sot lo sa bout *of course* mon'n sot lo sa bout santans. Me mon'n en pti pe *punitive* la. Me selman *of course* i annan sa bout kot nou dir ledikasyon i enportan, kot nou kapab al fer

bann program kot sansibiliz dimoun en pti pe lo krim kont zanfan.

Nou bezwen pa mazin zis pini parey Onorab ou'n dir mon apresye sa. Nou pe fer zisteman sa. E nou pou manifeste plis sa, *as we go along*. Mersi Mr Speaker si mon'n reponn tou.

MR DEPUTY SPEAKER

Mersi Mr Barbe. E *LGB* in fer mwan al regard sa zafer la bann *container van police station* i paret tre pratik, e kapab ganny mete dan bann diferan lokalite. Donk nou pou *adjourn* la pou nou rebran 2er aköz i annan detrwa Komite ki pe zwenn avan 2er.

I annan *IAC* ki pe zwenn 1er, e *ABC* i 1er en kar. Donk nou ava retourn dan, dan Lasanble. *Sergeant-at-Arms* i ava remet nou Lasanble.

E letan nou retournen 2er nou ava al dan - pou nou debat Mosyon lo propozisyon pou lapwentman Mr Ted Barbe".

Me avan nou ale zis vitman, parske i annan en Manm ki'n mansyonn zafer Lafet Papa ozordi. E pour piblik an deor pangar zot a krwar poudir nou pa pe donn lenportans bann papa, me solman personnelman mon

mwan tre konfize avek sa zafer *Father's Day*.

Akoz *there's no such thing anywhere International Father's Day*. Bokou pei apepre 80 pei ki zot fer zot selebre li trwazyenm Dimans dan mwan Zen. Ki anfen i pou tonm dimans ki vini zis parey *Mother's Day* toulezan, mon konfize aköz i annan Legliz Anglikan ouswa bann pei Nor Lanmerik ki selebre li en dat i fer li konfize.

So mon pou reste trankil lo sa zafer *Father's Day*. E finalman pour Mr Barbe en komanter ki mon le fer. Mon vremen apresye ou *attire* ozordi ki ou'n vin dan nou Lasanble, parski dan sizyenm Lasanble mon personnelman toultan mon ti fer sa pwen. E lot kote sa letan ti krwar mon arogan avek Lapolis.

Be mon pe ti pe zis demande ki Lapolis i annan en semiz lanmans long avek en kravats ki ler zot vin dan Lasanble zot mete e mon vremen apresye sa. Mersi.

(APPLAUSE)

MR DEPUTY SPEAKER

Donk nou ava *adjourn* e nou ava rezwenn 2er apre midi.

(BREAK)

MR DEPUTY SPEAKER

Bonn apre midi tou Manm Onorab. E bonn apre midi tou Manm piblik ki pe swiv sesyon Lasanble pou sa Merkrede nenport landrwa kot zot ete.

Donk nou prosen *item* nou pou pas lo, Mosyon pou lapwentman propozisyon lapwentman Mr Ted Michael Barbe koman Komisyoner Lapolis. Bomaten nou'n poz li kekyon e aprezan bann Manm pour debat. E ankor enn fwa mon pledwari kotidyen avek Manm Lasanble, *let us be mindful of time management*.

Nou annan ankor de endividi ki nou pou bezwen *interview*. Donk nou lentervansyon mon ti ava vremen demande ki i dan 3/4minit mon panse krwar nou kapab met en largiman an faver ou kont.

Donk annou *be mindful of this*. Ok donk nou pou zis ouver, ouver lasal pou deba. E nou ava envit premye entervenans Onorab Esparon.

HON REGINA ESPARON

Mersi Mr Speaker. Mr Speaker letan mon pe donn mon sipor pou sa propozisyon lapwentman Mr Ted Barbe koman Komisyoner Lapolis.

Mon ti ava kontan fer trwa pti komanter.

Premyerman mon swe parey i swe bokou dimoun e piblik an zeneral se ki nou vwar en lafors Lapolis ki profesyonnel e efikas.

Sa se aköz bokou dimoun in temwanyan diferan, a diferan lenstans dan lefase kot zot ti ava swete ki Lapolis ti a vin *deal* avek zot bann ka, dan en fason pli profesyonnel kot i pa'n leka. E sa malgre zot annan en *moto* ki dir "*Service without fear favor or ill will*". Ki nou vwar ekrir dan mazorite Kordgard ler ou antre.

E kot zot bann *core values* se proteksyon drwa sak endividi, travay dan enparsyalite dan lonnekte avek respe e dan dinyite.

En *moto* i bann endikater ki si tou zofisyè Lapolis i swiv ti pou fer bokou diferans dan servis ki zot donn piblik ki ti pou efikas e ganny apresye.

Mr Speaker o kour letan mon'n ganny en konpran rol e fonksyon Lapolis e mon avoue ki nouvo Komisyoner i bezwen revwar bann bezwen ki pou fer sa lafors vin pli efikas.

Ki swa lo kote resours imen, ou finansyel ou osi e osi lo bann program. E nou vwar an se moman i annan diferan

unit dan Lapolis e sakenn son program, plis ki *20 unit*. Eski zot tou zot pe vremen zot vremen enportan e nesesser pou donn sa bon servis oubyen i annan diplikasyon kot *2 unit* i annan menm fonksyon?

Mon kapab nonm enn de, nou enn de, nou annan *Service Detective Unit* ki responsab pou priyorite bann krim;-

Krim komersyal,
 Proteksyon zanfan,
 Biro Rikord Kriminel e
 Sipor Syantifik,
 Lakademi Lapolis,
 Lentelizans Krim,
 Sant Komann ek
 Kominikasyon,
 Seksyon Trafik,
Visible Policing, Zafer
 Entern,
Unit Responsab pou
 Lenspeksyon,
Unit Responsab pou
 Kordinasyon enn de,
 ANB Servis pou Lord
 Piblik,
Dog Unit,
Marine Police pou nonm
 enn de.

Eski pou annan en re aliman ou evalyasyon? Tousala i bann refleksyon ki kapab ganny fer pou ganny en lafors ki pli efikas. Lo lalit kont drog, eski zot pe anvizaze met an plas bann *border control* parey nou vwar dan plizyer pei?

Mr Speaker sa lalis i montre nou ki i annan striktir parey Mr Barbe in dir bomaten, ki an plas pou en bon servis parey piblik ti a ekspekte. Me ki parfwa pa neserman pe marse.

Eski sa striktir i merit retourn lo de baz, ki a lafen i montre ki lobzektif final se pou anpes krim e rezourd bann ka? Se sa la baz ki pou redres sa servis. E mon annan konfyans ki anba direksyon sa Gouvernman i pou posib, si nou bann zom e ek fanm dan liniform i ganny *empower* e ganny plis lankourazman e si sak zofisye i pran son responsabilite pli serye.

Dezyenmman Mr Speaker Komisyoner pou bezwen fer sir ki li menm ek son de asistan pe delivre e pa pe trenn lipye. Me ki zot reste vizilan lo sa ki pe pase pour ki bann lakizasyon labi, koripsyon, labi pouvwar kot bann gard i bat dimoun, fer malis fer lapreferans, pez *file*, zwe ek lanket eksetera i arete.

E aksyon neser i ganny pran pour ki sa bann defi ki pe kontinyen ronz sa lafors, e donn li en move non, move zimaz e pe fer piblik fristre e perdi konfyans i kapab ganny redrese.

Mon swe se ki bokou sa bann parol ki nou'n tann Mr Barbe prononse bomaten i pa reste zis parol, me nou vwar plis aksyon. Me parkont an dizan sa Mr Speaker nou bezwen osi dir ki i annan zofisye ki pe fer byen e pe delivre dan zot louvraz, nou bezwen apresye, rekonnèt e felisit sa bann zofisye, bann ki respekte, bann ki swiv byen zot kod etik ek kondwit e ki travay koman bann vre profesyonnel. E pou sa mon salye zot e dir zot mersi e zot annan nou sipor.

Trwazyenmman Mr Speaker, mon ekspekte avek sa nouvo apwentman dan sa nouvo letap se pou en vwar lafors ki donn sans e loportinite lo merit bann zofisye konpetan pou progresse, avek lankourazman e rekognisyon dan zot bann diferan Departman e seksyon ki zot in ganny poste.

Kot nou ganny en lafors ki valoriz travayer ki nou bann Seselwa pe fer e donn sans nou dimoun pou okip bann pozisyon kle e progresse dan zot karyer.

E pour sa arive lafors lapolis i bezwen anbark li lo en program atiran e progresiv ki pou donn lankourazman bann zenn pou zwenn sa profesyon.

Nou konnen ki sa i demann bokou disiplin e sakrifis. Alor nou bann zofisye i bezwen santi ki zot pe ganny rekonnèt e ganny valer pou sa devouman e zefor ki zot pe donner.

En bon *package* atiran an sa ki konsern *Scheme of Service* ki anglob tou. Tel koman:- lantrenman kontinyel bon lankadremman akademik e vokasyonnel, devlopman personnel eksetera i osi enportan pou retenir dimoun dan sa profesyon.

Mon espere ki avan, ki nou ava vwar bann nouvo laspe e kontribisyon ki ava ede transform sa servis ek sa lafors pou vin enn ki pli disiplin. E pli profesyonnel.

Kot bann desizyon pozitiv ki ava ganny pran, i ava dan lentere bann profesyonnel e osi dan lentere piblik. Kot Lapolis i ava annan respe pou piblik e osi piblik i ava annan respe pou bann zofisye. Akoz apre tou piblik pe ekspekte en servis de kalite kot i annan konfidansyalite.

Mr Speaker letan mon pe terminen enn bann premye latas ki mon ti ava kontan donn Komisyoner Barbe, se pou fer refleksyon lo sa ki'n ganny dir bomaten isi dan sa Lasanble.

E osi pou komans demars pour ki distrik Glacis i ganny en nouvo kordgard pou deservi nou zabitan. Enn kot bann zofisye i a kapab donn sa servis dan tou konfor e dinyite e non-pa kot zot pe travay dan lafreyer ki annan prezans malfeter dan kordgard.

Avek sa de mo Mr Speaker mon pou donn mon sipor pour sa lapwentman. Mersi.

MR DEPUTY SPEAKER

Mersi Onorab Esparon. En prezantasyon ki'n al pou 6 minit. Nou ava regarde si nou kapab fer li byen. Prosen entervenans Onorab William.

HON WAVEN WILLIAM

Mersi Mr Speaker. Bonn apre midi. Mr Speaker le 25 Oktob granmaten 2020 Sesel e pep Seselwa ti fer listwar anba lagras e faver Bondye. Pour sa ki pa ti oule krwar, me Seselwa ek en mazorite preske absoli ti sanz direksyon son desten, apre 43an kot dan lespri Seselwa ti demande annan en sanzman.

Mr Speaker wi nou ti tik anler pou en sanzman, sanzman ek lekspektasyon dan lespri pou osi vwar sanzman dan direksyon nou lafors sekirite, lord e lape dan Sesel.

Mr Speaker ozordi nouvo Gouvernman pe onor en lot bout e letap sa sanzman dan lapwentman en nouvo Komisyoner Lapolis.

Dan manifesto *LDS* komitman ki parti *LDS* ti fer ek pep Seselwa lo lafors Lapolis se. Mon *quote* Mr Speaker “Nou pou batir en lafors lapolis ki ganny respekte par tou dimoun ek profesyonnalizm a tou nivo sa lafors, kree kondisyon konparab ek lezot lazans pou nou atrakte sitwayen kapab e ofer en karyer lavi pou manm sa lafors.

Nou pou bezwen sa lafors vin proaktiv ver bezwen la kominote, nou pou donn sipor e gidans sa lafors pou konbat trafik drog e bann lezot menas tel parey *cybercrime*, eksplwatasyon bann miner.” *Unquote*.

Mr Speaker Prezidan in anvoy son nominasyon Depite Komisyoner Mr Ted Michael Barbe ki konmela ranplasan ex- Komisyoner Labonte ki'n pran son retrait.

Mr Speaker, Mr Barbe ki'n akimil konesans ek leksperyans dan lafors i prezan parmi plizyer o zofisye sa ki nou swete koman bann atou personnel dan en Komisyoner.

Bomaten nou'n pas en demi zournen pou nou

kestyonnen e rod leklersisman vizavi sa nouvo pozisyon enportan, ki setyenm Lasanble pou aprouve apre midi la.

Sa dan repetisyon, sesyon bomaten an siportan pou sa lapwentman. Mr Speaker o non distrik Grand Anse Mahé e lo non-pep Seselwa mon anvi met lanfaz ek nouvo Komisyoner e lafors Lapolis ki ek sa sanzman Gouvernman, legzizans e lekspektasyon pep Seselwa i o.

Mon'n ekout tou lapant repons Mr Barbe ki nou pou annan “*no more* lapros *business as usual*.” Ki byen.

Dezyenmman ki Mr Barbe i *handson* ek tou sa ki merit ganny fer pou redres lafors lapolis.

Trwazyenmman, e ki i pou vin en, en lapros i pou vin avek en lapros *proactive* dan *policing*. Lo non zofisye lafors Lapolis, dezyenmman mon anvi dir avek Komisyoner ki zot pe ekspekte en sanzman dan lapros *leadership*, dan lafors kot zot pou santi zot enportan pe ganny respekte, pe ganny ekoute e dan en fanmir e en tim ki fer zot fyer pou *être* manm sa lafors.

De lot kote ki bann zofisye a zot tour, zot donn sa nouvo lapwentman, tou zot sipor pou pep Seselwa sanz son persepsyon lo sa lafors ki'n

ganny denigre dan lepase. Nou pa pe swete ki ou pou vin fer mirak en sel kou.

Nou pou sivre ou direksyon ki ou pran nou pou veye kwa ki arive ek servis dan larezyon e dan kominote.

Nou pou vizilan lo lapros ki lafors i pran anver kolaborasyon avek distrik. Nou reste angaze pou donn tou nou soutyen, sipor kot nou kapab a labaz.

Sesel i anvi en lafors lord e lape ki proaktiv, disiplin, enformen e ki pe delivre. I annan ki pe spekile ki ou ti la e pa'n vwar sanzman dan lafors, i annan ki krwar dan ou abilite e kapasite pou dirize.

Mon asire ki Prezidan pa'n nomin ou akoz i kontan ou. Me in bezwen baze lo en evalyasyon profon konpetans. Nou ekspektasyon parmi bann zofisyte lafors se ki ou dirize e fer sa lafors lapolis ganny sa korperasyon e lapresyasyon piblik kot i konsern lord e lape dan pei.

An respektan Lartik 63(1) e Lartik 160(1) desizyon Prezidan Larepiblik mon pou aport mon soutyen a sa lapwentman. Distrik i annan plizyer sizesyon pour ranforsi sa *policing* dan kominote, ki enkli sirveyans lo lans, *nature*

trail bann estate e Komite an zeneral.

Lotorite Distrik i atann ek pasyans sa enteraksyon. Me annou vin ek solisyon, me pa vin vir otour problem kot finalman partisipasyon i perdi lentere.

An terminan mon oule salye bann fanm ek zonm dan liniform pou zot devouman sirtou bann ki'n pran retret. Mon pe aport mon sipor osi avek gran lekspektasyon. E mon osi komet nouvo Komisyoner e nou lafors Lapolis anba gidans, proteksyon nou Kreater. Mersi Mr Speaker.

MR DEPUTY SPEAKER

Mersi Onorab. Ou lentervansyon i 5minit, en minit an mwens ki lentervansyon avan. Nou kontinyen vwar si nou kapab fer ankor pli byen an term letan. Mon envit Onorab Doyace Porice.

HON DOYACE PORICE

Mersi Mr Speaker. Bonn apre midi a tous. Mon zwenn avek zabitan Praslin pou felisit en zanfan Pralinwa ki pe ganny propoze koman en nouvo Komisyoner *Police*, kot mon konnen i pou reisi.

Mon santi ki nou annan bokou profesyonnel ki sorti lo Praslin e Zil Pros, ki kapab travay pou nou pei. Nou pe ankouraz plis zenn pou zwenn ansanm avek bann profesyonnel pou ede fer nou zil, nou pei avanse.

Par kestyon ki mon ti demann Mr Barbe bomaten, ki i ti reponn mwan tre byen. E mon pou kontinyen viz ver sa kestyon pandan son, pandan son manda ki i pou travay.

Mr Barbe i en legzanp pou lezot lapolis ki'n vreman gard son parol e pou anmenn sa bon travay Lapolis.

Me, mon ti a kontan ki Mr Barbe i akord en latansyon spesyal pou ankouraz bann zenn sirtou lo Praslin pour zwenn lafors lapolis, akoz sa i pou anmenn en gran benefis pou nou, Pralinwa, pou Praslin e nou pei sirtou ek larive nou nouvo Kordgard Baie Ste Anne. Avek sa Mr Speaker mon pou vot pou Mr Barbe. Mersi.

MR DEPUTY SPEAKER

Mersi Onorab. Onorab Porice, aktyelman zis en minit sa prezantasyon. Fantastik. Onorab Aglae ou a kapab fer li dan segonn prezan.

HON EGBERT AGLAE

Bonn apre midi Mr Speaker. Mon a seye. Mr Speaker mon krwar sa lapwentman i en lapwentman enportan sirtou Mr Barbe ki mon konn li en pe mon osi, koman en patriot Sesel. E si konfyans pe ganny mete dan li se akoz ler mon'n get son CV, i en dimoun ki annan sa bann bagaz neseler pou li kapab deservi sa responsabilite.

E sa Mr Speaker mon krwar nou bezwen get pa zis sa zonn, me selman get sa lorganizasyon li menm ki enportan e son lavenir ki pe vini e kwa ki pep Seselwa pe demande.

E parey kestyon ki mon ti poze avek li ler i ti anndan isi. Mr Speaker pep Seselwa, i anvi vwar en Lapolis ki performan, en sistenm Lapolis kot ou kapab *trust*, ki i annan kredibilite e ki delivre lo en o standar.

E sa i en keksoz ki nou bezwen nou tou, akoz Komisyoner li menm li i pa pou kapab fer sa li tousel.

Zefor se annan tou mayon ansanm, pour li kapab e pour nou vwar sa lapolis ki nou anvi i arive. E desi de la Mr Speaker parey bokou moto Lapolis i *to protect and serve*, mon krwar i enportan ki sa i *sink in* dan okenn dimoun ki

anvizaze pran en karyer dan Lapolis ouswa ki deza dan lapolis. Pou ou protez imen e pou ou deservi li osi kan i bezwen zot servis.

E sa ki anmennen ki, i fer mwan rapel poudir bokou lenstans in annan bann diferan moto ki atase ansanm avek sa ki mon'n dir.

Par egzantp nou dir *police must be fiends of the people*. E si nou pou mazine pou nou kapab annan parey nou pti kominote Sesel i ptipti, Mahé sirtou, Praslin, La Digue. Kot nou kominote i santralize i konsantre, nou bezwen annan bann dimoun ki *friends* ek lapolis pou lapolis osi kapab fer son travay. E Lapolis i bezwen fer sa *vice versa* kot i osi, i bezwen vin zanmi avek piblik pou li kapab ganny lenformasyon e osi fer son travay.

E de la Mr Speaker mon vwar sa ki Mr Barbe i bezwen met antet se son lwayote, kote son lwayote i ete. Son lwayote primordial mon bon pou mwan e bezwen avek Konstitisyon pei e osi Larepublik Sesel.

Sa i son bann dimoun, nou bann sitwayen nou bann Seselwa. E sa i ava gid li, li menm li pou li kapab vin en Komisyoner ki pou vin egzantpler, ki pou bezwen

deservi baze lo drwa Konstitisyon i donn li.

Me non-pa i pou vin en, en dimoun ki pou ganny servi dan diferan fason pou fer swa faver ouswa, pour get dan diferan direksyon.

E si nou pe get lavenir, mon krwar i sa bann kalite Komisyoner ki nou bezwen vwar vini pou kapab *at least* relev nivo ki nou, nou ti a swete.

Mr Speaker mwan osi mon krwar i enportan osi pour Komisyoner kapab delivre i bezwen annan resours. E Lasanble nou vot lo Bidze, e nou bezwen apiye ki tou le lannen ler Bidze i vini, i enportan ki i ganny son resours.

Pa zis ganny larzan pou li al depanse, me selman i bezwen resours pou anmenn sanzman dan sistenm Lapolis e modernizasyon.

Enn bann eleman ki'n ganny met devan osi se ki manner nou anmenn bann lapros efikasite. Nou'n nonm teknoloji e ti refer sorti bann sistenm ki egziste modern ozordi ki kout larzan. Mon swete ki ler i pran sa lofis koman Komisyoner, i al fer en evalyasyon serye dan tou departman lapolis e vwar bann

mankman, kot i pe redwir efikasite nou servis lapolis.

E fer lodit, e met devan *Cabinet* e si fodre vin devan Lasanble osi avek bann siplemanter, avek menm si la nou en problem ekonomik.

Me a lavenir i enportan ki sa i ganny fer pou nou vwar sa sistenm Lapolis e a ganny son resours ki i bezwen pou li kapab delivre *timely* parey nou dir. E osi anmenn sa profesyonnalizm ki nou'n erite dan Lapolis.

E dernyerman Mr Speaker mon ti a kontan koz lo lenfrastriktir, lenfrastriktir nou konnen tou nou bann Lapolis, Stasyon Lapolis i bann vye stasyon ki date plis ki 20an, 30an pase. E nou santi poudir zefor osi i bezwen ganny mete ladan pou kapab anmenn *at least* en pti pe plis konformite e dinyite pou sa travayer ki pe travay dan Lapolis.

Nou konnen Lapolis i fer, i fer *shift* zot travay *night duty*, aswar ziska bomaten, e parfwa petet lizour i konvenab pou zot travay me aswar i pa *conducive* pour zot osi sa landrwa. So baze lo sa mon i osi nou bezwen get en pe ladan.

Nou koz bokou lo transpor sa eleman transportasyon menm si nou'n, i annan Manm in met devan

poudir i annan labi, i vre ki parfwa in annan labi.

E nou'n vwar osi ki bokou transpor lapolis i ariv serten negligans, i ganny graze e tousala nou bezwen met en lord akoz *taxpayers money*. Nou larzan ki pe peye tousala.

So Komisyoner i annan en latas devan li pou li kapab *at least* met en pe sa nivo *policing* ki nou, nou anvi pli o. E osi fodre pa bliye osi ankouraz sa bann zenn akoz larelev i enportan, me selman annou fer en larelev avek bann zenn ki enterese.

E nou bezwen donn *training* pou kontinyen. So avek sa Mr Speaker mon krwar i enportan ki nou annan nou en sistenm lapolis ki efikas, ki travayan, travay dir me osi ki konpran, konpran son dimoun.

E ler mon pe get Komisyoner Barbe *soon to be*, i en dimoun ki mon krwar i a konpran dimoun e mon pa *mind* met mon konfyans dan li. E si annan okenn keksoz ki mon bezwen demann li kestyon pli tar, i ava vin reponn devan sa Lasanble, avek sa mon ava dir ou mersi Mr Speaker.

MR DEPUTY SPEAKER

Mersi Onorab Aglae. Onorab Arissol.

HON SANDY ARISSOL

Mersi Mr Speaker. Bonn apre midi tou Manm. Bonn apre midi tou dimoun ki a lekout. Mr Speaker bomaten nou'n ganny sans enterakte avek Mr Ted Barbe ki pe aspire pou li vin Komisyoner Lapolis.

Nou'n ganny sans demann li plizyer kekyon setaki adres plizyer problem. Me selman sa ki enportan pou nou realize poudir letan nou'n fer resorti tou sa bann problem, nou bezwen osi pran kont poudir i annan plizyer zofisye Lapolis, bann Seselwa fanm ek zonn ki'n travay dan lafors pou plizyer lannen.

E zot in fer sa travay byen, onnetman e i annan ki'n pran zot retret e i annan ki ankor pe travay. Nou bezwen aksepte poudir letan i annan ki pe ganny kritike me i annan osi ki'n travay dan lafors onnetman.

Me sa ki enportan pou refer sorti se letan nou ti a pe enterakte avek Komisyoner, avek Mr Ted Barbe ki pe aspire pou vin Komisyoner Lapolis Sesel ou ganny plizyer mesaz.

Ou ganny mesaz ki dir ek ou poudir letan Mr Barbe pe dir poudir dan lafors i annan serten lord ki ganny arive avek bann zofisye, ou ganny en mesaz ki dir ek ou wi, i annan

zofisye ki ganny *deal* avek lo nivo administrasyon, i annan zofisye ki ganny *deal* avek lo nivo legal.

I annan zofisye ki ganny *deal* avek letan in fer komit en fot. Ou ganny dir poudir li dir ek son Sef i dir ek li get sa i preferab ou arete, nou pey ou tou ou benefis e ou al dan lakour.

Bann zofisye i santi poudir i annan sa antre zot. Letan nou pe enterakte avek Mr Barbe, ou ganny mesaz ki dir ek ou poudir i annan zofisye ki'n partisip dan kek vol. E mon'n ganny en legzanp ki mon'n ganny donnen masin bato. E ou aprann poudir i annan serten dimoun ki'n ganny arete, detansyon me i annan ki ganny les pase.

Letan nou pe enterakte avek Mr Barbe, ou ganny mesaz ki dir ek ou poudir ou annan zofisye ki'n bat son madanm, ki'n lager ek son madanm. Be li i kot li i pe al lo lan la. Nanryen pa ankor arive.

I annan tousala, mon pe fer sorti sa Mr Speaker parske sa ki nou, nou anv vwar Sesel, sa ki zabitan Bel Ombre i anv se en lafors Lapolis ki ganny respe lakominote. Nou pa kabab kontinyelman zis nou ganny bann Komisyoner ki vin

la devan nou, bann dimoun ki pe vin aspire pou vin Komisyoner, zot donn ou serten lektir, me apre sa ki zot delivre i diferan.

Nou tou sa ki nou anvi ozordi se en lafors Lapolis ki Seselwa i respe e nou donn zot respe. Zis parey ti ganny mansyonnen bomaten poudir ti annan, ti annan dan lepase dimoun ti per Lapolis. Parske nou ti annan sa respe. E sa i bezwen retournen.

E tou sa bann move konotasyon lo nou bann zofisyé fanm ek zonm ki'n kontan pou vin devan pou pran sa profesyon. Pou donn nou sa sekirite, pou travay aswar, pou travay dan bann moman difisil, menm konze piblik nou, nou bezwen montre zot respe e zot premyerman zot bezwen respe zot liniform e sa profesyon ki zot in swazir.

Mr Speaker ki dimoun Bel Ombre i anvi avek lapolis Sesel. Nou anvi zot konfyans. Nou anvi kapab annan konfyans dan zot. Parske letan ou annan bann sityasyon par egzant letan i arive kot bazar Bel Ombre bann dezord ki arive kot bazar Bel Ombre, nou annan plizyer bann dimoun, bann nanryen fer ki sorti Port Glaud, Pointe Larue, Anse

Royale, Takamaka, zot vin fer zot dezord dan nou distrik.

E sa i fer ki Bel Ombre tou le *weekend*, i annan en bal bobes, tou le *weekend* i annan bann tranzaksyon drog ki pase dan mon distrik Bel Ombre.

Mon anvi dir avek Komisyoner Lapolis si mon vot pou li pou vin Komisyoner, mon anvi kot bazar Bel Ombre i annan en lord! I annan sa bann fouter dezord ki sorti dan tou kwen Mahé, ki vin dan nou distrik fodre fer zot retourn dan zot distrik.

Fer zot dezord dan zot distrik, parske bann dimoun ki reste la i bezwen annan en sekirite, e en lape e en trankilite! Nou pa pou soutir personn ankor ki sorti dan zot distrik, lezot distrik ki vin fer dezord dan distrik Bel Ombre Mr Speaker, i enportan sa.

Parske ki mon pe dir ek konfyans parske souvandfwa letan bann zabitan i telefonnen i dir poudir i annan en dezord kot bazar. Lapolis i vini i dir be madanm entel ki ti telefonnen in dir nou dir zot sorti la.

La *MNA* Bel Ombre ki pe dir, mon pe dir tir tou bann fouter dezord o bor bazar, fer zot retourn dan zot distrik!

Mr Speaker letan mon lo sa pwen, i annan en *bus stop* la devan o bor bazar. Dimoun

Bel Ombre nepli kapab servi sa *bus stop*. Dimoun Bel Ombre i marse depi *Corsaire* ziska kot *Fisherman's Cove* pou li al pran. Parske sa *bus stop* in fini ganny *tenant* li. Zot fer nenport ki keksoz lo la, e zot fer sa ki zot anvi.

Alors sa ki mon anvi avek lapolis, se konfyans, pour ki letan zot ganny *phone call* zot ganny bann lord pou vin fer serten lord, met lape, silvouple gard konfidansyalite bann dimoun Bel Ombre ki telefonn zot. Pa bezwen servi non bann dimoun pou zot vin fer zot travay oubyen pou fer lezot keksoz.

Mr Speaker trwazyenmman e mon dernyen pwen, nou anvi en Lapolis ki efikas. Akoz mon anvi en Lapolis ki efikas? Parey in ganny dir, dan lepase i annan plizyer keksoz ki'n arive kot lapolis e nou, nou pa anvi sa i ariv ankor.

Mon kontan letan Komisyoner in donn en pe latansyon lo *child protection* ki li in dir in travay en pe avek. Ou konnen i annan en leokri ki mwan mon kriye toultan dan Lasanble Nasyonal. I annan en *advert* ki dir lo radyo ek televizyon ki mon kontan repete e mon pou repet ankor. Sandy Arissol in perdi i annan

en semenn in ale, silvouple sa ki vwar li pran kontak avek Kordgard pli pre oubyen son paran lo tel nimer. I kriye lo radyo, televizyon sa.

E apre sa nouvel, sa bout lenformasyon ou konnen ki zot dir "I en lofans pou ou *harbor* okenn zanfan anba laz". Mr Speaker ou konnen ki arive letan Sandy Arissol i tournen, zis *SBC* i monte i dir Sandy in tournen e sen e sof, e i kot son paran.

Letan Mr Ted Barbe i dir i enteresan avek *child protection* e i ti dan sa tim li. Be kekyon ki mon demann mon lekor eski Lapolis i rode kote Sandy Arissol ti ete, koman en zanfan anba laz. E lekel ki ti pe *harbor* li? Pou nou kapab *deal* avek sa bann kalite dimoun ki kontinyen soutir piti zot kanmarad ki napa laz, devan zot laport pou en semenn, trwa zour oubyen e mwan.

Se sa ki fer mwan anvi en lapolis efikas. Mr Speaker mon anvi en Lapolis efikas parske letan nou dan Lasanble Nasyonal, la anba nouvo Gouvernman nou'n vini nou dir i annan bal dan simityer, i annan vol ki'n pase kot *SBFA*, i annan \$50milyon ki'n perdi, i annan tel larzan ki'n perdi. Eski zis nou pou vini dan Lasanble nou pou koz lo la?

Be letan ou koz avek ACCS i dir ek parfwal Lapolis. Letan ou al Ankour ou koz ek bann Avoka zot dir ek ou bann levidans ki'n vini. Mwan sa ki mon pe demann avek Mr Ted Barbe ki pe aspire pou li vin Komisyoner Lapolis, pou zot donn en pe plis korperasyon ACCS.

Donn en pe plis korperasyon avek *Attorney Zeneral*, donn en pe pli korperasyon dan bann lenvestigasyon ki zot fer, pour ki bann *case* ki pe trennen, bann labi ki'n arive, bann vol ki'n arive dimoun Bel Ombre i anvi vwar aksyon.

Dimoun Bel Ombre in fatigue tann koze, me dimoun Bel Ombre i anvi aksyon. Alor mon pe demann avek nouvo Komisyoner ki a ava ganny vote dan en pti moman pou li met plis zefor, An relasyon avek bann lanket, bann lenvestigasyon ki pe arive isi Sesel an relasyon avek bann keksoz, ki nou dan Lasanble nou'n koz lo la e ki nou tou nou an faver poudir bann keksoz pa ariv ankor.

Mon rapel letan mon ti lev size kot *PUC* an relasyon avek kab, Mr Morin ti asir nou poudir wi, in met sa dan lanmen lapolis pour ki lapolis i kapab *deal* avek.

Alor i annan plizyer nou ki kont lo lapolis pou fer serten travay pour ki nou pei, i vin en pei ki trankil, dan lape, sekirite kot tou dimoun nou kapab viv byen ansanm.

E mon anvi dir avek Komisyoner, avek Mr Ted Barbe poudir i ankor annan en pe rasanbleman ilegal dan distrik Bel Ombre. Menm apre ler laboutik in fermen, i annan *still* dimoun ki kontinyen rasanble pou pase e pou fer sir ki nou tou nou pe onor Lalwa ki'n ganny met devan nou par Lotorite Lasante.

Mon dernyen pwen Mr Speaker mon ti a kontan fer lo la, mon ti a kontan demann avek Mr Ted Barbe, si zanmen e taler mon asire i pou vin Komisyoner, nou pou siport li pou sa nominasyon, mon ti kontan ki i lyez ek bann pei kot li in al fer serten kour, bann pei kot li in travay avek Mr Speaker, pour li gete si nou pa kapab ganny donasyon.

Mon pa konpran, akouz Sesel nou koman en pti pei, nou set distrik ki baliz avek lavil, nou pa ti a kapab kouver avek *camera*. Parey bann gran pei lemonn avek bokou plis dimoun.

Mon pa konpran akouz depi La Rivière Anglaise ziska le Mamelles, nou ti ava napa

en sistenm *camera* omwen dan lavil, bann distrik baliz ek lavil ki ganny kontrole, *manage*, sipervize par Lapolis Sesel pour ki omwen nou lavil, i ava en lavil an sekirite pou nou bann sitwayen, pou nou touris e pou tou dimoun ki servi sa.

Avek sa detrwa mo Mr Speaker mon ti a kontan reasir Mr Ted Barbe ki lo nou kote *as LDS*, e mwan koman Sandy Arissol nou pou donn li *full* sipor, avek en bi poudir nou vwar en keksoz diferan dan lafors Lapolis. Me pa *business as usual*. Mersi bokou Mr Speaker pou sa detrwa mo.

MR DEPUTY SPEAKER

Mersi Onorab Arissol. Onorab Pillay.

HON SEBASTIEN PILLAY

Mersi Mr Speaker. Bonn apre midi tou koleg Onorab. Bonn apre midi tou dimoun ki pe ekout nou. Mr Speaker pandan, sa, sa lazournen nou'n fer en legzersis kot nou'n enterakte ek sa dimoun ki pou vin, ki pe aspire pou vin Komisyoner Lapolis.

E ki rol Lasanble Nasyonal dan sa enteraksyon, se Lasanble Nasyonal i annan en rol konstitisyonnal pou li decide si i pou aprouv

nominsasyon Mr Barbe oubyen non.

E sa i pa vin baze lo *whether* krwayans politik Mr Barbe i tel kwa fason. *Whether* mon kontan Mr Barbe personnelman. *Whether* i annan lezot, lezot, lezot, lezot faktor ki mon le konsidere. Me i vin plito lo konpetans e abilite sa dimoun pour li kapab fer sa louvraz.

E se sa ki nou bezwen mazine toultan an relasyon avek tou bann apwentman ki pou vin devan ozordi, pou vin devan nou demen. Sa bann apwentman pa zanmen baze lo en pwennvi personel, me i baze lo en pwennvi profesyonnel pou vwar si nou pou ganny sa dimoun ki sipoze fer sa louvraz dan en fason pli profesyonnel, dan en fason pli kredib.

E dan en fason kot sa dimoun pou delivre lo lekspektasyon ki Lepep Seselwa i annan. *Ceci dit* Mr, Mr Speaker i enportan pou nou osi note, ki annan plizyer konsern ozordi, eksprimen atraver plizyer medya, atraver plizyer dimoun pandan letan ki nou'n fer sa enteraksyon avan ki nou fer sa enteraksyon.

E probableman apre ki nou'n annan sa lenteraksyon e sa desizyon ki Lasanble pou

pran lo lapwentman nouvo Komisyoner Lapolis.

Sa bann konsern pou vin atraver diferan fason. Mon asire la anndan i annan bann *MNA* pandan letan ki bann enteraksyon pe pase, in resevwar bann mesaz, bann teks, zisteman parey entervenans avan mwan in fer referans avek, kot sa bann dimoun in koz lo plizyer keksoz.

Ladan i annan endividi, sivilyen ki'n koz lo sityasyon ki'n pase dan zot distrik, me i osi annan zofisye Lapolis ki menm kontakte Manm Lasanble enkli mwan menm, pou demann nou pou demann tel keston lo tel size, oubyen pou adres tel sityasyon.

E mwan mon krwar Mr Speaker sa i en keksoz ki koman en Nasyon nou bezwen komans travay pou nou amelyore. I bezwen annan en fason pou en polisye ki annan en *grievance*, pou anmenn son *grievance* devan, san ki i santi poudir ki i pou ganny targete.

E mon krwar rezon aköz lamazorite sa bann dimoun i fer li, kot zot kas sa ki ou apel zot *chain of command*, ki sipoze egziste, se aköz zisteman zot napa konfyans dan zot lafors, zot napa en konfyans entern dan zot lafors, ki si zot anmenn

zot konsern i pou ganny adrese dan en fason ouver, dan en fason transparan, san ki annan okenn *reprisal* ki ganny fer kont zot.

E si i annan en keksoz alors, premye keksoz mon pou demande ki sa nouvo Komisyoner i *tackle*, se zisteman sa. Pa neserman konfyans piblik anver lafors dan en fason eksternel, me en konfyans ki sipoze egziste anndan.

En *self-respect* ki lapolis li menm li i bezwen anndan. Ki sak zofisye Lapolis ki met sa liniform lo li, bomaten ler i desann pou al travay, i konsider sa liniform koman keksoz pli sakre ki kapab annan a sa moman apard ki Gran Met.

Se sa ki nou bezwen rode. Nou pa kapab *afford* pou nou vwar zofisye Lapolis dan sa liniform oubyen pandan moman ki i pe servi sa liniform, pe zour en manm piblik. Nou pa kapab *afford* pandan moman ki en zofisye Lapolis pe fer son travay, swa i *undercover* dan en lot fason, pe redi en manm piblik, pe trenn li e *video* pe ganny filmen, pe ganny sirkile partou lo rezo sosyal.

Lapolis in koz lo etabli *bodycam*. Mon demande, mon

demande, mon fer en demann senser anver Gouvernman aktyel pou rod tou resours neserer pou *provide* sa bann *bodycam* swa lo en baz pilot. Kot bann zofisyè Lapolis i ava annan osi en fason pour nou *corroborate* sa ki'n ganny vwar atraver sa bann *video* ki ganny filmen, kan en dimoun pe ganny arete oubyen kan en lapolis pe fer son travay.

Sa ki mon pe fer la se ki mon pa pe blanm lafors Lapolis. Me i toultan annan serten zofisyè ki pare oubyen ki fer serten aksyon konsyaman ou swa enkonsyanman, ki sa bann aksyon apre i anmenn reperkisyon lo lafors an zeneral.

E ki la tou dimoun i komans zeneralize, lafors Lapolis Sesel i en lafors ki nou pa kapab kont lo la.

So sa i premye keksoz ki mon krwar nou bezwen komans adrese, nou, nou bezwen komans travay lo la. E in annan en kantite zefor ki'n ganny fer par tou bann dimoun ki mon mazine ansar Lapolis dan lefase. E mon remersi tou sa bann dimoun ki'n travay pou fer sa.

Be si i annan en dezyenm keksoz ki bezwen ganny adrese osi, se lefe ki nou koman

politisyen, nou osi nou bezwen zwe nou rol dan en fason serye. Nou pa kapab annan politisyen ki vini toulezour ki fer lakizasyon, ki fer alegasyon, san ki nou *provide* sa bann levidans, oubyen san ki nou gid Lapolis pou li kapab azisteman fer sa travay ki anvi fer.

I bezwen arete. E se nou ki detrir konfyans piblik eksternel lo Lapolis. Se nou ki detri nou bann lenstitisyon par lefe ki parfwa pou nou ganny gen politik mon pa pe, mon pa pe *single out* person.

Parfwa pou nou ganny gen politik nou servi bann lensidan ki'n arive kot, par egzant en polisye i kapab in aret en dimoun, me ler nou prezant li nou dir en ta dimoun in ganny arete par sa menm dimoun, dan en fason ki pa devret ganny arete.

Zeneralizasyon i en keksoz ki'n kout nou lafors Lapolis ser, i en keksoz ki arive plizyer fwa dan nou sosyete. E i pa zis lapolis ki ganny afekte avek sa. Nou menm nou koman Manm Lasanble nou ganny afekte avek sa, aköz si ou pa pran *call* en dimoun, sa dimoun i kapab ale e dir ou pa pran *call* tou dimoun ki *call* ou.

E sa zeneralizasyon ki pe detri nou bann lenstitisyon

Leta. E nou koman Seselwa nou bezwen aprann sanz nou latitud. I pa aköz en zofisye lapolis in fer en keksoz *somewhere, somehow*, ki ozordi mwan mon pou fer mon desizyon baze lo sa ki Mr Barbe in prezant devan nou lo sa ki ou pe dir mwan.

Sa i ou pwennvi. Mon pa ankor tann pwennvi advers, ki en lot dimoun i kapab annan. So sa i en dezyenm keksoz ki mon ti kontan, mon vwar ganny adrese.

En trwazyenm eleman ki mon konsidere i ekstrememan enportan, se sa eleman kot lafors Lapolis i bezwen pare pou li pran aksyon, me osi i bezwen fer li dan en fason pli, mon servi sa term dan en fason tre reserve pli entelizan.

Nou pa kapab ekspekte ou anvoy trwa oubyen en zofisye madanm pou aret en gro msye byen plen, byen gra, pou kapab met li anba kontrol dan en landrwa. Eski i fer sans? I bezwen annan resours ki ganny deplwaye *proportionate to sa threat* ki ganny prezante par sa dimoun, oubyen sa sityasyon.

E mon krwar sa i en keksoz ki nou bezwen, ki nou bezwen travay lo la osi pou nou fer. E dan sa konteks i demann, en keksoz entern ki

arive lo preparasyon e planifikasyon servi resours ki Lapolis i annan.

Mon asire ki dan sa Lasanble tou Manm ki la i ava annan en legzanp pou donner, lo en size parey kot zot in vwar dan bann letan kot dimoun in demann lasistans Lapolis. Zot in vwar ki sa deplwayman resours ki'n vini, sa resours pa adekwat pou *deal* avek sa sityasyon.

So sa i enn bann keksoz ki nou bezwen regarde pou nou kapab adrese. Aköz si nou pa fer sa nou pou ankor annan sa menm deba ler pou annan en lot apwentman Komisyoner par en lot Lasanble, dizon la dan 10an, 30 ankor. *Until* ki mon krwar nou kapab devlop *cyborg* e bann *robots* pou kapab vin, vin bann polisye.

E en katriyenm pwen ki mon santi i pertinan ozordi pou nou koman Lasanble, se pou nou regard osi ki koman en pep, nou'n evolye e nou latitud in sanze. Nou pe devlop bann tandans, bann mers, bann pei ki bokou pli devlope aköz lafason ki nou stil lavi i sanze.

Nou pa pou zanmen kapab ekspekte tou nou bann zenn ki sorti lekol pou salye en zofisye Lapolis.

E mon krwar sa ki, mon apresye dan sa ki Komisyoner Barbe in dir se ki, sa tandans pou nou krwar se ki ou annan en lapolis diktatoryal i pa en keksoz ki pou zanmen retournen, i pa pou zanmen arive dan nou pei ankor.

Me la kot i vin en rol, ki nou ki Lapolis li menm li i bezwen pou annan en langazman ver piblik ki pli, ki pli prononse. I bezwen annan en fason *interface* ek Lapolis, ant lapolis avek piblik ki pe prononse.

Lapolis i bezwen prezan dan bann lekol kot i annan bann *talks* ki pe donner dan en fason regilye. I bezwen prezan dan bann lenstityon skoler kot nou pe form bann zanfan, pou li kapab enform bann zanfan lo ki rol en zofisyè Lapolis. I bezwen osi travay lo annan bann *spot* televize kot zot pe koz lo *crime stoppers*.

Pandan letan Nwel, parey ti annan en pti *advert* en *advert* ki dir " Si ou bwar pa dray" eksetera. Me annan bann legzanp, montre bann portre bann dimoun ki'n pas dan bann aksidan.

Akoz si i annan en keksoz ki mon krwar i manke se ki nou pa kapab ekspekte toultan en mo pou servi Mr, Mr non Mr Toussaint la aköz se li ki port

parol Lapolis. Kot nou vwar zis Mr Toussaint i vini, i eksplik nou ki'n arive pou sa zour *and then* fini, *basta*, nou pa tann ankor nanryen.

Mon krwar se sa ki nou bezwen sanze. Sa lapros i bezwen ganny sanze pour ki i annan en proaktivite adisyonnèl, ki ganny anmennen pour ki nou kapab vwar en lafors Lapolis ki vin pli pre avek kominote.

So an konklizyon Mr Speaker, mon pou zwe mon rol koman en Manm Lasanble kot mon pou regard sa lapwentman lo son merit. Lo son merit ki sa dimoun ki'n prezant devan nou lo sa ki'n diskite devan nou.

Mon konnen i annan bokou dimoun ki petet i ava annan en lopinyon diferan. Me si ou lopinyon diferan, ou bezwen kapab pas ou lopinyon diferan e eksplike aköz ou annan en lopinyon diferan.

Sa ki mwan mon konnen i se ki pou donn loportinite en dimoun, en zanfan Sesel pou li kapab pran en rol enportan dan nou pei. E sa ki nou bezwen fer osi se ki nou bezwen donn li tou sipor posib pou li kapab delivre dan sa rol. I kapab ozordi mon tann nou tou ki la nou pe koz laglwar, lo Mr Barbe.

Me fotespere demen ki ler nou *constituent* i vini i dir nou Gard aret li, en Polisye aret li. Se pa nou menm ki pe *call* Mr Barbe pou demande akoz in aret tel dimoun. Me pou plito *let justice take its course* e pour nou les lazistis pran son lakour dan lafason ki i devret ganny fer.

E pou nou ekspekte, ekspekte ki en pli o standar i ganny *maintain* par tou dimoun ki dan lafors e par tou zofisye ki dan liniform.

Mr Speaker mon le swet tou dimoun, tou fanm, tou zonn ki dan liniform ki pe travay e nou konnen pandan sa letan difisil ki nou pei in pas ladan avek *COVID*, travay ki zot in bezwen fer.

Mr Barbe li menm li in *involve* ek sa travay;- plizyer zofisye Lapolis, bann ki pa'n ganny *leave* pou retourn se zot, bann ki pa'n ganny sans pran konze;- bann ki bezwen fer *double sift*. Nou tou nou konnen ki kantite zefor zot in mete, difikilte ki zot in gannye avek nou menm nou Kreol, ler i dir nou met en *mask* nou pa kapab mete.

Difikilte ki zot gannye avek nou menm nou Kreol, ler i dir nou pa groupe parey entervenans avan mwan in koze, ki ler Lapolis i pas dan sa

bor, nou tou nou taye e nou al lo lot bor nou al asize pour nou groupe ankor.

Mr Speaker, sa ki mon annan poudir Seselwa se ki, si nou menm nou, nou pa fer en zefor pou annan respe, met konfyans dan lafors l'apolis pou li mentenir lord ek lape. Si nou menm nou pa fer en zefor pou nou met lord ek lape ek nou lekor. Ki mannyer nou pou ekspekte Lapolis kapab fer li pou nou?

En kantite keksoz i komans avek nou. E mwan mon swete e mon pou fer mon mye pandan letan ki mwan mon dan Lasanble ki Lapolis i a ganny resours adisyonnèl, resours adekwat pou li kapab delivre lo son travay.

Mon remersi ou Mr Speaker e mon swet Mr Barbe depandan lo desizyon ki Lasanble Nasyonal i pran, tou le meyer dan son karyer. E mon swet tou zofisye dan lafors, en bon lazournen e en bonn, bonn fet Konstitisyon.

Akoz nou pa pou zwenn Lasanble e le 18 Zen pe aproz e mon konnen le 18 Zen zot pou pe travay, i pou en konze piblik me zot, zot pou pe travay, zot pou annan en rol enportan pou zot zwe. E mon remersi Lasanble pou son latansyon Mr Speaker.

MR DEPUTY SPEAKER

Mersi Onorab Pillay. Aprezan mon pou pas laparol avek loter Mosyon Onorab Georges pou son *summing-up*.

HON BERNARD GEORGES

Mersi Mr Speaker. Mr Speaker mon ti a kontan remersye tou bann Manm ki'n entervenir lo sa Mosyon depi bomaten. E sirtou remersye tou bann Manm ki'n demann kestyon avek nou kandida. Mon ti a osi finalman, remersye Mr Barbe li menm li *Compol designate* pour letan ki akord nou e pour lafason ki'n reponn tou nou bann kestyon dan en fason egzantpler.

Nou'n ganny tou lenformasyon ki nou ti anvi konnen e i pa'n *shirk* okenn bann kestyon. In pare pou aksepte, defayans kot i annan. E nou tou nou konnen dan tou lenstitisyon, Lapolis pa en leksepsyon ki annan defayans. Me in osi pare pour siport son lafors.

La kot i fer byen parey nou tou konnen, nou tou nou konnen lafors i fer tre bon travay dan bokou ka, ki kekfwa nou, nou pa realize.

Weekend, lapli, soley, aswar, lizour ler en dimoun i in ganny trouve dan en lakaz kot

in mor depi detrwa zour, se pa nou ki al tir lekor, se bann zofisye Lapolis ki la.

Se zot ki bezwen *deal* avek bann vwayou dan nou distrik respektif, bann dimoun ki pa anvi swiv Lalwa.

Se zot ki ler zot met en dimoun an konsiny, lasyet manze avek lanmok delo i *end-up* lo zot liniform. Nou konnen tousala, nou tou nou'n viv sa bann leksperyans.

E mwan mon ti a kontan, malgre ki nou pa pe koz lo Lapolis ozordi, mon ti a kontan lo mon par remersye sa bann zonm ek fanm dan lafors, ki'n profil bann lannen devoue zot lekor pou zot pei.

Me sa ki devan ou ozordi se en zonm, si nou latas ozordi se pour deside si nou pou vot an faver propozisyon Prezidan Larepiblik pour li nonm Mr Ted Micheal Barbe koman prosen Komisyoner Lapolis.

Mwan mon'n anmenn sa Mosyon e nou tou nou'n koz lo la. Sakenn in ganny en sans dir detrwa mo, oubyen demann detrwa kestyon e mon krwar ki dan nou lespri kolektif nou napa okenn dout ki Mr Ted Michael Barbe i sa dimoun, ki devret vin nouvo Komisyoner Lapolis e se li ki apartir son lenvestitye pou pran sa tit *Compol*.

Mr Speaker mon krwar nou tou nou'n enpresyonnen par fransiz, liminite sa msye ki'n vin devan nou ozordi. Se en msye ki'n annan en gran parkour dan Lapolis e ki'n anmas en kantite leksperyans dan bann diferan brans lafors par lefe son parkour.

E mon krwar se sa son pli gran bagaz ki donn li sa posibilite pou li vin Komisyoner Lapolis e sa nesesite pou li vin sa Komisyoner apartir son lenvestitir.

Set en msye ki'n matir dan lafors. Set en msye ki *smart*, e se en msye ki annan bon konportman. Sa se bann keksoz ki nou anvi dan sak zofisyè Lapolis. E i annan an plis ki sa e se sa ki mon kontan avek Mr Barbe, se ki i en *well rounded person*, parey nou dir an Angle. I pa zis en zofisyè Lapolis me i osi en artis, en mizisyen ek en ansennyen.

Donk i annan en gran leksperyans an deor lafors Lapolis ki kapab, ki pou kapab, ki pa pou kapab fer otreman ki ed li dan son parkour e dan son karyer. Set en msye ki konn son rol.

Atraver bann repons ozordi ki'n donn sa kantite kestyon ki'n ganny anvoye lo li, in montre nou sa. I konnen kot

i ete, ki sa ki i bezwen fer e ki sa ki i pa bezwen fer. E i annan en plan pou lavenir, in pran letan o komansman son prezantasyon ozordi pou donn nou, pou devwal en pe sa plan dan lavenir.

Me in osi an *quelque sorte* en leponz ki'n abzorbe bann lide ki nou'n anvoy lo li. E ki pa'n dir, parey nou ti ava ekspekte par en dimoun ki'n annan en karyer parey pou li "gete mwan konn tousala zot, zot ki zot konnen dan lafors?"

O kontrè in *engage* avek nou e in dir nou, in annan liminite pou li aksepte e dir nou. "Ar sa set en bon lide ki nou ava kontinyen regarde si nou kapab, si nou kapab fer."

Alor Mr Speaker mon krwar *choix* Prezidan Larepublik se en bon swa. Mr Barbe i annan en gran defi devan li. Me mon konnen ki i ava annan sipor, me pa lenterferans ladministrasyon Prezidan Ramkalawan.

Aprè midi la mon krwar sa ki nou kapab demann avek Mr Barbe, se *uphold* lafors si e kan i ganny nonmen, e kan i ganny apwente. *Uphold* lafors, e kontinyen met lafors devan li toulezour. Dan en fason ki *leading from the front* i ava kapab anmenn tou sa bann zonn ek fanm ki dan lafors,

pou *attend* sa lobzektif ki nou, nou ti a swete e ki li in promet nou i pou delivre.

Dan en fason ki lafors ava vin lafors konpetan, en lafors ki enspir respe, en lafors ki endepandan me ki kolabor avek bann lezot Lazans dan pei pour ki a lafen son manda i a kapab regard an aryer e dir prezan mon kapab ale akoz dan mon letan a latet sa lafors mon'n kapab fer en diferans.

Avek sa detrwa mo Mr Speaker, mon ti ava *réitére* nou sipor pou Mr Barbe e dir avek Prezidan nou pou vot pou son swa ozordi. Son lapwentman propoze pou ganny la probasyon sa Lasanble. Mersi Mr Speaker.

(APPLAUSE)

MR DEPUTY SPEAKER

Mersi Onorab Georges. Donk avan ki nou pas lo vot pou sa Mosyon mon a zis relir.

In accordance with Articles 63(1) and 160(1) of the Constitution, this Assembly approves the proposed appointment by the President of the Republic of Mr Ted Michael Barbe as Commissioner of Police.

So tou bann ki an faver, endike silvouple? Okenn Manm ki kont? Donk lo Mosyon ki

nou'n fek pran vot lo la. Lo propozisyon pou lapwentman Mr Ted Michael Barbe koman Komisyoner Lapolis i annan 31 vot an faver, okenn Manm pa'n vot kont e okenn Manm pa'n *abstain*.

Donk sa Mosyon in pase e lapwentman msye, propozisyon pou lapwentman Mr Barbe koman Komisyoner Lapolis in ganny aprouve par Lasanble Nasyonal.

(APPLAUSE)

MR DEPUTY SPEAKER

I 3 minit apre 3er. I annan ankor 2, nominasyon pou Lasanble Nasyonal Sesel konsidere. Donk mon ava envit *LGB* pou prezant prosen Mosyon.

HON BERNARD GEORGES

Mersi Mr Speaker. Mr Speaker nou dezyenm Mosyon lapwentman ozordi i pou en Lanbasader pou Sesel e Mosyon i lir :-

In accordance with Articles 63(1) and 64(1) of the Constitution, this Assembly approves the proposed appointment by the President of the Republic of Mrs Anne Lafortune as Ambassador.

Mr Speaker, mon prezimen ki nou pou swiv

menm prosedir ki bomaten. Ki mwan mon ava donk propoz sa Mosyon parey mon'n fek fer la. Mosyon ava ganny segonde e apre mon ava propoz en Mosyon ki nou al, ki nou antre dan *Staz Committee of the Whole Assembly* pou nou envit madanm Lafortune. Mersi.

MR DEPUTY SPEAKER

Mersi Onorab Georges. E, lekel ki segonn Mosyon? Onorab Kelly Samynadin.

HON KELLY SAMYNADIN

Mersi Mr Deputy. Mr Deputy Mosyon in ganny segonde.

MR DEPUTY SPEAKER

Mersi. Mon ava envit Onorab Georges pou prezant Mosyon pou *Committee Stage*.

HON BERNARD GEORGES

Mersi Mr Speaker. Mr Speaker anba *Order 84* nou *Standing Orders*, mon *move* san notis ki Lasanble i konstitye son lekor dan en Komite Lasanble an Antye, pou konsider sa Mosyon ki devan nou. Mersi.

MR DEPUTY SPEAKER

E nou a ganny en Manm pou segonn? Onorab Arissol.

HON SANDY ARISSOL

Mr Speaker mersi. Mon ti a kontan segonn Mosyon, zisteman pou nou ganny sans enterakte avek Mrs Lafortune parey Mosyon i demande. Mersi bokou.

MR DEPUTY SPEAKER

Ok. Mersi bokou Onorab Arissol. Nou napa vot lo la. Nou ava demann *Sergeant-at-Arms* pou bouz *Mace* silvouple. E nou ava demann, demande ki Mrs Anne Lafortune i ganny envite pou zwenn nou.

Madanm Lafortune byenveni pou zwenn nou dan Lasanble Nasyonal ozordi apre midi. E ki mannyer nou, *procedure* pou ale, se ki nou ava envit ou pou fer en pti rezimen, pou donn Manm Lasanble avek piblik ki pe swiv nou en apersye bref lo ou, parkour, karyer partikilyerman.

E apre sa nou pou ouver lasal pou bann Manm demann ou kestyon. E letan i fini ou pou kit nou apre pou nou fer en deba. Konmsa apre pou nou pran vot lo ou, lo propozisyon pou ou nominasyon.

Donk mon ava envit ou pou, entrodwir ou lekor avek Lasanble Nasyonal e piblik. Mersi.

MRS ANNE LAFORTUNE

Mersi Mr Chair. Mr Chair, Onorab *Leader* bann Zafer Gouvernman dan Lasanble, Onorab *Leader* Lopozisyon. Tou Manm Onorab prezan, tou dimoun ki a lekout. Bonn apre midi.

E mersi Mr Chair pou donn mwan sa loportinite, pou mwan koz en pti pe lo mon ka, parkour. Mon apel Anne Lafortune, mon'n ne le 8 Avril 1961. E mon'n grandi dan distrik St Louis.

Apre mon'n *move* dan distrik Cascade, kot mon'n reste spesifikman Petite Paris e mon'n reste Cascade pou sa dernyen 30an.

Mon annan mwan 2 ser avek 2 frer. Mon osi mon annan mwan 2 zanfan, de gran zanfan Christophe ek Emeline. E mon'n fer mon letid primer kot Lekol Bel Eau. Mon'n fer mon letid segonder kot *Regina Mundi Convent* e mon'n fer mon *A Levels* kot *Seychelles College*.

Apre sa mon ti al *Australie* pou mwan fer en Degre dan Ledikasyon e mon ti spesyaliz dan *Maths Educations*.

Ler mon ti retournen mon ti al *Polytechnic* kot mon ti *teach* koman en *A Level Maths Teacher*. Dan lekol sa letan ti apel *Humanities and Science*.

Mon krwar konmela i *SALS*. E la, sa letan nou ti apel nou bann *instructor*. So mon ti en *Maths instructor* e apre mon'n, mon'n progrese, mon'n vin en *senior instructor*.

E pandan tou mwan letan mon'n mont tou bann *steps* dan *Polytechnic*. Mon'n vin *Head of School, Head of School of Humanities and Science*. Mon'n vin Asistan Direkter for *Studies*. E mon'n Direkter pou *Polytechnic*. Mon'n fer anviron 18an, (non sorry) 16an dan *Polytechnic* e sa dernyen 8an mon ti fer li koman Direkter *Polytechnic*.

Apre sa mon'n *move* kot Minister Ledikasyon as en Direkter Zeneral kot mon'n vin *DG TFE* e sa mon ti responsab pou bann pos-segonder. Sa letan *Polytechnic* ti'n komans separe, bann lekol ti'n komans vin endepandan. So mon ti annan sa responsabilite pou mwan *oversee* bann lekol pos segonder.

Apre apepre 4an as Direkter Zeneral dan Ledikasyon, mon ti ganny en promosyon pou mwan vin Sekreter Prensipal, selman mon ti ganny Sekreter Prensipal koman *PS Social Development* dan Minister *Health and Social Development*. E menm mon'n fer 1an kot

mon ti ede pou mwan vin tou lede. Mon ti *PS Health and Social Development* an menm tan.

Me apre 2an mon ti ganny, mon ti *move* pou al *CEO SIM*. E en, en, en, en *move* ki mon pa ti tro, tro *happy* avek. Akoz mon ti'n sorti dan Ledikasyon pou 2an. E mon ti'n komans kontan en nouvo karyer, enterese dan en nouvo karyer.

So mon pa'n fer lontan kot *SIM*. Ler ti annan en *opening* kot *Public Officer Ethics Commission* mon ti ale koman *CEO* kot *Public Officers Ethics Commission*.

Be ankor laba apre, apre 2an/ 3an mon *feel* poudir i en travay ki pa ti napa ase *challenge* e ti napa ase enteraksyon. So mon ti anvi osi *move*.

E ler Minister Tourizm ti rekomanse akoz avan tou *STB* ki ti ansarz tou bann *marketing, Policies, tourism development*, standar. E ler nouvo Minister, ti komanse e ganny nouvo Minis. Mon ti ganny demande pou mwan pran sa *responsabilite of PS Tourism*.

E mon'n reste la pou sa dernyen 8an. E pandan sa dernyen 8an, mon'n travay

avek 4 diferan Minis e mon'n aprann bokou avek sa 4 Minis.

Ki mon ti a kontan Mr Chair zis eksplik en pti pe. Mon kot la kot sete la, dan *tourism* ki mon'n vreman enterese avek sa karyer. Kot mon'n ganny mon leksperyans *with regards to*, bann relasyon enternasyonal ede ek bann Korperasyon enternasyonal.

So pandan ki mon 8an ki mon'n laba nou Departman in siny environ, environ 11 *MOU, Memorandum of Understand or* bann Lagreman *Tourism*. E sa avek plizyer, plizyer pei enkli *Sidafrik, La Chine, Maldives, Bahrain* eksetera.

E atraver sa bann *MOU* e Lagreman nou Departman nou'n bezwen negosye, nou'n benefisye avek lesanz teknik, ensi ki *staff training* ki mon bann *staff* in ale e osi ki bann pei in vini pou ed nou.

Sesel in toultan ganny vwar koman en *success*, ler nou *comes to tourism*. E bann pti pei ti anvi toultan demann nou ki mannyer nou'n fer, ki stratezi nou'n pran, ki *Policy* ki nou'n pran pou nou kapab fer nou, nou *tourism successful*.

E nou ti ganny bann delegasyon ki sorti dan bann pti pei espesyalman parey *Cape Verde, Comoros*, menm *Zimbabwe* ki ti vini pou aprann

avek nou e ki nou ti annan enteraksyon avek zot, pou nou kapab konnen ki mannyer nou kapab ed kanmarad *with regards to tourism development*.

Pandan mon letan laba Mr Chair mon ti osi, pandan ki mon ti kot *PS Tourism*, mon ti osi pwen fokal pou de organizasyon tre, vreman enportan. E sa ti *UNWTO* e osi *IORA*. So that is *The World Tourism Organization* pou *UN* e osi *The Indian Ocean Rim*.

E koman pwen fokal, mon ti fer bokou bann *follow-up* neserer, kot mon'n fer sir ki nou ganny reprezante e ki nou bann, nou bann lenterer *tourism* i ganny mete dan bann azanda sa bann organizasyon.

An par egzant dan *UNWTO* nou'n lo *Executive Council of UNWTO* pou tou sa 8an ki mon'n la. E nou fek fini nou manda sa lannen. E as *Executive Council* nou bezwen *attend* bann miting ki ganny fer dan bann diferan pei.

E kot mwan, e kot en *focal person* mon'n *accompany* mon Minis e plizyer fwa mon'n reprezant Minis dan sa bann miting. E kot mon'n bezwen negosye e fer bann Lagreman e fer sir ki nou, nou lenterer i ganny met devan.

E osi kekfwa annandler travay ek bann pti zil, pou nou kapab fer ki nou, lenterer bann pti zil sirtou kote *sustainable tourism* i ganny enkli dan bann *l'agenda UNWTO*, e osi bann lezot organizasyon.

Mon'n *attend* bokou miting *with regards to* sa kot nou'n negosye. Mon'n *attend* e osi bann lezot organizasyon parey *SADC*, parey *Vanilla Islands*, *Blue Economy* e osi kot en miting kot, ki apel *ITCZS* ki sa i ganny fer an *Chine* tou le 2an. Kot bann *Chine* i annan en *forum* kot zot regard tou bann pti zil, e osi bann gran pei ki annan zil pou vwar ki mannyer ansanm nou kapab an korpere pou fer devlopman an *tourism*.

So mon'n ganny sans kontribye bokou, fer *input* dan nou devlopman *tourism* dan sa bann rezyon. E kot nou lenterer ankor in ganny pran an konsiderasyon.

Mr Chair, mon'n pandan nou letan osi kot *tourism* mon'n partisip dan *five, fire*, senk *Joint Commission Meeting* anba bann pti anba ek bann pei par egzant Sidafrik, Lenn, *UAE*.

Kot ankor atraver sa bann *Joint Commission*, nou'n kapab negosye e reprezant sa bann pei. E an rezilta nou

Departman, nou *tourism* nou'n benefisyè avèk bokou led, bokou lasistans, lasistans teknik.

E finalman koman Sekreter Prensipal mon'n osi, i mon devwar pou rankontre bann kandida propoze pou Konsil Onorer. Kot mon'n evalye zot kapasite e konpetans pou zot kapab reprezant Sesel dan zot, dan zot pei respektif.

So sa en pti pe bann bilan ki mon annan *regarding* mon leksperyans dan *International Corporation* e *International Relations*.

So vwala Mr Chair an bref. Mon parkour ki mon'n, ki mon'n fer pandan sa 34 lannen ki mon'n travay dan Gouvernman. E mon remerisi ou Mr Chair ek tou Manm pou zot latansyon. Mersi.

MR DEPUTY SPEAKER

Mersi Mrs Lafortune. Prezan nou pou envit bann Manm pou poz kekyon e ankor enn fwa mon repete annou pa bliye kontrent letan.

Nou fer nou kekyon kourt, presi e nou ti ava osi envit Mrs Lafortune pou li *être* bref, me koz laverite dan son larepons.

Setadir konmsi, *yah!* Larepons kourt e pour satisfè

Lasanble avèk piblik. Mon pou envit Onorab Andre premye.

HON CLIFFORD ANDRE

Mersi Mr Speaker. Prenon kont ki ou'n donn gidans ki larepons fodre korek e satisfè bann dimoun ki pe ekoute, mon ti a kontan demann Mrs Lafortune, an vi ki ou pa'n zanmen servi dan Minister Zafer Etranzer, oubyen okenn portfolyo dan *Ministry of Foreign Affairs*.

Eski ou santi ki ou pou kapab desarz sa responsabilite koman en Anbasader dan en nenport ki pei ki ou ganny *assign*, nou pa konnen kote ou pe al ganny *assign*, en nenport ki pei ki ou ganny *assign*?

E prenon kont, dezyenm. Prenon kont ki letan ou'n donn nou ou ekspoze ou *focus* i bokou lo *tourism*. Ou'n en *teacher* wi, ou ti *teach* mwan letan mon ti *Polytechnic*.

Eski ou krwar ou pou kapab pran lentere lezot laspe en Pti Leta Zil, apard ki *tourism*;- par egzantp ledikasyon ensidswit, Lapolis oubyen en lot *area*?

Ou pou kapab pran sa bann lentere pou ou kapab fer sir ki Sesel koman en pei, e menm Parlmanter si oule, letan ou Anbasader ou pe koz lo nou lapar letan ou laba. Ki

Sesel i benefisye *maximum* avek sa pei oubyen sa group pei ki ou ganny *assign* avek? Mersi.

MR DEPUTY SPEAKER

Mersi Onorab. Mrs Lafortune.

MRS ANNE LAFORTUNE

Mersi. Mr Chair mersi Onorab. Wi Onorab mon rapel mon ti *teach* ou, mon krwar ou ti en bon zanfan. *Ok*, premye kestyon se ki koman mon pa'n sorti dan Zafer Etranzer si mon pou kapab fer sa louvraz.

Mon krwar Onorab i pa, napa mon krwar ki ou pou ou vin en Anbasader napa *step* kriter ki dir konmsi fodre ou, ou sorti dan bann, dan bann spesifikman, dan bann Zafer Etranzer.

Akoz parey zot in vwar nou'n annan bann Anbasader ki'n, ki'n sorti ki pa'n dan zafer etranzer e zot in fer byen. E fotespere ki mon osi, mon a kapab fer byen aköz si ou gete kwa en *quality* en Anbasader?

Normalman en Anbasader ou bezwen annan lanmour pou pei. Ou bezwen patriyotik ou bezwen annan pasyon dan ou travay. Ou bezwen konnen ki bann, ki bann bezwen ou pei, ki bann, bann *needs*, bann *puriter* ou pei.

Ou bezwen kapab konn *communicate* sa avek sa enteraksyon ki ou pou gannnen ou bezwen kapab *communicate* sa byen kler. Ou bezwen en profesyonnel.

Ou bezwen disiplin, ou bezwen annan kourtwazi, ou bezwen konn fer pase ou mesaz. E tousala i bann keksoz ki mon krwar, ki mon posede.

E an partikilyerman mon krwar avek mon *background tourism* ki vin dan ou dezyenm kestyon, se ki si mon'n kapab fer bokou travay pou *with regards to tourism*, mon krwar dan lezot sekter mon kapab pran menm lapros.

Mon kapab menm lapros aköz lenportans se ki fodre mon konnen, mon *aware*. Mon travay ek bann lezot Departman pou mwan konnen ki zot bann bezwen, ki zot nesesite, ki zot priyorite e kwa ki pou anmenn benefis e lentere pou Sesel.

E dek ki mon'n ganny sa bann *knowledge*, mon asire ki mon pou kapab pas sa *on* e negosye pou lentere tou sa bann lezot sekter e pa zis *tourism*. Mersi Mr Chair.

MR DEPUTY SPEAKER

Mersi Mrs Lafortune. Mon ava pas laparol avek Onorab Samynadin.

HON KELLY SAMYNADIN

Mersi Mr Deputy. Bonn apre midi Mrs Lafortune. Ou'n fek pe koz lo bann lezot sekter, mon ti ava kontan konnen apard tourizm dir nou ki bann sekter ki ou santi Sesel i devret pe eksplor, *venture* plis ladan ki ava an retour anmenn plis loportinite ek louvertir pou pei? Mersi.

MR DEPUTY SPEAKER

Mersi Onorab. Mrs Lafortune.

MRS ANNE LAFORTUNE

Mersi Mr Chair. Mersi Onorab. Wi, nou pei i pe pas dan en staz kot nou bezwen regard nou lekonomi. Nou bezwen fer sir ki nou *recover*. E *of course tourism* i en *maze*, *major* sekter pou nou kapab *recover*.

Selman i annan bann lezot. Par egzanp nou bezwen regarde ki mannyer nou negosye kekfwa *trade and commerce*. Ki mannyer nou pou kapab annan ant nou pei avek lot pei nou kapab *facilitate* bann *trade*.

Par egzanp nou konnen poudir nou annan nou bann *export* ki nou fer, espesyalman nou pwason. Ki mannyer ki nou pou kapab ede pou negosye, pou fer sir ki nou

kapab *export* nou pwason byen? Sa i en legzanp.

Investment;- *investment* i en lot keksoz osi ki nou bezwen regard seryezman. Eski kwa ki nou pou fer pour fer sir ki nou pou promot *FDI more* dan nou pei?

Kwa ki nou pou fer, pou fer sir ki nou anmenn plis envestisman dan bann diferan sekter? *Be it* dan lagrikiltir, *be it* dan lapes, *be it* dan bann diferan *area* nou bezwen osi fer en fason pou nou *facilitate* e envit bann promoter pou vin *invest* dan nou pei, dan sa bann sekter.

E osi an *general* tou bann lezot sekter nou bezwen annan, par gete kot akoz i annan *both* bann *bilateral negotiations* e *multi-bilateral negotiations*.

So nou bezwen fer sir ki dan tou sekter kot i annan en bezwen, mon pou bezwen pare pou mwan *facilitate* zot *need* dan bann diferan laspe, pou nou kapab donn sa lavantaz Sesel pou nou progrese dan nou bann devlopman. Mersi Mr Chair.

MR DEPUTY SPEAKER

Mersi Mrs Lafortune. Onorab, Onorab Roucou. Antretan ki Onorab Roucou pe pran, pe al

lo *podium*. Nou pou pran en *break*.

Mon ti ava kontan 3er edmi. Bann Manm ki le entervenir endike. Pa bezwen zwe tranpe akoz pe al ferm lalis mon vwar napa personn ki pe lev lanmen. Mon ti pe dir *ah*, be zisteman, nou pou bouze lo sa enn.

Konmsi pou mwan kapab annan en nide ki mannyer nou pou kapab fini nou sesyon. Ouswa keler nou pou fini. So letan ki i pe demann son kestyon Onorab Roucou. Silvouple endike lekel ki le demann kestyon. Mersi.

HON MICHEL ROUCOU

Mersi Mr Chair. Bonn apre midi a tous. Bonn apre midi madanm. Mon kestyon pou ou se ki ou'n en *teacher* par profesyon, Direkter Zeneral, CEO e osi PS.

Ki ou pli gran *achievement* dan tou sa ki ou'n fer ou pe vin kot Lasanble pour nou konfirm ou koman en Anbasader pou nou pei? Mersi.

MRS ANNE LAFORTUNE

Mersi Mr Chair, mersi Onorab. Wi mon krwar mon'n, mon'n fer en gran parkour dan Gouvernman. Mon'n kontan touzour pou mwan travay dan Gouvernman.

Mon'n *achieve* bokou, menm *from* ler mon ti en *teacher*. Mon ti toultan ganny dir ek mon bann - ki ozordi zot in bann gran zonm e gran fanm.

Parey Onorab in dir. Onorab Andre. E zot in toultan ranvers kot mwan pou dir mwan mon, mon ti disiplin avek zot. Mon'n serye avek zot e akoz sa mon'n kapab met zot dan en semen ase drwat. Akoz as Direkter *Polytechnic* e osi mon ti *Head all along*.

Mon ti annan bokou zanfann pou mwan, pou mwan, pou mwan *deal* avek. E zot ti - e toultan mon ti servi sa mo disiplin ek travay dir. E toultan zot ti vin kot mwan, zot ti dir mwan. Mersi, pou kapab enstil ek nou sa disiplin ek sa, sa travay dir ki, ki sa valer ki neserer.

So sa pou mwan ti en gran *achievement* ler zot *come back to me* e pour dir mwan sa. E - me e plis osi la dan *tourism*, pou mwan osi in en *achievement* ki mon'n gannyen, se ki nou'n vwar poudir nou'n kapab ed osi bann Seselwa.

Seselwa pou zot kapab parey nou'n dir *own the industry*. Nou'n kapab fer bann, bann *Policy* ouswa bann stratezi an plas, kot nou'n fer

sir ki nou'n siport bann pti operater.

Nou'n fer - plis dimoun in ganny *license*, *guest house*, *self-catering*, bann pti operater bato, bann *commission agent*.

Tousala zot in mon, mon, mon santi konmsi mon, mon, mon *happy* ler mon vwar poudir nou pe protez zot kont bann gro, gro, pou fer sir ki zot osi zot devlope. E zot ankor zot, zot apresye ki zot in vwar ki zot osi zot kapab vwar zot, zot bout gato dan sa, dan sa *tourism sector*. Mersi Mr Chair.

MR DEPUTY SPEAKER

Mersi Mrs Lafortune. I pres 3er edmi nou, nou a kapab pran en *break* la. Me selman mon pou redir bann Manm ankor. Lo mon lalis la i reste 5 *MNA* ki'n endike zot le koze.

Mon ava dir zot lekel. I annan Onorab Arissol, Onorab Letourdie, Onorab Aglae, Onorab Cosgrow, Onorab Pillay.

Savedir nou pou *break* la sa i lalis ki'n endike pou zot koze, nou pou *LGB* ou pou mon a met ou non. *Ok*.

So teknikman lalis i fermen la, akoz mon ti'n dir nou endike avan, nou retournen 4er pou nou fini nou sesyon kestyon. Mersi.

(BREAK)

MR DEPUTY SPEAKER

Donk byenveni ankor enn fwa e nou a kontiny nou sesyon kestyon avek Mrs Anne Lafortune e mon ava kriy Onorab Cosgrow.

HON WALLACE COSGROW

Mersi Mr Chair. Bonn apre midi Mrs Lafortune. Mrs Lafortune diskisyon ozordi i *around* ou lapwentman konman en Anbasader, ou pou antre dan serk Diplomatik.

Parey ou konnen dan ou travay oparavan Sesel konman en pti pei en pti leta zil, i souvan vwar li dezavantaze avek sirtou ler i annan bann negosyasyon, bann diferan lenstans avek bann gran pei ouswa bann gro blok lenstitisyon.

Petet konman en si ou ganny apwente konman en Anbasader ozordi, ki ou krwar ou kapab anmennen, an vi dan sa profesyon, an vi ou *background* dan *Tourism* dan *teaching*, ki ou krwar ou kapab anmennen de plis pou ou kapab met Sesel premye, fer sir ki Sesel i touzour benefisyen dan bann diferan lenstans enternasyonalman? Mersi.

MR DEPUTY SPEAKER

Mersi Onorab. Mrs Lafortune.

MRS ANNE LAFORTUNE

Mersi Mr Chair. Mersi Onorab. Wi definitivman Sesel i en pti pei, e ki annandler bann pti pei kekfwa zot pa ganny tro ekoute, ler nou pe diskrit sirtou lo bann lo bann Korporasyon Miltilateral par egzantp.

So enn ki mwan mon pou fer, se ki mon pou fer sir ki mon kapab *network* ek bann lezot pti pei. Pou nou kapab fer sir kot i annan bann konsern ki parey bann ki parey, ki ou kapab met nou lavwa ansan e nou kapab fer sir ki nou bann konsern i ganny mete lo azanda sa bann negosyasyon.

E mon krwar osi ki avek mon *background Tourism*, mon fotespere ki mon ganny plase dan en pei kot mon pou kapab servi li an *maximum*.

Parey ou konnen parey mon'n dir boner poudir nou bezwen *recover* aköz sa pandemik. E *tourism* i nou pilye lekonomi. E i pou kontinyen nou pilye lekonomi en kantite letan. Menm si nou pe sey *diversify*, i pou pran en pe letan, pou nou al dan bann lezot sekte.

So avek mon *background Tourism*, mon pou kapab fer sir ki mon *facilitate more* dan sa

pei ki mon pou ganny mete *more arrivals*, dan touris;- pa zis bann *arrival* me sirtou bann *arrivals* kot i annan bann *High-end* dimoun ki kapab vini pou vin depans, depanse isi Sesel.

Osi dan kote *investment* mon le fer sir ki mon kapab asire ki mon rod bann loportinite, pou mwan kapab promot *investment* dan Sekte Tourizm, aköz *Tourism* Sesel i ganny en destinasyon atiran ek bann *investors*.

E mwan si mon pou rod loportinite pou nou kapab vin *invest* dan *Tourism*, e ki sa *background* ki mon annan pou ed mon pou *fasilitate* sa bann enteraksyon pozitiv.

E definitivman koman Ledikasyon, si mon ganny en landrwa kot mon santi poudir mon kapab promot bann lentere Ledikasyon, mon pou fer sir ki mon konekte byen avek bann sekte.

Si i annan pou fer ek Ledikasyon Sekte Ledikasyon pou mon konnen ki zot priyorite, kwa ki zot ti ava kontan ganny led avek.

E koumsa mon fer sir ki ler mon dan okenn sityasyon ki mon pe negosye mon fer sir ki nou priyorite i ganny rantre direkteman.

Ouswa ansanm avek led bann lezot pei, si par egzantp

nou annan nou form par dan pei *L’Afrique* ansanm ek bann pei *L’Afrique* ki nou annan bann *common* lentere kot ledikasyon kot i konsernen, *then* nou fer sir poudir nou osi nou ganny sa posibilite pou nou ganny sa bann devlopman. Mersi Mr Chair.

MR DEPUTY SPEAKER

Mersi Mrs Lafortune. Prosen entervenans Onorab Letourdie.

HON JANY LETOURDIE

Mr Speaker mersi. Bonn apre midi tou dimoun. Mr Speaker “Sesel i pou tou son zanfan”, e Sesel i kontinyen fer son mye pou kapab balans *gender* apropo donn loportinite pou bann post enportan. Bomaten nou’n vwar en msye, e la apre midi nou vwar en madanm.

Apre midi Mrs Lafortune loportinite i kler ou. E alors bat ou lezel madanm e dir nou aköz ou krwar ki i byen ki ou, ki’n ganny swazir pou sa pos? Mersi.

MR DEPUTY SPEAKER

Mersi Onorab.

MRS ANNE LAFORTUNE

Mersi Mr Chair. Mersi Onorab. *Well* mon krwar pou aköz parey ou konnen pou parey mon’n dir pli boner, pou ou vin

en Anbasader ou bezwen annan serten *qualities*. *Ok* ou bezwen annan ek ou serten kalite e sa kalite i neseler pou ou kapab vin en fer en bon louvraz.

E mon krwar ki Prezidan an konsiltasyon avek Minis *Foreign Affairs*, in bezwen vwar dan mon sa bann *qualities* ki neseler pou zot kapab swazir mwan pou mon kapab vin konman Anbasader.

Parey mon’n mansyonnen bann *qualities* ki ou bezwen annan en profesyonnel dan ou travay, e sa kekfwa in ganny trouve.

Me an partikilye mon *hope* ki mon apwentman i pou en landrwa kot mon kapab met an pratik mon *background tourism*. Mon’n dir avan poudir ki nou bezwen *recover*. Nou lekonomi i bezwen ganny i bezwen retourn dan parey i ti ete avan sa pandemik.

E mon santi poudir enn bann *main* rezon kekfwa ki mon’n ganny swazir, se ki pou mon kapab servi mon *background tourism*, kote mon pou ganny plase pou mon kapab fer sir *tourism development* i rebran.

E ki mon kapab fer sir ki mon kapab anmenn sirtou envestisman dan pei *either through* bann promoter, ouswa

i menm *through* par egzanz negosye bann konektivite pou bann touris kapab vin pli fasilman. Si nou napa en bon konektivite touris kapab vin pli fasilman.

Invest dan bann diferan posibilite ki annan Sesel. So mwan mon krwar poudir enn mon rezon pa neseserman mon en madanm selman mon ti a *hope* kekfw akoz mon en madanm osi. Me selman mon krwar *it's more* pou demann *qualities* ki mon annan e mon *background* dan *tourism* pou nou ed lekonomi Sesel *recover*. Mersi Mr Chair.

MR DEPUTY SPEAKER

Mersi Mrs Lafortune. Lot entervenans Onorab Aglae.

HON EGBERT AGLAE

Mersi Mr Speaker. Bonn apre midi Mrs Lafortune. Byen kontan ou nominasyon. Ou'n en dimoun ki nou'n ganny sans travay ansanm lo enn de proze.

Mrs Lafortune mon keston ozordi avek globalizasyon lemond i enportan ki nou annan sa relasyon diplomasi a tou nivo.

E baze lo sa, mon ti a kontan petet demann ou premyerman konman en madanm, konman en fanm

dinamik, mon kapab dir, ki mannyer ou pou pouse pou nou kapab anmenn premyerman Sesel lo sa nivo, kot nou ti a swete i arive, an term globalizasyon ekonomik li menm li?

E osi anmenn bann benefis ki nou kapab gannyen atraver bann diferan Trete ki nou form parti Konvansyon ki nou sinyen, bann *Economic Agreement* ki nou antre ladan pou fer ki ou lager.

Akoz parfwa Sesel konman en Pti Leta Zil keksoz i ganny enpoze lo nou. Me eski ou pare pou sa lavwa ou menm ou poudir be met lipye ater ou pou dir be mon krwar la sa i pou dan nou lentere an menm tan ou *advise* Gouvernman ler ou laba deor *advise* Gouvernman kwa ki nou bezwen fer.

Eski ou pare avek sa latas ek sa *challenge* pou ou kapab fer sa keksoz sa travay vin fritye parey nou ti a swete konman en Anbasader?

E osi mon ti a kontan demann ou, souvandfwa bann fot ki nou fer se ki nou al Anbasader laba nou ganny en *package*, me selman i annan serten laspe osi *interlinkage* avek bann lezot Anbasader ki nou annan bann lezot pei.

E ler mon'n nonm lemond globalizasyon, se ki nou annan diferan kontinan *L'Asie*, *'Europe* tousala nou kapab ganny bann benefis ekonomik avek.

Eski ou pare pou travay avek sa *interlink* ansanm, pou fer ki nou get en menm vizyon menm lobzektif dan benefis pei? Mersi.

MR DEPUTY SPEAKER

Mersi Onorab. Mrs Lafortune.

MRS ANNE LAFORTUNE

Mersi Mr Chair. Mersi Onorab pou ou keston. Si mon'n pare pou mon lager pou Sesel? Definitivman se sa en rezon ki mon'n aksepte mon nominasyon. Se ki mon en dimoun ki mon le krwar ki ler mon'n met mon lespri pou mwan *achieve* en keksoz mon pou fer li.

Mon'n demontre sa dan mon bann travay ki mon'n fer dan lepase. E mon santi mon annan ek mwan sa kalite neser pou mon *push* pou fer sir ki nou ganny nou lavwa i ganny tande.

Se sa en louvraz Anbasader. Ou bezwen met lentere ou pei premye. E i pa vo lapenn ou al fer sa louvraz si napa okenn benefis ki vini apre.

E pou mwan se ki mon primordyal se ki mon pou fer sir ki si mon ganny aksepte aprouve, ki sa Lanbasad i pou en Lanbasad ki proaktiv e aktiv an menm tan.

E ki mon pou al rode mon pou sorti mon pou al rod loportinite, kot mon konnen i annan, pou mwan kapab fer sir ki nou ed Sesel.

E parey mon pe dir nou dan en problem la dan nou sityasyon, nou bezwen *recover economically*. E sa i pou enn mon priyorite pou regarde ki mannyer nou kapab fer sir kot i annan bann loportinite pou nou ganny led direk teknik finansyel mon rode.

Ouswa pou nou regarde nou bann *common* parey mon konnen nou koz bokou lo *climate change*, nou koz bokou lo bann keksoz ki komen avek bann lezot pti zil.

Si mon santi ki mon *as* en person, mon pa pe kapab ganny mon lavwa ganny ekoute, *then* mon pou fer sir mon *network* ek bann lezot pei pou nou fer sa.

E osi definitivman i pou enn mon priyorite pou mon travay ansanm ek bann lezot Anbasader. Mon krwar ki nou ganny kordinen *by Foreign Affairs* e kot e ki nou baz laba i pou e nou annan sa *network*

nou annan sa groupman, ki kot tou bann Anbasader pou kominik avek kanmarad, e nou pou ed kanmarad.

Definitivman kot enn i kapab donn bann lide, bann teknik ki zot, zot in fer ki'n *successful* zot in kapab ganny *push* zot *agenda* devan, i donn ou sa bann lide, ou osi ou adapte sa ou met dan ou dan sa ki pou ou e osi ou servi menm lapros.

So definitivman *networking* avek bann lezot Anbasader i enportan. Mersi.

MR DEPUTY SPEAKER

Mersi Mrs Lafortune. Prosen entervenans Onorab Pillay.

HON SEBASTIEN PILLAY

Mersi Mr Speaker. Bonn apre midi Mrs Lafortune. Bonn apre midi tou koleg e tou dimoun ki a lekout.

Mrs Lafortune premyerman mon le remerci ou pou tou bann pozisyon ki ou'n annan, dan sa *public service*. Ou'n deservi dan plizyer post e ou'n ou en *carrier civil servant basically* si nou kapab dir sa. E ou pe kontiny ou karyer dan *public service*.

Me i annan en kestyon ki lo lalev tou dimoun, e ki mon krwar petet mon bezwen demann ou, petet ganny en pti

pe ou lespri ki ou panse lo sa *school of thought basically*?

I annan en panse ki lapwentman bann Lanbasader i devret en domenn en premiz ou'n bezwen ou'n tann sa oparavan, en premiz bann dimoun ki'n annan en karyer dan travay dan domenn diplomasi.

Ki ou panse lo la? E ki ou santi konman en dimoun ki pa'n dan sa domenn, me ki'n dan servis piblik dan bann ka administratif, kot ou'n swa PS swa Direkter Zeneral. Ki bann benefis ki ou ava annan, ki kapab ed ou *match* avek bann konpetans ki en dimoun ki ti pou'n dan domenn diplomasi pou serten kantite letan an relasyon avek apwentman pou vin en Anbasader? Mersi Mr Chairman.

MR DEPUTY SPEAKER

Mersi Onorab. Mrs Lafortune.

MRS ANNE LAFORTUNE

Mersi Mr Chair. Mersi Onorab pou ou kestyon. Parey mon'n dir oparavan, mwan personnelman mon pa krwar ki i annan okenn kriter determinen ki dir ou, ou bezwen annan sa pou ou vin en Anbasader.

Mon krwar *worldwide* i pa neserman ki tou dimoun ki

sorti dan en karyer diplomasi ki vin Anbasader. Parey mon'n dir nou, nou annan legzanp of bann Lanbasader ki pa'n sorti avek en karyer diplomasi e ki zot in fer byen. Zot in fer tre byen.

So i prouve ki ou pa bezwen neserman annan en karyer dan diplomasi pou ou vin en Anbasader. Me selman ou bezwen sa leksperyans. Ou bezwen annan sa *qualities* e ou bezwen annan en pe leksperyans dan negosyasyon.

Ou bezwen annan leksperyans dan bann enteraksyon. E sa mon krwar mon'n ganny en kantite koman dan Departman Tourizm.

E ki apre kekfwapa apre en serten letan, mon asire i annan diferan loportinite i la, ki mon asire ki annan bann dimoun ki pou dan ki pou ganny osi apwente ki'n fer zot karyer dan diplomasi i pou arive sa.

Selman i pa en keksoz ki vreman ou bezwen *go through it*. Kot ou manke mon krwar ou bezwen aprann.

E tou bann Anbasader avan zot ganny zot *posting* zot bezwen gannyen *full briefing*. En *full briefing of* kwa ki zot *posting about*, kwa ki zot bezwen pe konsantre lo la. E si i annan okenn keksoz ki zot pa ankor gannyen, zot pou

bezwen fer sir ki sa bann zafer ki ou pou ganny le neser.

So mwan personelman mon krwar pou dir ou kapab ganny lespwar ek en lot dimoun ki pa neserman ki'n *go through diplomatic channel* ki kapab vin Anbasader.

E sa i a kapab donn osi donn lankourazman bann lezot dimoun osi pou kapab mazine be i annan diferan *avenues* ki ou kapab ganny swazir

E se lenportans se ki ou bezwen travay dir. I enportan pou ou travay dir, montre ou *focus*, e annan lentere ou pei a ker toultan.

Si sa i la larestan mon krwar ou kapab aprann, ou kapab met ansanm ou kapab resese, e i pou vin tou *as en package*.

E parey mwan mon dir mon krwar mon pli gran benefis ki mon pou anmennen, se mon *background* dan *tourism*. Ankor mon repete mon krwar i enportan pou nou annan en serye, pou nou fer sir ki nou pei i re devlope i re *recover* e sa *tourism* i *still a main pillar*.

So mon krwar sa en pti pe an plis, ki mwan mon kapab anmennen aköz lenportans *tourism* konman en pilye nou

lekonomi dan Sesel. Mersi Mr Chair.

MR DEPUTY SPEAKER

Mersi Mrs Lafortune. En Manm in sakrifye son drwa koze zisteman pou nou kapab ekonomiz letan. Donk nou annan zis en dernyen entervenans. Mon donn laparol *Leader of Government Business* Onorab Georges.

HON BERNARD GEORGES

Mersi Mr Chair. Mr Chair anefef mon kestyon i relye avek sa enn presedan. Mrs Lafortune mon anvi ou *drill down* lo sa ki ou fek koze la, sa bagaz ki *tourism* ki ou annan e ki ou pe anmenn dan en karyer diplomatik.

Ou ti *PS Tourism* pou en bon pe letan. Ou'n vin *PS Foreign Affairs* pou en pti gin letan. E la en sel kou ou pe vin Anbasader. *Am I correct?*

Ok ou'n al dan *Foreign Affairs* solman? Ou pe al dan *Minister Foreign Affairs*. Ou pe al dan *Minister Foreign Affairs* ok koman Anbasader. I pa sanz mon kestyon.

Konman en dimoun ki annan en gran leksperyans dan *Tourism* ki mannyer ou vwar sa desizyon Gouvernman pou *link Ministry of Foreign*

Affairs avek *Ministry of Tourism*?

Eski i annan okenn sinerzi la ki kapab ganny *tap*? E si larepons i wi, eski ou krwar ki ou leksperyans dan *Tourism* i ava pli bon pli byen ganny itilize konman en Anbasader in *name only*, me pe travay dan *Maison Queau de Quincy* Mont fleuri?

Oubyen i ava ganny pli byen itilize dan en *posting* aletranze kot ou a kapab *drum up tourism* parey ou fek eksplik avek nou la ozordi. Mersi.

MR DEPUTY SPEAKER

Mersi Onorab. Mrs Lafortune.

MRS ANNE LAFORTUNE

Mersi Mr Chair. Mersi Onorab. Mwan personnelman mon krwar sa *link* ant *Foreign Affairs* ek *Tourism now of all time* i vremen enportan.

Parey zot in vwar pandan sa pandemik ki nou'n gannyen, nou'n ganny bokou difikilte avek bann diferan pei, *with regards to* bann restriksyon ki nou annan.

E Sesel parey nou pe dir nou'n ganny nou'n vwar dan bann bokou bann zournal bann zournal deor, bann *release* ki'n ganny fer, konman kantite pei pe kestyonnen ouswa pe met restriksyon lo

zot bann sitwayen pou vizit bann pei, kot zot santi poudir sa pandemik i en pti pe bokou.

E sa negosyasyon, ki *Foreign Affairs* in fer avek bann diferan *foreign* Anbasader bann Lanbasad dan sa bann pei, in ed en kantite pou nou kapab kontinyen ganny sa lyen touristik avek sa bann pei.

Par egzanp nou konnen tou bann pei *Européen* in *sort of either* zot pa pe ankouraz zot bann dimoun pou vwayaze, ouswa zot in met nou lo zot *red list*.

Be nou'n kapab vir *towards* e sa se travay *Foreign Affairs* vir *towards* bann pei parey *UAE*, parey *Israel*, parey *La Russie* pou nou negosye pou fer sir ki nou kontinyen sa *link* avek zot. E ki an *network* i kontinyen avek zot e ki nou kontinyen ganny sa akse a lyen avek zot pou touris kontinyen vini.

E si ti napa sa entervansyon *Foreign Affairs*, mon krwar pa si nou ti pou kapab ozordi vwar en ogmantasyon dan bann *tourism arrival*.

So pou mon *at this moment now* sa groupman ansanm in ed pei en kantite. En kantite pandan sa bann pandemik ki nou'n gannyen.

E wi mon leksperyans konman dan *Tourism* mon krwar ki enn mon i enn bann rezon kekfwawa ki mon'n ganny demande pou vin Anbasader.

E *obviously* en Anbasader ki pou ale, ki pou ed Departman Touris, ki pou ed envestisman pou nou kapab ganny plis devlopman *tourism* dan pei.

Mon repete touris i ankor pilye nou lekonomi. Menm si nou le *diversify* ankor pilye nou lekonomi. *And the more* ki nou fer pou nou kapab ganny *tourism development, more arrivals more investment* dan touris i pou ed nou.

E mwan mon krwar sa se i enn bann rezon primordyal ki mon'n ganny nominen pou mwan kapab fer sir ki *whatever* mon ganny plase mon negosye, mon met priyorite Sesel an plas e *in particular* avek *Tourism* ki mon fer sir ki nou fer nou *Tourism Sector* remonte e revin parey i ti ete avan. E ki nou kapab ed nou lekonomi pou li devlop pli byen. Mersi Mr Speaker.

MR DEPUTY SPEAKER

Mersi Mrs Lafortune. Donk sa ti dernyen entervenman pou dan nou sesyon kestyon avek Mrs Anne Lafortune. Nou ava remersi li pou zwenn nou apre

midi. E nou ava eskiz li parmi nou. E nou ava swet ou tou de bon dan nenport kwa ki lavenir i anmase pou ou. Mersi pou zwenn nou.

Aprezan nou ava rekonstitye nou Lasanble pou nou al dan staz deba. Pou bann Manm ki anvi kontribye en pti lentervansyon lo size lapwentman Mrs Lafortune. Ki mon oule osi *remind* bann Manm se ki nou oule fini nou *Order Paper with regards to* bann apwentman.

Bon i reste enn ankor. E nou pou *push* nou travay en pti pe pli tar ozordi. *So fingers crossed* nou ava kapab *wrap-up by* 5er edmi si nou reste konsyan *time management*.

Donk mon ava envit premye entervenans lo nou deba Onorab Arissol.

HON SANDY ARISSOL

Mersi Mr Speaker. Mr Speaker toultan i en plezir en laglwar letan ou vwar enn ou frer oubyen en ou ser Seselwa i ganny ofer en pozisyon. E dan sa ka la apre midi sa se Mrs Anne Lafortune ki pe ganny ofer en pozisyon Anbasadris parey nou dir.

Se letan mon get son CV sa i montre poudir letan mon pe swiv son CV i montre poudir en madanm ki'n konmans

travay en bon pe lannen pase dan Gouvernman, e in konmans ba parey nou dir e in monte in travay in ganny son promosyon in sanze in al dan plizyer sekter, in al dan sekter Minister e ozordi i vwar li ganny ofer en pozisyon konman en Anbasadris.

Mon pwen lo la se, mon krwar i enportan pou nou bann zenn ki pe ekoute ozordi konpran, poudir travay dir toultan i anmenn en rannman e travay dir toultan i anmenn en benefis a lafen.

Parske souvandfwa nou bann enn ozordi zot krwar poudir letan ou konmans travay deswit ou ganny en promosyon oubyen deswit ou ganny sa saler ki ou ti reve pou gannyen.

Me non tousala i vin avek travay dir. Me letan mon pe get CV Mrs Lafortune sa i reflekte en pe.

Dezyenmman Mr Speaker si mon ti lev mon lanmen pou mon demann Mrs Lafortune en kekyon mon ti pou demann li an relasyon avek St Louis parske letan in dir in grandi Saint Louis mon ti pou demann li si Prezidan ki akoz zot ti zwe zot de Prezidan Semen Serret alor Prezidan in ofer li sa plas Anbasadris.

Me mon pa'n lev mon lanmen pou demann sa keston, me mon swete kantmenm zot in zve zot de Prezidan Semen Serret si in grandi Semen Serret, mon swete ki mon konnen poudir si Prezidan in swazir li set akoz bagaz ki i annan son kalite dimoun ki nou'n vwar la devan.

E parey nou tou nou'n konn li bann kontribisyon i in fer dan Gouvernman dan plizyer pozisyon, mon asire poudir sa travay sa responsabilite ki in ganny ofer ozordi i pou kapab ed pei a lavenir pou asire ki en lot madanm ankor Sesel, i ava fer nou pei briye e anmenn nou pei pli devan.

E zisteman lo topi ki li in koz lo la se tourizm, tourizm i en keksoz ozordi ki enportan. Me *COVID* in montre nou pa zis touris ki nou kapab depan lo la, me nou bezwen rod lezot sekter pou ki nou konman en pti pei zil byen lwen avek lemonn nou kapab osi debourye pou ki nou pei i reste en pilye pou plizyer lemonn ki pe get nou, me sirtou tourizm ki Mrs Lafortune in koz lo la.

Mr Speaker mon letan mon in ekout Mrs Lafortune avek sa ki mon pe vwar devan mon lo son *CV* mon napa

okenn dout poudir Prezidan in fer en bon swa e mon anvi dir ek Mrs Lafortune poudir mwan lo mon kote e mon asire avek tou bann Manm isi lo nou kote latab, nou pou donn li *full* sipor. Me selman ankor *full* sipor parey nou'n dir avek *Compol* taler pou ki nou ganny rezilta pou pei avek Lepep Seselwa.

Alor Mrs Lafortune mwan mon anvi dir avek ou poudir lo nou kote ou pou ganny *full* sipor e nou swet ou kouraz e determinasyon devosyon parey ou abitye toultan dan sa servis ki ou'n rann Lepep Seselwa e osi nou pti pei.

Avek sa detrwa mo Mr s Speaker mon ti sa kontan remerci ou.

MR DEPUTY SPEAKER

Mersi Onorab Arissol. Nou ava pran lot entervansyon nou ava vwar si fer pli byen ki sa 3 minit an term letan Onorab Rosie Bistoquet.

HON ROSIE BISTOQUET

Mersi Mr Speaker. Bonn apre midi Mr Speaker Deputy. Mwan mon konn Mrs Lafortune, mon konn li konman Anne nou ti lekol ansanm *Regina Mundi* dan lekol segonder.

E apre nou'n travay ansanm dan diferan Minister sirtou dan Minister Sosyal Lasante ek Sosyal.

E mon konnen i en fanm dinamik, i en fanm for, i en fanm ki debouryer e en fanm ki anmenn rezilta.

E la laprev in vin donn nou letan mon get son CV i annan 30an dan diferan lorganizasyon Gouvernman. E osi i annan sa gran matirite. I annan sa abilite pou *lead* diferan lorganizasyon nasyonal. Partisipasyon lo bann *Board* osi parey nou'n trouve dan son CV e menm in annan sa *leadership role*.

I annan afilyasyon avek bann diferan lorganizasyon enternasyonal, sirtou kot i konsern lenvestisman dan tourizm.

E osi dan kolaborasyon enternasyonal, parey i ti dir taler kot i pou met son lavwa ansanm avek bann lezot pti zil i pou met son kondisyon ouswa son kontribisyon.

Kot zot tou zot kapab fer menm lavwa pou anmenn pli bon korperasyon multilateral sirtou dan devlopman nou lekonomi e lenvestisman spesyalman dan Sekter Tourizm sa in sorti kot li menm.

Osi mwan konman en madanm e Mrs Lafortune konman en madanm mon pou siport son lapwentman, akoz ozordi nou bann madanm nou tou nou dan en lemonn kot bann zonm pe dominan, e alors promosyon en madanm pou reprezant Sesel aletranze mon krwar sa i en gran *plus* pou Sesel. Mon asire i pou fer tre byen. Mersi.

MR DEPUTY SPEAKER

Mersi Onorab. Ou'n aktyelman ekout mon ou'n fer byen 2 minit. Nou ava pas laparol avek Onorab Churchill Gill.

HON CHURCHILL GILL

Meri Mr Speaker. *Very brief*. Pou Mrs Lafortune dan son bann dan son dernyen post ki ti okipe mon'n enterakte ek li bokou fwa e mon napa okenn dout ki son *background* dan sa letan ki nou ladan i pou vremen annan n retonbe tre for.

Mr Speaker i tre i toultan tre enportan e fer plis sans pou Sesel ganny reprezante aletranze par en Seselwa. Se en Seselwa ki pli kapab rod sa ki pli bon pou Sesel, dan plas ki nou pei parfwa i ganny reprezante par en dimoun etranze.

Avek en tel bagaz Mrs Lafortune i pou dan lavantaz Sesel, pou annan en tel reprezantan aköz donnen en sityasyon defi ekonomik, serye ki pei pe fer fas avek, i tonm byen ki en dimoun ki'n dan nou sekte ekonomik pli enportan Sesel ki pou reprezant Sesel.

Alors i dan nou lentere e mwan mon pou siport nominasyon Mrs Lafortune. Mersi.

MR DEPUTY SPEAKER

Mersi Onorab. Ankor pli byen en minit edmi apepre. Mon pas laparol avek Onorab Waven William

HON WAVEN WILLIAM

Mersi Mr Speaker. Mr Speaker avek mon ti ava kontan demann ou konprenezon par lefe ki nou pe apwent 2 Anbasader mon pa anvi koze taler, so permet mon kapab koz pou kouver tou le de ki taler mon pa ava bezwen koz ankor pou minimiz letan.

MR DEPUTY SPEAKER

Mon ti ava prefere *then* ou koz lo dezyenm. Aköz nou pa konnen ki pou arive ankor dan detrwa minit devan nou.

HON WAVEN WILLIAM

Ok Mr Speaker avan ki mon koz lo sa Mosyon, permet mon aport mon remersiman ki swe Speaker Lasanble Mancienne in aporte avek *Leader* Zafer Gouvernman vizavi sa apwentman.

E mon ti a kontan osi remersi Clerk Mrs Tania Isaac Onorab Letourdie Onorab Sophola e *ex-Speaker* Pillay avek Prea ki oparavan dan sa lekip dinamik nou'n kapab fer mark dan *IPU*.

Mr Speaker prezan mon pou koz lo sa Mosyon. Mr Speaker mon ti a kontan donn en pti pe listwar e avan ki mon vremen koz lo sa Mosyon, Mr Speaker Konvansyon *Vienna* lo relasyon diplomatik ti ganny adopte 14 Avril, 1961 par Pei Manm Nasyon Ini.

Ziska Zen 2021, 193 pei ki'n form parti sa Konvansyon. Ki ti vin efektif le 24 Avril 1964. I definir en kad relasyon diplomatik antre pei endependan.

Mr speaker fodre dir ki depi apepre dezyenm ger mondyal, relasyon diplomatik in evolye e pran diferan lentere. Sa lepok ti baze lo protez drwa imen, prizonyen, de ger zot tretman ensidswit.

Bondye in beni zonm ek lentelizans pou kree evante e fasilite koabitasyon global kot

ozordi konpare ek 4 mil an pase, zonn in evolye e akoursi zistans dan en leta izolasyon pou nou sitye nou ozordi dan en lanvironnman vilaz global.

Atraver prosesis devlopman global e lenter lesanz komers ki tourizm e lezot servis ankor, plis responsabilite e lenportans in ganny donnen dan sa sekter. Sa size relasyon diplomatik i form parti en eleman enportan pou en nenport pei, pou asir son devlopman entegral Mr Speaker.

Mr Speaker konman en diplomat malgre par de karyer e ki ankor pe pratik diplomasi Parلمانter mon pou aport mon sipor pou sa 2 apwentman lo neseseite.

Sepandan mon anvi azoute ek bi pou retir serten krwayans e lopinyon ki pa fonde se ki plizyer pei pa selman apwent en endividi ki *Diplomate de Carrière*. Me zot osi apwent politisyen ki osi devlop konman bann bon diplomat efektiv davans politik sa pei e son lenter o nivo enternasyonal osi byen.

Otreman dir politik e diplomasi zot konpletman travay en Diplomat dan son travay *vice versa*.

Prezidan pe demann nou pou aprouv lapwentman sa 2

sitwayen Seselwa pou vin Anbasader. Serk diplomasi ek relasyon etranzer i dinamik e volatil. Sirmont bokou pei i enkli Sesel par en leksepsyon pe revwar ankor zot misyon aletranze.

E an relasyon ek pandemik *COVID* pou asir en nivo prezans konsekan, pou benefis maksimonm lenter Nasyonal pei.

Mr Speaker anba diplomasi modern sirtou dan bann pei *Commonwealth* pei adopte diferan ran tel parey Anbasader Anvoye Spesyal Minis, Konsey Minis, Zofisyé *Chargé D’Affaires*, Konseye, Premye Sekreter, Dezyenm Sekreter *Attaché* e Asistan *Attaché* plizyer pei i adopte diferan modalite.

Pozisyon Anbasader parmi tou, i ranpli enportan e pli sinyor dan en Lanbasad.

Andotmo ganny vwar konman Sef de Misyon – (*Head of Mission*) parey enternasyonalman ganny rekonnet.

Pou en nenport ki pei i pli favorab pou annan en Diplomat dan ran Anbasader dan en Lanbasad pou pli byen reprezant sa pei. En nenport Gouvernman i rekonnet e donn plis pwa lenportans sa endividi nivo e priyorite sans

enteraksyon ek zofisye pli o dan Legzekitiv sa pei.

En legzanp par egzanp *L'Inde Chargé D'Affaires* pa pou zwenn ek en Minis ouswa Sekreter Adzwen tro souvan. I pou zwenn avek Direkter Zeneral. Sa mon mazinen i aplik dan diferan pei.

Mon panse ki menm Protokol ek ou tim i aplik pou plizyer pei. Se Anbasader ouswa Komiser ki pou ganny *meeting* ek Minis ek lodyans ek Prezidan ouswa Premye Minis. Kan i nesese baze lo lirazans e lenportans dosye, olye fer letour ek dosye konversasyon i pli direk e i annan plis pwa ganny *deal* avek tre vit.

En Anbasader i osi kontribye dan formil Polisi Zafer Etranze atraver bann relasyon enternasyonal e Bilateral dan rezyon e pei akredite.

Pozisyon ek stratezi bilateral e enternasyonal i progresivman ganny devlope.

Mr Speaker mon pe dir sa baze lo leksperyans e konesans e devlopman toulezour. Se pou sa rezon ki dan bann pei klase dan ran diplomasi aktiv tel parey *L'Europe, La Chine, L'Inde* parmi lezot i nesese e tre nesese pou annan en Anbasader.

Nouvo Gouvernman anba gidans Prezidan Ramkalawan, pe demann sa setyenm Lasanble pou apwent 2 Anbasader parey loter Mosyon in dir. Nou ganny gide par konstitisyon e Lartik 63 (1) e Lartik 64 (1) i donn Prezidan sa drwa e responsabilite pou apwent Anbasader ouswa Komiser.

An rekonesan lirazans e nesese pou sa 2 lapwentman Anbasader, mon pou donn mon sipor. Prenon kont ki ek sanzman Gouvernman ti annan 3 Lanbasad ki'n fermen, prezan ki valab, i annan 4 Anbasader ki'n arete e serten parmi pran retret. Nou annan nou 2 Anbasader ki'n ganny fer retournen parey nou dir *recall*, i bann swa e desizyon ki kapab ganny pran par en endividi ki dan pozisyon Anbasader e pa en nenport Gouvernman pou plizyer rezon stratezi.

Mr Speaker sirtou ek legzistans diplomasi aktiv, lenterogasyon ek globalizasyon pou sofgard lenteren en nenport Gouvernman pou son devlopman entegral.

Sa konponan relasyon ek lezot pei pe pran en rol pli signifikan, plis zefor atraver Lagreman miltilateral rezyonal pe ganny sinyen.

Pou ranforsi nou rol diplomatik dan serten pwen global stratezi e enportan pou annan en prezans Gouvernman o nivo, tel parey *La Chine*, Nasyon Ini parmi lezot kwen global enportan.

Sa 2 endividi ki 2 Seselwa sakenn avek en nivo leksperyans travay dan la diplomasi konman karyer, e konman enplike dan plizyer demars dan Sekter Tourizm aletranze, mon vwar tou le de byen plase pou ganny apwente konman Anbasader.

Mrs Lafortune par lefe ki depi lontan bann Lanbasad e zot rol enportan, se promot lesanz touristik e pei parmi lezot.

Parmi lezot pozisyon ki'n okipe si Prezidan in nomin li mon krwar dan son swa e swa Mr Ian Madeleine ki en *Diplomate de Carrière* mon pou siporte.

An terminen Mr Speaker. Mon oule swet zot tou le de endividi tou de byen e zot fer nou fyer. Mon osi sezi sa lokazyon pou felisit remerci bann Anbasader e Diplomat Seselwa ki pe reprezant Sesel dan tou Lanbasad aletranze sirtou dan sa moman difisil pandemik *COVID*.

Mr Speaker avek sa de pti mo mon pou aport mon sipor total. Mersi.

MR DEPUTY SPEAKER

Mersi Onorab William. Mon ava pas laparol avek Onorab Pillay.

HON SEBASTIEN PILLAY

Mersi Mr Speaker. Mr Speaker pandan letan ki mon'n ekout bann entervenans ki'n entervenir avan mon, mon'n fer mon lespri marse lo ki mannyer mon pou apros mon pti morso kontribisyon lo sa size.

I pa premye fwa ki mon pou lev mon lanmen pou apwent en Anbasader oubyen par apwent en Anbasader. Mon ti fer li ler Onorab William ti ganny prezante konman Anbasader ki ozordi i en Manm Lasanble, dan pandan mon letan dan senkyenm Lasanble.

E a sa moman ti annan bann menm kestyon, menm kestyon ki mon ti demann Mrs Lafortune ki mon santi Mrs Lafortune in sey reponn. An relasyon avek *whether* en Lanbasader i devret en premiz ki ganny rezerve pou en dimoun ki'n fer karyer dan diplomasi oubyen pou en lot dimoun.

Si listwar in montre nou poudir en dimoun ki napa en karyer dan diplomasi, i kapab fer osi byen ki en dimoun ki'n ganny en karyer dan diplomasi.

E tou dimoun pou annan *from* son perspektiv lekel en dimoun ki krwar i pli *deserving* pou en pos Anbasader, depandan lo sa ki li i pe gete.

Me i enportan osi pou Lasanble reflekte lo sa legzersis ki nou pe fer lafason ki nou pe fer li ozordi apre midi.

E mon kontan tann bann Manm koz lo promosyon en madanm ki'n ganny loportinite pou li avans devan. E mon oule *remind* sa bann Manm ki sa lapros ki zot pe pran zot bezwen toultan pran li. Pa pran li si akoz i *suit* zot e ozordi akoz i ou Gouvernman ki o pouvwar, me pran li osi si ou ti Gouvernman ki pa ti o pouvwar, e ou ti pou bezwen fer swa donn en lot dimoun.

Akoz par lepase, i annan madanm ki ti ganny prezante dan Lasanble pou bann pozisyon tel konman Minis, kot Lasanble in menm pa'n donn loportinite sa bann madanm pou vin devan Lasanble pou prezant zot lekor oubyen eksplike akoz zot devret vin en Minis anba Gouvernman.

Nou'n koz lo drwa e devwar Prezidan pou prezant en kandida pou en pos Anbasader. Sert i anba Konstitisyon. E mwan mon pa pou zanmen en ka kontrandi sa ki Konstitisyon i dir i vre i devwar e drwa Prezidan pou prezant sa kandida.

E sa ki mon bezwen demann mon lekor, se eski sa kandida ki'n prezant son lekor in akit son lekor dan en fason kot in reponn bann kestyon, kot in nobou fer mwan konvenki poudir i kapab vin en Anbasader.

Dan konteks sa madanm ki'n prezant li devan nou apre midi mon bezwen dir wi, akoz mon bezwen zis li lo merit son enteraksyon avek nou dan Lasanble.

Par lo okenn lezot size pa lo okenn lezot kontansyon, akoz sa bann kontansyon initil par lefe ki sa madanm in ganny prezante anba en Mosyon ki *genuine* anba nou Konstitisyon, anba nou *Standing Order*.

E sa ki mon bezwen fer ozordi. I malere par lepase pa tou Manm Lasanble ki'n vwar sa koumsa. I malere pa lepase nou'n *denied* loportinite endividi, ti pou'n kapab fer kontribisyon enorm pou nou

pei, akoz zisteman nou'n regard lezot kontansyon.

Nou'n regard probableman kontansyon politik *rather than* regard loportinite e kapasite endividi ki'n prezante nou devan Lasanble.

E mon ti a kontan demann Lasanble ki sa pa zanmen repet ankor. Ki zanmen ankor ler en dimoun i prezant son lekor devan sa Lasanble, nou regard li lo en pwennvi politik, nou regard li lo en pwennvi kontansyonnel, me non pa lo en pwennvi ki manner i akit son lekor.

Bomaten lo sa kote latab nou'n enterakte avek propozisyon Komisyoner, nouvo Komisyoner Lapolis. E parey Konstitisyon i egzize Gouvernman in fer son bout in prezant nou ek en kandida.

E ankor enn fwa sa kandida in akit son lekor e in reponn bann kestyon bann legzisans ki Lasanble in met devan li, dan en fason ki nob.

E sa i fer ki ler en dimoun i prezant son lekor pou en *interview* dan en fason ki nob, laplikasyon lazistis i demande ki ou'n donn li son *due*.

E son *due* dan konteks Lasanble se en aprouvasyon pou li ganny sa pozisyon ki sipoze gannyen. E sa i en

prensip ki bezwen ganny aplike dan tou Departman Gouvernman ozordi.

E mon enplor mon enplor Lasanble, mon enplor Gouvernman pou pratik sa. Dan mon lizye ozordi mon pe regard Mrs Lafortune konman en *civil servant*, ki en *career civil servant*. E malgre ki nou pou koz lo karyer dan diplomasi, nou kapab osi koz lo karyer ki lo benefis travay dan *public service* dan diferan domenn a diferan nivo i osi anmennen, pou en dimoun kot i kapab en karyer dan diplomasi apre.

Mon krwar sa ki Lasanble i bezwen pe fer ozordi an relasyon avek lapwentman Mrs Anne Lafortune se konsidere ki loportinite in ganny donner avek en dimoun, me espekte sa dimoun i sezi sa loportinite pou li fer tou son posibil, pou delivre alaoter legzisans sa louveraz ki i gannyen pou li fer. Se sa ki reste *ultimately* nou desizyon final ki nou bezwen fer.

So Mr Speaker mon pou napa okenn rezervasyon ozordi pou mwan donn mon sipor Mrs Lafortune konman en Anbasader pou reprezant Sesel.

E mon santi ki konman en *public servant*, i ava

anmenn serten atou ki ava ed li delivre dan son louvraz.

Bann lezot konsiderasyon ki Gouvernman i ava annan pou fer vizavi depans, resours ki egziste, i bann konsiderasyon ki Gouvernman i ava bezwen fer son desizyon lo la li menm.

Mon pa donn Legzekitiv, mon pa la pou dir ki mannyer Legzekitiv i devret ganny *run*, me sa ki enportan i se ki mon bezwen fer mon bout parey Konstitisyon i demann mwan. E dan sa konteks mon pou demann Lepep Seselwa pou konpran ki nou pe fer en travay apre midi pou nou apwent en reprezantan Sesel en reprezantan la diplomasi Sesel e ki Mrs Lafortune in montre ki i kapab fer sa louvraz ki pou ganny apwente pou li fer.

So mon le swet li tou de bon dan son karyer. Mon osi *extend* mon felisitasyon pou son fanmir. I en pozisyon tre nob e tre enportan dan nou pei. E mon swete ki ava ganny sipor avek son fanmir, pou li kapab delivre dan son nouvo karyer e dan son nouvo post ki i ava gannyen. Mersi Mr Speaker.

MR DEPUTY SPEAKER

Mersi Onorab. Mon pas laparol prezan avek dernyen entervenans pou fer son *summing-up* loter Mosyon *Leader of Government Business*. Onorab Georges.

HON BERNARD GEORGES

Mersi Mr Speaker. Mr Speaker tou keksoz ki bezwen ganny dir lo lapwentman propoze Mrs Anne Lafortune in ganny dir. Mon pa pou pas mon letan oubyen gat letan Lasanble pou repet sa ki deza ganny dir. Sel keksoz mon ava dir sete de keksoz.

Premyerman Mrs Lafortune in i en dimoun ki'n sorti dan en fanmir ki en fanmir tre respekte isi Sesel e in kondwir son lekor li osi dan en fason egzampler pandan son lavi, e pandan son karyer.

Donk lo sa kote napa okenn defayans ki nou kapab dir ki i pa devret vin en reprezantan nou pei nasyonalman e enternasyonalman.

Dezyenmman i fer nou konpran apre midi aköz li? Aköz i krwar ki Prezidan in swazir li a sa moman pou sa pos. E in fer sa dan en fason teribleman kler.

Setadir ki la kot nou ete ozordi *Tourism* avek *Foreign Affairs* i bezwen koz menm

parol. Tou le de i bezwen travay an sinerzi Nasyonalman e enternasyonalman pou fer sir ki sa *main* pilye nou lekonomi i reste solid.

E i grandi e ki anmenn plis lenvestisman isi Sesel. Pou kapab fer sa meyer kalite dimoun, set enn ki annan en bagaz tourizm ki Mrs Lafortune i annan dan en fason egzampler e ki kapab fer sa tranzisyon e vin dan Minister Zafer Etranzer e travay dan sa Minister pou li kapab anmenn sa de keksoz plis touris plis envestisman.

Lo sa de pwen sa madanm i pas avek parey *Anglais* i dir *flying colours*, e pou sa rezon non selman nou pa kapab pa apwent li, me nou devret zwenn ansanm e felisit nou lekor ler nou apwent li apre midi konman Anbasader. Oubyen plito ler nou aprouv son lapwentman ki Prezidan pou fer konman Lanbasader. Mersi Mr Speaker.

MR DEPUTY SPEAKER

Mersi Onorab Georges. Donk prezan nou pou pas lo vot pou sa enn Mosyon, mon ava zis relir avan ki nou pran en vot:

In accordance with Articles 63(1) and 64(1) of the Constitution, this Assembly approves the proposed appointment by the President of

the Republic of Mrs Anne Lafortune as Ambassador.

Donk tou bann Manm ki an faver endike silvouple, mersi. Okenn Manm ki kont? Ok mersi.

Donk propozisyon pou lapwentman Mrs Anne Lafortune konman Anbasader, nou'n ganny 24 Manm ki'n vot an faver, okenn Manm pa'n vot kot e okenn Manm pa'n *abstain*.

Donk son propozisyon i ganny laprouvasyon Lasanble Nasyonal.

Avan ki nou pas lo lot Mosyon, nou bezwen pran en *First Reading* en *Bill* ki nou pou bezwen Lasanble pou bezwen konsidere semenn prosen, donk mon ava envit Madanm Clerk pou fer *First Reading* silvouple.

MADAM CLERK

Mersi Mr Speaker. *This Act may be cited as the Revenue Administration (Amendment) Act 2021.* Mersi Mr Speaker.

MR DEPUTY SPEAKER

Mersi Madanm Clerk. Donk nou ava pran dernyen *item* pou ozordi lo nou *Order Paper* e mon ava envit LGB pou prezant Mosyon silvouple.

HON BERNARD GEORGES

Mersi Mr Speaker. Mr Speaker nou trwazyenm e dernyen Mosyon ozordi i se en lot Mosyon pou aprouv lapwentman en Anbasader e sa Mosyon i lir *comme suite*:-

In accordance with Articles 63(1) and 64(1) of the Constitution, this Assembly approves the proposed appointment by the President of the Republic of Mr Ian Madeleine as Ambassador.

Mr Speaker parey nou'n fer dan sa de apwentman presedan, mon propoze ki mon pa adres sa Mosyon la, me ki apre ki'n ganny segonde mon anmenn en Mosyon pou ki nou antre dan Staz Komite pou nou envit Mr Madeleine pou vin reponn detrwa kestyon, eksplik nou en pe son karyer avan ki nou retourn dan staz deba. Mersi.

MR DEPUTY SPEAKER

Mersi. Onorab Georges pou lenstan nou pas lo segonnman Mosyon. Okenn Manm ki segonde? Onorab Phillip Monthy.

HON PHILIP MONTHY

Mersi Mr Speaker. Konman en Manm IAC i en plezir pou mwan segonn Mosyon anmennen par LGB ki pe demann sa Lasanble pou

aprouv nominasyon Mr Ian Madeleine konman Lanbasader. Mersi.

MR DEPUTY SPEAKER

Mersi Onorab Monthy. Nou Mosyon pou Committee.

HON BERNARD GEORGES

Mersi Mr Speaker. Mr Speaker an akor avek order 84 nou Standing Orders mon move san notis ki Lasanble i konstitye son lekor dan en Komite Lasanble an antye pou nou fer sa staz ki pe swiv, setadir envit Mr Madeleine e demann li serten kestyon. Mersi.

MR DEPUTY SPEAKER

Mersi Onorab Georges. Mosyon segonde, Onorab Arissol.

HON SANDY ARISSOL

Mr Speaker pou nou dernyen dimoun ki vin anndan pou nou ganny sans enterakte avek li, mon ti ava segonn Mosyon pou zisteman pou nou kapab fer sa pti enteraksyon avek Mr Madeleine. Mersi.

MR DEPUTY SPEAKER

Mersi Onorab Arissol. Donk parey labitid nou pa pou pran en vot lo la nou ava zis demann *Sergeant-at-Arms* pou move Mace silvouple. Antretan

nou ti ava demande ki Mr Madeleine i ganny envite pou zwenn nou dan Lasanble.

E antretan ki nou pe esper Mr Madeleine, nou ti ava byen si nou kapab ankor enn fwa kit nou kestyon bref e menm nou deba apre konmsi, ki nou kapab sorti pa pou nou travay ek travay, me solman fini dan en letan rezonnab akoz i annan bann *staff* osi ki bezwen ariv dan lakour.

Mr Madeleine byenveni dan Lasanble Nasyonal pou sa apre midi, donk ki mannyer nou prosedir pou ale se ki nou pou envit ou pou fer en prezantasyon bref lo ou menm, lo ou parkour, e karyer sirtou an relasyon avek ou karyer.

E apre sa nou pou ouver lasal pou bann Manm poz ou detrwa kestyon, e nou pe envit bann Manm pou fer zot kestyon kourt e nou pe envit ou osi pou fer ou larepons presi e ase kourt akoz kontrent letan.

E apre sa ler ou ava'n kit nou, nou pou fer en deba avan ki nou pran en vot. Donk mon ava envit ou pou fer prezantasyon silvouple.

MR IAN MADELEINE

Mersi Mr Chair. Bonn apre midi Mr Chair. Bonn apre midi *Leader* Zafer Gouvernman

dan Lasanble, bonn apre midi *Leader* Lopoizasyon, bonn apre midi tou bann Manm Onorab e tou dimoun ki a lekout.

Tou dabor mon ti a kontan remersye Lasanble Nasyonal donn mon sa loportinite pou mon prezant mon lekor an faver sa nominasyon.

I en gran loner pou mon a zot dispozisyon ozordi pou donn zot en apersi mon parkour, mon leksperyans e mon konesans.

Mon apel Ian Madeleine, mon aze 36an mon'n marye mon annan 2 zanfan. Mon en zabitan Glacis. Mon'n lekol Glacis depi lakres ziska S1. E mon'n lekol segonder apre sa ziska S5.

Mon'n *complete A Level Polytechnic* an 2004.

Mon karyer profesyonnel ti konmans dan lansennyman an 2007 apre ki mon ti'n fini *NIE* avek en Diploma dan Ledikasyon Segonder ek en spesyalizasyon dan Lasyans Sosyal.

E apre sa osi deplis mon osi annan en *Bachelor* dan Ledikasyon Segonder. E pandan mon bann parkour Liniversite mon'n santre plito dan listwar avek lasyans politik.

E mon osi annan en *Master* dan ladministrasyon piblik, avek Liniversite *Tsinghua*.

Zis pou note ki mon premye degre mon ti fer li *L’Australie* avek Liniversite *Edith Cowan*.

So mon ti en ansenyan kot lekol segonder Beau Vallon *from* lannen 2007 ziska 2008. E apre mon ti al fer mon Degre e ler mon ti retournen mon ti kontiny dan lansennyman *from* 2010 ziska Zilyet 2011.

Mon parkour dan la diplomasi ti konmans le 4 Zilyet 2011, kot mon ti transfer dan Minister Zafer Etranzer konman en Trwazyenm Sekreter dan Zafer Konsiler.

Pou apepre 5 mwan mon ti travay konman sel zofisyè Konsiler pou pei, avek lasistans en *office assistant*. La mon ti angaze. Mon responsabilite *basically* ti pou reste angaze avek bann Seselwa ki dan detres aletranze pou ed zot.

Mon ti osi angaze avek negosyasyon *visa waivers*. E avek lapwentman bann Konsey Onorer parmi lezot responsabilite ki Zafer Konsiler ti annan.

Kantmenm responsabilite byen sarze an vi ki mon ti sel zofisyè. Mon ti osi deservi

bann lezot dosye *from* bann lezot divizyon, aköz sa letan ti napa ase *staff* dan sa bann lezot divizyon.

E alor apart ki travay konsiler mon ti osi okip kontribisyon ver bann lorganizasyon enternasyonal e kandidatir ver bann lorganizasyon enternasyonal, demann lasistans legal e osi annan responsabilite pou *deal* ek lapres konman *press attaché*.

An 2014 apre resevwar mon *Master* mon ti transfer dan Divizyon Relasyon Enternasyonal, e konman en Dezyenm Sekreter. E mon ti okip bann dosye was *L’Europe*. Setadir bann pei parey *La France, L’Espagne* ensidswit. E la mon ti angaze avek *manage* relasyon bilateral ant Sesel ek sa bann diferan leta.

An 2015 mon ti ganny poste konman en Dezyenm Sekreter dan Lanbasad Sesel a *Paris*, mon rol sete pou siport travay ki Anbasader ki ti la sa letan, dan reprezantasyon Sesel ver bann pei ki ti tonm anba ziridiksyon Lanbasad, me osi bann lorganizasyon tel ki *UNESCO* ki lorganizasyon *La Francophonie, OECD, FAO and IAA*.

Pou mon *posting* ti en leksperyans tre ris ki’n ede

solidifye mon konesans e leksperyans dan la diplomasi. Ler sa Anbasader ki ti la sa letan sete Anbasader *Chamla* letan ti fini son *tool* mon ti bezwen deservi dan rol *Chargé D’Affaires* par enterim pou apepre 5 mwan ziska larive nouvo Lanbasader.

E la dan sa rol mon ti senpleman responsab pou fonksyonman Lanbasad, ki swa administrativman, me osi lo nivo bann aktivite diplomatik dan sa ziridiksyon.

Mon’n retourn Sesel an Out 2017 apre ki mon ti’n ganny promote Direkter Protokol. E mon’n deservi dan sa rol ziska Desanm 2018.

Konman Direkter Protokol mon ti annan responsabilite pou asir bann kondwit e lenplimantasyon bann Konvansyon *Vienne* lo relasyon diplomatik.

An plis kordin e organiz bann levennman Nasyonal e diplomatik tel ki bann vizit Deta parey spesifikman ti annan vizit Prezidan *Sri Lanka*, Maithripala Sirisena an Oktob 2018.

E mon’n osi travay fortman lo bann Polisi lye avek privez ek imilite ki bann Diplomat i zouir anba sa Konvansyon bann Konvansyon diplomatik isi Sesel.

An Zanvye 2019 mon ti pran responsabilite Direkter Zafer Maritim ki ti en nouvo seksyon mandate pou pourswiv bann loportinite ek lentere Sesel, ver lespas maritim e konsolid rol nou pei konman en *leader* dan domenn Sekirite Maritim.

Apre restriktirasyon ki’n fek arive resaman, dan departman mon’n vin Direkter pou Zafer Rezyonal pou en serten letan, me osi mon’n *retain* sa responsabilite pou sekirite rezyonal ek zafer maritim.

Vwala en pti pe mon parkour. Avek bokou imilite mon ti a kontan zis sezi sa loportinite pou remersye tou dimoun, ki dan en fason ou en lot in ed mon pou dan mon parkour, enkli mon fanmir. Lalis i long mon pa pou fer zistis par konmans nonm non.

E i pou en privez pou mwan reprezant pei e Lepep Seselwa, si zot deside aprouv mon nominasyon ozordi. Mersi Mr Chair, mersi tou bann Manm Onorab pou zot latansyon.

MR DEPUTY SPEAKER

Mersi Mr Madeleine. Mon pou prezan ouver lasal pou kestyon. E premye entervenans Onorab Hoareau.

HON JOHN HOAREAU

Mersi Mr Chair. Dabor mon oule *welcome* Ian dan nou Lasanble akoz i enn mon etidyan *past student*.

An vi ki Ian i en Diplomat *de Carrière* mon ti a kontan konnen ki son pwennvi lo bann kalite ki fer en bon Diplomat

Dezyenmman an vi ki stratezi Gouvernman se pou servi bann biro Lanbasader pou osi promouvwar Sesel konman en destinasyon touristik, ki fason sa nouvo stratezi i *fit* dan louvraz en Anbasader e bann travay la diplomasi ?

Trwazyenm pti kestyon ki mon annan pou Ian se ki an se moman *climate change*, avek *vulnerability* bann *small island state* i en size ki *hot on the table*. E konman en Anbasader eski ou santi ou kapab mannye e frot zepol avek bann gro leta ki pa krwar dan *climate change*? Mersi.

MR DEPUTY SPEAKER

Mersi Onorab. i annan 3 pwen Mr Madeleine.

MR IAN MADELEINE

Mersi Mr Chair. Mersi Onorab. Mon ti a kontan osi remersi ou pou bann valer ki ou'n in part

lo mon a konman mon ansyen ansenyan.

Bon dabor kalite kwa ki fer en bon Diplomat? *Ok* prensipalman mon krwar premye keksoz ki ou bezwen annan se ou bezwen annan en sans lwayote an ver ou pei *ok*?

E dezyenmman ou bezwen osi annan sa *drive*, pou ou fer serten sanzman dan le sans pou benefis e devlopman pei. Pou anmenn sa pou aport sa kontribisyon ki neserer pou ed ou pei ed lentere Sesel.

Dezyenmman *I mean* Trwazyenmman i bann valer debaz *comme* respe, imilite i tre enportan akoz ler ou pou konmans dan sa karyer i pa en karyer i ki fasil, i vreman *demanding*.

So ou bezwen en dimoun ki pare pou ekoute e ki pare pou aprann, ki pare pou demontre bann valer ki pou permet ou resevwar sa konesans ek bann *skills* ki ou bezwen pou fer sa travay. Sa i lo premye kestyon.

Dezyenmman lo kote promouvwar promosyon *tourism*, mon krwar ki tou keksoz ki en Diplomat i fer, en Diplomat pa ganny ekspekte pou li vin en eksper dan sa *field*.

Son lekspertiz li se pou konnen *how the diplomatics*

system i marse. E travay lo bann stratezi pou kapab annan *maximum focus e maximum rezilta* ki kapab ganny retire *from* sa sistenm.

Setadir ou bezwen travay lo bann stratezi konzwentman avek bann *partenaire* kle. Dan sa ka mwan mon *Career Diplomat* mon pa en *tourism expert*. Me mon rol se ki mon pou bezwen reste angaze avek bann Departman ek bann lazans ki konsernen avek *tourism*.

E mon krwar ki sa lapros ki Gouvernman in pran pou anmenn sa de antite ansanm *Foreign Affairs* avek *Tourism* i pou fasilite travay ki en Anbasader i bezwen fer, akoz i pou ganny akse direktman avek bann pwen ek bann priyorite ki Sesel i devret annan dan domenn *tourism* pou kapab fer sa travay.

E nou konman bann Anbasader nou rol se prouv sa zwen trouv sa laport pou kapab fer sa promosyon neser.

En pti pe lye avek sa trwazyenm kekyon osi, mon krwar sa dezyenm larepons ki mon'n donner.

Sanzman klimatik i reste, manda i annan en departman isi ki *deal* avek sanzman klimatik. Me nou rol konman

Anbasader parey mon'n dir, se pou kapab konpran *how* ki mannyer sa laspe politik etranzer i marse. Ki motivasyon ki sa bann pei ki kekfwa zot, zot pa tro krwar dan sa bann konsep ki'n ganny met devan, ki motivasyon, ki pe vremen *drive* zot.

E alor bann stratezi ki en Diplomat i bezwen ki bezwen etabli, i bezwen trouv bann solisyon pou kapab *tackle* sa bann kalite largiman, konzwentman avek bann departman isi Sesel ki annan lekspertiz, avek konesans dan sa domenn. Mersi.

MR DEPUTY SPEAKER

Mersi Mr Madeleine. Mon ava pas laparol avek Onorab Sophola.

HON NOLINE SOPHOLA

Mersi Mr Speaker. Bonn apre midi tou dimoun. Mr Speaker konman en Digwa mon fyer pou sa zenn ki son rasin i sorti La Digue atraver enn son paran ki en Digwa.

Mr Madeleine konman en zenn Diplomat ki pe enspire pou vin en Anbasader, mon vwar ki ou annan tre bon vizyon pou Sesel. Mr Madeleine si ou ganny konfirmen konman Anbasader

ki ou pe anvizaze fer pou anmenn plis loportinite pou nou bann zenn, ki swa dan la diplomasi ou dan lezot sekter? Mersi Mr Speaker.

MR DEPUTY SPEAKER

Mersi Onorab. Mr Madelaine.

MR IAN MADELEINE

Mersi Mr Chair. Mersi Onorab. I vre mon manman i en dimoun Digwaz par son lorizin. Me mersi Onorab pou ou lankourazman.

Bon lo kote loportinite pou bann zenn, mon'n annan responsabilite mon'n annan *staff* ki ziska prezan pe travay anba mon. E lenportans ki mwan mon mete i se sa bann valer ki mon'n mansyonnen taler dan sa dan mon larepons pou ou kestyon ki Onorab Hoareau in demann mwan, i se ki *as much as possible* mon sey *in part* sa bann valer ki neserer pou bann zenn kapab rekonnèt kwa ki pou fer ou *successful* dan ou karyer.

Ok parey mon'n mansyonnen i annan imilite, respe e sa *drive* pou fer sir poudir *no matter* kwa ki ou fer dan en fonksyon Gouvernman ou pe fer li pou ou pei. Ou pe fer li pou lasosyete.

So mon krwar par legzanp ki mon pe donnen, si par zot

volonte mon ganny aprouve dan sa pos, i pou en legzanp pou bann zenn, pou vwar poudir pa aköz ou annan serten laz ki ou pa kapab ariv lo en serten nivo dan ou karyer.

Mon pa konnen si Onorab mon'n mank enn ou kestyon ou ava zis *remind* mwan si an ka sa i leka. Mersi bokou.

MR DEPUTY SPEAKER

Ale Onorab Sophola si in mank enn ou kestyon.

HON NOLINE SOPHOLA

I *ok* Mr Speaker, mersi.

MR DEPUTY SPEAKER

Mersi. Nou pou pas lo lot entervenans. Mon a demann Mr Madeleine e osi Lasanble, vwar ler ou ti pe vini mon ti pe mazine poudir mon pa'n deza vwar ou, apre letan ou traverse mon realize mon'n deza vwar ou avan.

Me solman i annan manm piblik deor ki pe dir zot pa tro siny lekel ou. So nou ti pou donn ou permisyon briyevman, pou zis tir ou mask so ki petet piblik lo televizyon i ava vwar lekel ou, koumsa ou ava kapab zot ava konnen lekel ki nou pe enterakte avek.

Prosen enterven an Onorab Esparon, ou *MNA* dan distrik kot ou sorti, *ok*.

HON REGINA ESPARON

Mersi Mr Speaker. Mr Speaker wi mon *MNA* Mr Madeleine. E mon fyer poudir mon kontan mon vwar en zanfan Glacis ki pe pourswiv son karyer en pe pli lwen.

Mr Madeleine i en zanfan ki'n ne Glacis, son manman ki son rasin i sorti La Digue. Mr Speaker.

MR DEPUTY SPEAKER

Ok proceed avek ou kestyon Onorab.

HON REGINA ESPARON

Mr Speaker, mon ti a kontan demann avek Mr Madeleine, mon konnen poudir Onorab Hoareau in demann sa kestyon me selman an term ou leksperyans dan Minister Zafer Etranzer e ou bann ekspoze enternasyonal. Ki kontribisyon ou krwar ou pou kapab anmennen?

La nou pa pe koz lo kote touris la, promot Sesel dan nenport ki pei ou Lanbasad ki ou ganny plase si ou ganny apwente?

E an vi kriz ekonomik ki Sesel pe pas pe fer fas avek, kwa ki ou santi ki merit

priorite politik etranzer Sesel? Mersi.

MR DEPUTY SPEAKER

Omwen pou sa premye sa enn larepons reponn san *mask* pou dimoun vwar ou dan lakour apre ou ava kapab re mete. Mersi.

MR IAN MADELEINE

Mersi Mr Chair. Mersi Onorab. Bon lo ou premye kestyon Onorab mon krwar si zot pou get mon CV parkour ki mon'n fer dan Minister Zafer Etranzer i en parkour ki ase larz. *Ok?* Mon'n annan responsabilite Zafer Konsiler ki mon'n *deal* direktman avek problem ki piblik i annan e mon'n asiste plizyer dimoun.

Mon'n osi travay lo bann dosye Bilateral, konman en Zofisye dan relasyon enternasyonal. Answit mon'n travay dan Lanbasad, mon'n ganny sans fer *Chargé D'Affaires* mon'n travay konman Direkter Protokol ki labaz la diplomasi.

E, apre osi mon'n annan responsabilite pou sekirite maritim, ki'n donn mon sans pou pa zis get travay lo en nivo prosedir teknik. Me lo en nivo stratezik, devlopman bann stratezi pou nou kapab annan en serten retonbe tanzib.

Mon krwar ki deplis ki sa, laspe lot laspe enportan osi i sa laspe valer ki mon'n demontre dan mon travay. E *basically* mon'n tou kou fer sir ki mon travay i drwat, e ki parey mon'n dir monn fer mon travay avek responsabilite ek respe.

E alor mon krwar sa i donn mon sa bagaz, sa bagaz aköz pa bliye letan en dimoun i ganny pouse dan en Lanbasad sirtou la avek sa moman difisil, en Anbasader probableman dan serten sirkonstans i pou sel *diplomatic agent* dan sa Lanbasad. I pou bezwen annan en konesans en pti pe de tou travay ki en Lanbasad i bezwen fer.

E alor mon mazine ki leksperyans ki mwan mon'n annan menm si i par 30an 20an me lenpak ki mon'n fer pandan sa 10an, i donn mon sa bagaz pou fer sa louvraz ki neserer pou Sesel.

Lo dezyenm kestyön, politik etranzer. Sirtou la dan sa letan ki nou pe viv, mon krwar ki politik etranzer i bezwen Sesel, son politik etranzer i bezwen pa zis *focus on the now*. Me selman annan bann dekoule annan bann lobzektif ki pou lemoman ki kour term, setadir kour term

dan limedya kwa ki Sesel i bezwen.

Pli gro preokipasyon ki Sesel i annan ki *COVID* lenpak ki *COVID* i annan lo pei. E alor a la kour term nou pou bezwen *basically* nou *foreign Policy*, pou bezwen get fason pou kapab mobiliz bann korperasyon ek sipor pou sirmont sa defet ki nou pe pas ladan la.

E sa i ava vin par egzänp bann *restructuring*, me i ava vin bann lasistans ki pou *tackle* kekfwä bann *shortfalls* dan nou resours.

Me lo nivo mwayen term, mon krwar kekfwä *foreign Policy* i bezwen get sa bann konsolidasyon ek ranforsman bann sekte ekonomik, ki an plas. Par egzänp relansman touris e ranforsman aktivite touristik pou anmenn sa retonbe ekonomik, ki nou bezwen.

E deplis osi annan rod bann loportinite pou kekfwä eksplor fason pou nou ogmant leksportasyon, dan bann sekte ki egziste pou lemoman.

E sa ki fer ki lo bann lobzektif lonterm i mon krwar i vremen primordyal, ki nou get sa laspe diversifikasyon ekonomik ki nou pou bezwen fer e *the building of resilience*.
Ok?

Rezilyans i en mon krwar i en laspe devlopman ki kekfwa nou pa met bokou laksan lo la parler, me selman i vreman enportan akoz se sa ki pou determinen si demen nou fer fas kont en lot sok *whether or not*, nou pou kapab debout lo nou lipye ouswa nou pou ganny tape for ankor.

E la mon krwar i annan bann i pou pran plis letan akoz i pou osi *involve* en remaniman bann akter ekonomik e bann Polisi ki pou bezwen met an plas pou permet sa.

E mon krwar i annan loportinite dan bann sekter parey *ICT* Lenformasyon ek Teknolozi avek menm dan Lekonomi Ble, nou'n tonm *marine biotechnology*.

E alor rol *for foreign Policy* se pou sey retrouv bann Korporasyon ki pou kapab devlop sa bann nide dan en fason lonterm. Mersi.

MR DEPUTY SPEAKER

Mersi Mr Madeleine. Donk mon krwar sa de sa larepons in donn loportinite piblik pou vwar ou figir e kekfwa *SBC* osi a kapab servi en *extract* dan sa larepons la ki ti tre enteresan pou Nouvel si zanmen zot le piblik vwar ou figir.

Nou a pas lo lot entervenans, Onorab Pillay ki *next* lo mon lalis.

HON SEBASTIEN PILLAY

Mersi Mr Speaker. *Welcome* Mr Madeleine i en zanfan Glacis mon konn li tre byen. Mon konn li depi lanfans, e pou mon i en plezir e en loner pou vwar ou dan Lasanble pe fer sa, mon krwar ou fanmir ou manm en lafanmir e *of course* Mr Franky *where* i pe regarde e i *very proud*.

Sel kestyon ki mon annan pou ou Ian, akoz mon krwar ozordi apre midi ler nou koz lo mesaz parfwa nou koz lo bann move mesaz ki nou gannyen.

Mon'n ganny detrwa mesaz mon osi ki'n dir poudir Ian *is a very hardworking individual asset*.

So bokou dimoun i rekonnet ki ou annan sa valer sa konpetans pou travay dir, eski Ian Madeleine i kapab promet nou ki en lapwentman konman en Anbasader ki lev li lo en lot nivo Ian Madeleine pa pou perdi sa liminite, sa senplisite e sa devosyon e sa lanvi travay dir? Mersi Mr Chairman.

MR DEPUTY SPEAKER

Mersi Onorab. Mr Madeleine.

MR IAN MADELEINE

Mersi Onorab. Tre briyevman mon donn ou mon langazman ki Ian Madeleine pou kontinyen Ian Madeleine, *no matter* ki pozisyon i ete. Akoz sa i bann valer ki parey ou'n dir ki mon paran in enkilke anndan mwan.

E mon pa krwar mon pou fer zot mon pa anvi perdi sa bann valer akoz i valer ki enportan pou mwan. Me ki mon pou fer sir poudir i reste ek mon tou dilon mon lavi. Mersi.

MR DEPUTY SPEAKER

Mersi Mr Madeleine. Onorab Arissol. Ou *drop?* Donk i reste zis en dernyen entervenans *LGB* osi ou pa pou demann kestyon. Ben vwala nou'n ariv a lafen nou sesyon kestyon napa okenn lezot Manm ki'n endike zot ti anvi demann en kestyon.

Mr Madeleine ava remerci ou pou ou letan avek nou dan Lasanble ozordi apre midi, i ava reste kon pou mon swet ou lo lapar Lasanble Nasyonal bonn sans dan ou *future* karyer i respektif ki vot apre ki nou'n fini debat. Mersi ankor enn fwa pou zwenn nou.

(MR MADELEINE WAS EXCUSED FROM THE HOUSE)

MR IAN MADELEINE

Donk nou pou pas lo lot staz nou travay pou apre midi, nou ava demann *Sergeant-at-Arms* pou rekonstitye Lasanble.

E nou pou al dan staz deba, 5.22 prenon kont letan mon ti ava envi Manm ki anvi dir en pti mo avan ki nou pran vot. Onorab Clifford Andre.

HON CLIFFORD ANDRE

Mersi Mr Speaker. Mr Speaker apre midi nou'n vwar devan nou la Mr Madeleine, in montre nou ki poudir i en zenn avek bokou konpetans. In osi montre nou ki poudir dan son parkour kot in vin en *Carrier Diplomat*, i neser parer kot i annan serten valer e leksperyans ki permet zot dan Minister Zafer Etranzer pou zot aspire ki en zour zot osi zot kapab vin bann Anbasader.

E menm dan son zenes Mr Madeleine in montre nou ki tou bann kestyon ki'n ganny demande e mwan mon'n enpresyonnen pou ekout son larepons.

E mon santi ki in fer zistis son *interview* devan nou menm si mwan mon pa'n demann li en kestyon me zot in demann li e mon'n ekout sa bann larepons atantivman e mon vwar ki si en dimoun pou demann mon si Mr Madeleine

in pas son *interview* mon pou dir *with flying colours* i respektiv si i sorti Glacis oubyen son paran i sorti La Digue.

Mr Speaker, avek sa de pti mo mon pou reasir Mr Madeleine, ki mwan mon pou donn li sa sipor ki i *deserve* e mon espere parey in dir ki letan i pran son pos kot *wherever* Prezidan i santi i neserer i deservi Sesel avek tou son kouraz tou viger e i gard sa imilite ki li i annan menm sa mon'n konn li depi bokou letan. Mersi Mr Speaker

MR DEPUTY SPEAKER

Mersi Onorab Andre. Ou'n fer ou prezantasyon dan en minit, mon pou envit Onorab Sophola.

HON NOLINE SOPHOLA

Mersi Mr Speaker. Mon osi mon krwar briyevman Mr Madeleine i en zenn Diplomat ki'n sezi tou sa loportinite ki pei in donn li, e ozordi in vin en Diplomat tre prometan.

Mr Speaker apre ki mon'n ekout li san dout i annan tou sa kalifikasyon, apre tou son parkour ki in fer an kontan son *A-ticket* e annan Sesel aker ki pou fer li kalifye konman en Anbasader.

Mr Speaker sa lapwentman i tre enportan, i en model pou bokou nou bann zenn ki anvi deservi Sesel.

Mr Speaker avek sa bagaz ki Mr Madeleine i annan mon asire ki pou touzour fer flote nou paviyon avek nou Lim Nasyonal avek fyerte.

Mon demann Mr Madeleine pou kontinyen rod louvertir pou devlopman bann zenn e an plis kontinyen agrandi relasyon Sesel avek lezot pei.

Mon swet Mr Madeleine bonn sans dan son nouvo pozisyon e fer Sesel fyer konman en Anbasader. Mersi Mr Speaker.

MR DEPUTY SPEAKER

Mersi Onorab pou sa prezantasyon tre bref. Onorab Pillay.

HON SEBASTIEN PILLAY

Mersi Mr Chairman, mon pou tre bref. Mon pou tre bref par lefe ki konman en dimoun ki koz bokou lo donn loportinite bann zenn e pou donn zot loportinite pou devlope, mon pa kapab pa apresye lefe ki en garson parey Ian in ariv devan Lasanble ozordi ki mon'n vwar li grandi.

Mon konn son fanmir tre byen e ki in ganny loportinite e

in montre ki i pa sa ki li i konnen ki'n ed li devlope, me ki in fer tou son parkour, tou son zefor lo li menm pou li avanse dan lavi.

E mon krwar sa i devret servi konman en lenspirasyon bann zenn. Mon annan etidyan osi ozordi pou mwan menm ki dan Lasanble ki'n vin Manm Lasanble. Nou tou ki la nou annan dimoun atraver nou parkour dan nou karyer ki nou'n rankontre ki'n nou'n avanse dan lavi.

Me souvandfwa sa i montre poudir lazenes Seselwa i annan potansyel, i annan keksoz ki zot kapab ofer. E nou bezwen valoriz bann ki montre bann bon legzanp e mon kontan son larepons pou mon kestyon ki sa bann valer ki i fer li sa ki i ete, ki fer nou annan liminite, senplisite, malgre pe enport pozisyon ki nou gannyen, li osi i pou garde i en konviksyon en prensip fondamantal ki mwan mon krwar ladan.

E mon swet li tou lemeyer dan son nouvo karyer, e mon *extend* tou mon lankourazman osi pou son fanmir pou donn li tou bann sipor posib pou li kontinyen devlope dan son karyer, e pou li fer loner Sesel partou kot i kapab ale kot i

ganny *posting*. Mersi Mr Chairman.

MR DEPUTY SPEAKER

Mersi Onorab Pillay. Onorab Arissol.

HON SANDY ARISSOL

Mersi Mr Speaker. Ankor enn fwa mon krwar i en loner e touzour i en plezir letan nou vwar en lot Seselwa e safwasi en zenn garson ki'n vini e pe sey eksplik nou akoz li ki bezwen vin sa Anbasader ki Sesel pe rode.

Mr Speaker *LDS* son moto "Sesel pou tou son zanfan." Mon krwar letan nou pe *focus* lo plizyer dimoun ki pa pe travay, dimoun ki lo drog, dimoun ki ti lo *URS*, par deryer tousala in annan bann bon fri Sesel.

E ozordi nou annan 3 bon fri dan nou pei. Nou'n konmans avek Ted Barbe, nou'n konmans avek Mrs Anne Lafortune e la apre midi en zenn garson Mr Ian.

En dimoun ki'n leve in travay dir, dan plizyer pozisyon e ozordi in tonm lo sa pozisyon. Mon krwar sa i bann i sa lapros ki nouvo ladministrasyon in anvi promote, leve debourye e lafen dizour ou ganny sa rekonpans ki ou anvi.

E nou, nou fyer parske sa i 3 Seselwa, ki ozordi zot pe al okip bann pozisyon kle dan nou pei, pou fer nou pei fyer nou Seselwa e osi zot fanmir an relasyon avek sa.

Alor letan nou, nou ti a pe koze nou ti a pe ekout zot, i annan plizyer dimoun ti pe anvoy mon mesaz ki ti pe dir avek mon be entel ti kapab vin pran sa pozisyon, entel ti kapab ganny sa pozisyon, entel ti kapab ganny sa pozisyon.

Me souvandfwa ler bann Minis ti vin dan nou Lasanble zot dir avek nou, “get sa si zot santi i annan okenn propozisyon okenn keksoz mon ti a kontan demann bann dimoun pou vin devan fer konnen poudir mon osi mon’n la, mon ti a kontan tel promosyon.”

Zis parey nou konman bann Manm Lasanble letan nou anvi vin en kandida, nou apros nou parti nou vini nou dir e nou swiv bann prosedir e finalman nou pas devan laport bann dimoun pou nou ganny elekte pou nou vin sa pozisyon ki nou, nou ti a kontan anvi.

Mon ti a kontan profite remersi sa 3 dimoun sa 3 Seselwa ki’n vin da nou Lasanble Mr Speaker, swet zot de bon dan zot karyer e

espekte avek zot bon rezilta parey toultan nou pe dir.

Me selman taler Onorab Pillay in annan en keksoz ki in dir ki mon’n anmase, ki’n die ek nou fotespere ki nou Lasanble i kontinyen lo sa bon laliny, parske in servi legzanp Mrs Lafortune ki dan lepase nou konman en Lasanble nou’n blok serten madanm, an relasyon avek bann pozisyon ki zot sa letan zot ti dan Gouvernman zot ti anvi.

Me anvi zis dir poudir zis *remind* zot lo lot kote latab poudir la se *LDS* ki pe *rule border*, nou ki pe *rule border*, so nou ki swazir lekel bann madanm swa bann msye ki nou, nou ti a kontan.

Zis parey ler zot, zot ti dan Gouvernman zot ti swazir zot madanm zot msye ki zot, zot ti kontan. La in ariv nou sans alor donn nou en pti sipor pou nou promot sa 3 Seselwa.

E sa 3 Seselwa Mr Speaker zot in travay anba ladministrasyon avan. Zot in travay prop, onnet, fran se pou sa rezon nou, nou santi poudir akoz non Sesel i pou tou son zanfan, menm zot in travay dan ladministrasyon avan si zot *deserve* en pozisyon parey nenport ki lot Seselwa ankor ki pou vini nou dan *LDS* nou pou toultan siporte ki nou Seselwa

i vin devan e kontinyen bon keksoz pou nou pei.

Alor nou, nou krwar ladan e mon swete lo lot kote osi zot krwar ladan e se pou sa rezon zot pou donn nou en koudmen pou nou siporte ki sa 3 Seselwa ki'n vin dan nou Lasanble apre midi, zot kapab kontribye pou nou pei pou ki nou pei i avans devan i pa avans devan zis pou sa 3 dimoun me i avans devan pou Lepep Seselwa ek lemonn i a pe get nou.

Alor lo sa Mr Speaker mon ti a kontan aport mon sipor e mon ti a kontan demann tou mon Manm lo mon kote latab enkli lot kote ki'n montre zot sipor dan kestyon menm Onorab Aglae pa'n ganny sans demann son kestyon.

Akoz letan, e li i reste tre lwen, me selman mon konnen i pou siporte i pou donn nou e vot. Mersi bokou Mr Speaker.

(APPLAUSE)

MR DEPUTY SPEAKER

Mersi Onorab Arissol. Mon pa rappel mon'n vwar li lev lanmen mon pa'n vwar li, anr ou ti'n leve eskize mon pa'n apersevwar ou.

Donk mon ava dernyen Manm lo lalis pou koze mon

ava donn loter Mosyon loportinite pou fer son *summing-up*.

HON BERNARD GEORGES

Mersi Mr Speaker. Mr Speaker nou'n pas nou en apre midi ekstraordiner kot mon krwar nou de dernyen dimoun ki nou'n gannyen ozordi in enpresyonn nou par zot konpetans ek par zot fransiz.

Mon remersye tou bann Manm ki'n entervenir lo sa Mosyon. Zot in fer sorti bann pwen tre valab e mon remersye osi Mr Madeleine ki'n vin devan nou apre midi e ki'n reponn tou nou bann kestyon dan en fason egzanpler e dan en fason konplet.

Mr Speaker apre midi la nou' vwar annefe de kalite Diplomat, en Diplomat ki pou ki en lapwentman politik, e en Diplomat ki en apwentman de karyer.

En *Career Diplomat* Mr Ian Madeleine in dir li menm li ki i en Diplomat *de Carrière* in antre dan la diplomasi, in antre dan Minister Zafer Etranzer, i pe progrese nou'n vwar lo son *CV Third Secretary, Second Secretary* eksetera e i pe mont bann ran ziska ler in ariv a latet setadir lapwentman konman Anbasader.

Lo lot kote nou annan Mrs Anne Lafortune ki en apwentman politik parey nou dir dan term diplomasi.

Se pa akòz i en politisyen i pa oubyen se pa akòz ki i annan en rezon politik pou apwent li i pa i zis ou servi sa term konman en diferans ant en karyer en *Diplomate de Carrière* ek en lapwentman politik. Akòz set en politisyen Prezidan Larepublik ki nonm sa Anbasader.

Se pa akòz i en politisyen, en Diplomat ki en apwentman ki pa de karyer i ganny apwente akòz i annan laptitid pou en serten travay, se pou sa rezon ki ou vwar ki dan bokou pei bann dimoun ki ler Prezidan i vin o pouvwar, i swazir en pe dimoun ki sorti dan Minister Zafer Etranzer pou vin Anbasader, i swazir serten dimoun ki pa sorti dan Minister e se sa ki nou apel bann apwentman politik.

Pa akòz sa bann dimoun i politisyen, pa akòz zot annan okenn afilyasyon politik, me se son swa ki fer sa.

E isi nou'n vwar laptitid Mrs Lafortune pou sa travay, in anmenn Prezidan nonm li konman Anbasader e donk nou'n vwar sa diferans ozordi.

E sa diferans i en levantay, i en levantay ki permet nou ganny meyer reprezantasyon. Ou pa bezwen pran en dimoun dan Minister Zafer Etranzer, me ou kapab al an deor e pran en dimoun ki ou santi i annan en laptitid pou en serten travay.

Pa konman en *reward* politik, la i vremen mal si ou fer sa, me ou swazir en dimoun ki annan en laptitid pou en travay e ou nonm li dan sa post.

Aprè midi nou'n plito la dernyerman nou'n ganny loportinite pou ganny en dimoun ki'n vin devan nou ki en zenn zonn *upstanding, smart*, byen elve, avek en bon ledikasyon ek en larz levantay konpetans dan la Diplomasi.

Andotmo Mr Speaker, Mr Madeleine i kapab ganny dir i en *role model* pou lazenes Seselwa e pou bann zenn Seselwa ki pe devlope. E mon krwar nou devret vwar li dan sa fason.

E se sa ki fer mon fyer ki mon apartenir par en pei kot sa bann dimoun parey Mr Madeleine i kapab ariv a e tre zenn az *the apex* zot karyer. Mon krwar ki ler nou kapab pran linisyativ e donn sa bann dimoun ki annan sa konpetans e ki'n montre nou sa

konpetans en loportinite nou pei i kapab *achieve* bann mervay.

E ou konnen ki sa dimoun i en dimoun popiler, e ou konnen ki sa dimoun i en dimoun ki pou kapab deservi sa travay, e ou konnen ki sa dimoun i annan sa konpetans ler sakenn i anvi pran posesyon sa dimoun. La Digue i dir i pou La Digue, Glacis i dir i pou Glacis. En lot i dir mwan ki ti montre li lekol e sa i byen.

E sa i byen fodre i annan fodre sakenn ler ou vwar sakenn i anvi a kapab en morso lo en dimoun, ou konnen ki sa dimoun i en bon dimoun.

E apre midi ou'n vwar sa. E nou'n vwar en lot *asset* pou nou pei. Avek sa detrwa mo Mr Speaker ler i tar mon ti ava kontan remersye ankore enn fwa tou bann dimoun ki'n pran laparol apre midi e remersye zot pou sa vot ki mon konnen pe vini. Mersi.

MR DEPUTY SPEAKER

Mersi Onorab Georges. Donk in ariv ler in ariv ler pou nou pran en vot lo sa trwazyenm Mosyon e mon ava lir li. *In accordance with Articles 63(1) and 64(1) of the Constitution, this Assembly approves the proposed appointment by the*

President of the Republic of Mr Ian Madeleine as Ambassador.

Donk nou ava envit tou Manm ki an faver pou endike silvouple. Mersi okenn Manm ki kont. Mersi.

Lo sa propozisyon pou nominasyon Mr Ian Madeleine konman Anbasader, 31 Manm Lasanble Nasyonal in vot an faver okenn Manm pa'n vot kont e okenn Manm pa'n *abstain*.

Donk son propozisyon konman pou li ganny apwente konman Anbasader i ganny aprouve par Lasanble Nasyonal.

(APPLAUSE)

MR DEPUTY SPEAKER

Sa i fer ki nou'n ariv a lafen nou sesyon travay pou ozordi, nou'n al en pe pli long e o kour lazournen toultan mon'n dir bann Manm zot prezantasyon ti konbyen longer. Mon fer sa akoz mon oule ankouraz tou bann Manm konman en koleg *MNA* ki pe koze pou nou sey fer nou bann prezantasyon kourt me presi e si nou kontinyen nou pou aprann e nou pou kapab fer bann travay bokou pli vit dan bann zour ki pe vini. Donk mersi pou sa lazournen travay, e nou pou *adjourn* pou rezwenn Mardi.

(ADJOURNMENT)